

Banglapdf

মাসুদ রানা

মোসাদ চক্রান্ত

কাজী আনোয়ার হোসেন



মাসুদ রানা

মোসাদ চক্রান্ত

কাজী আনোয়ার হোসেন

‘কারণ, মুসলমানরা চাকরের জাত। চাকর হয়েই থাকতে হবে ওদের। তোমাদের আমরা পাঁচশ সত্তর সালে ফেরত পাঠাব।’

কথাটা কেমন লাগছে আপনার শুনতে?

রানারও ভাল লাগেনি। ও ভাবতেও পারেনি জড়িয়ে পড়বে মোসাদের চক্রান্তে।

নির্দিষ্ট একটা মীটিঙয়ের পর অথর্ব হয়ে পড়ছেন নামী-দামী মুসলিম বিজ্ঞানীরা। তদন্ত করতে গিয়ে পালিয়ে বেড়াতে হলো রানাকে। এলো একের পর এক আঘাত। জীবন বাঁচানো সহজ নয়। শেষে পনেরোতলা ওপরে তুলে কেবল চেয়ার থেকে নিচে ফেলে দেয়া হলো ওকে।

কিন্তু আসল কাজটার কি সুরাহা হলো?



সেবা বই

প্রিয় বই

অবসরের সঙ্গী

এক

ঘুরে দাঁড়াল রানা। দৌড়ে আসছে সোহানা ওর দিকে। দু'হাত বাড়িয়ে নিয়েছে, আতঙ্কে কোটর ছেড়ে বেরিয়ে আসতে চাইছে দু'চোখ। দৌড়াতে দৌড়াতে একবার পেছনে তাকাল।

আসছে! এসে পড়েছে শিকদার! ধরে ফেলবে একুশি!

'রানা, বাঁচাও!'

সোহানার গ্রীবা আঁকড়ে ধরতে থাকা বাড়াল শিকদার।

বাঁচাতে হবে সোহানাকে, কিছুতেই পিশাচসাধকের হাতে ওকে পড়তে দেয়া চলবে না। পা বাড়িয়ে অনুভব করল রানা, ভয়ে বুক ধড়ফড় করছে ওর, ঘামে ভিজ়ে গেছে সারাশরীর। রোমকূপে শিরশিরে একটা অনুভূতি।

নক্ষত্রের আলোয় দেখা যাচ্ছে শিকদারকে, মৃদু বাতাসে বাদুড়ের ডানার মত উড়ছে তার কুচকুচে কালো সিঁকের আলখেল্লা।

ওয়ালধার পি.পি.কে. ৩৮ তুলেই ট্রিগার টিপল রানা। ক্লিক করে একটা আওয়াজ হলো। গুলি নেই চেম্বারে। এই তো একটু আগেই ম্যাগাজিন আর চেম্বারে গুলি ভরেছে ও!

তাহলে?

এসে পড়েছে শিকদার। জাপটে ধরল সোহানাকে। হাসছে
গলা ছেড়ে। দুর্গের মত বাড়িটায় থাকে খেয়ে ফিরে আসছে
বিকট প্রতিধ্বনি। বাগানের বাবলা গাছ থেকে ওঁয়া-ওঁয়া শব্দে
কেন্দে উঠল একটা শকুন ছানা।

‘বাঁচাও, রানা!’ আতঁচিৎকার বেরিয়ে এল সোহানার গলা
চিরে।

পিস্তল ছুঁড়ে ফেলে দিল রানা। এগোতে চাইল। কিন্তু
একচুল নড়তে পারল না।

ভাদা!

কাদায় পা দেবে গেছে ওরা।

বেজে উঠল একটা সাইরেন। দ্রুত এগিয়ে আসছে
শব্দটা।

না, সাইরেন নয়; দূরে কোথাও বাজছে টেলিফোন। এই
নির্জন বসতিহীন দ্বীপে টেলিফোন?

সোহানা!

কোথায় সোহানা?

শিকদার বা সোহানা, কাউকে দেখা যাচ্ছে না!

কোথায় ওরা?

অস্তরাস্ত্রা কেন্দে উঠল রানার।

কানের কাছে এসে থেমে গেছে টেলিফোনের শব্দ।
নিয়মিত বিরতি দিয়ে বেজেই চলেছে। ব্যাপার কি! সচেতন
ভাবে চিন্তা করতে চাইল রানা। থেমে গেল শব্দটা।

‘আক্সা, নটা বাজে । চা খাবেন না?’

ফোঁস করে স্বস্তির শ্বাস ফেলে চোখ মেলল রানা । রাঙার মার গলা । বাসায় আছে ও । হেসে ফেলল ঘুমের মধ্যে বিদঘুটে স্বপ্ন দেখেছে যুঝে । বুড়ি না জাগালে সর্বনাশ হয়ে যেত, পিশাচসাধকের পাল্লাম পড়ে নিজেও পিশাচ হয়ে গিয়েছিল আরেকটু হলে!

‘নাস্তা দাও, রাঙার মা, আমি আসছি।’

চটপট বিছানা ছাড়ল রানা । দশমিনিট পর শাওয়ার-শেভ সেরে ডাইনিং রুমে এসে বসল । টেবিল সাজিয়ে দিয়ে গেছে রাঙার মা । বানান সন্মানে একটা প্রেটে স্থপ হয়ে আছে পুরু মাখনের আস্তরণ দেয়া টোন্টের বাটালি ছিল । একপাশে সকালের সূর্য-রক্তা দুটো ডিম পোচ, দু’গ্লাস হরলিক্স দেয়া খোঁটি গরুর দুধ আর রাঙার মার তৈরি স্পেশাল বটি কাবাব ।

সব খেতে হবে, নইলে ছাড়বে না রাঙার মা । এমনিত্তেই অনুযোগের অন্ত নেই, আক্সা আমার শুকিয়ে একেবারে এদানির নেশাখোর হাড়-জিঞ্জিরে ছোঁড়াগুলোর মত হয়ে গেছেন:

গত ক’দিনেই দম বেরিয়ে যাওয়ার জোগাড় হয়েছে ওর বুড়ির স্নেহভরা অনুরোধ বাসতে গিয়ে । মাত্র চারদিন হলো ক্লাস্তিকর মিশন শেষে দেশে ফিরেছে ও, এরইমধ্যে ওজন বেড়ে গেছে দুই পাউন্ড । আজন্মে প্রেটে দু’ লাইস পাউন্ডটি রেখেই সন্তর্পণে টী পটের দিকে হাত বাড়াত্তিল, কিন্তু দরজার পর্দাটা নড়ে উঠতেই দীর্ঘশ্বাস ফেলে হাত ফিরিয়ে নিল । পার মোসাদ চক্রান্ত

পাওয়া যাবে না, বুড়ি ঠিক নজর রেখেছে দরজার আড়াল থেকে। খাবার ফেলে উঠতে চাইলেই একগাল ফোকলা হাসি নিয়ে ছুটে আসবে, পটিয়ে ফেলবে শুকে।

বেস্ট ঢিলে করে নিয়ে নতুন উদ্যমে এক স্লাইস পাউরুটিতে কামড় বসাল রানা।

জিঃ! জিঃ! টেলিফোন বেজে উঠল আবার।

এইবার অজুহাত পাওয়া গেছে। ফোনের রিসিভার তুলে নিল রানা। অনামনক একটা ভঙ্গি করে টোষ্ট নামিয়ে টী পট থেকে চা ঢেলে নিল কাপে।

‘হ্যালো, কে বলছেন প্রীজ?’

চায়ে দুধ-চিনি মেশানো হয়ে গেছে রানার। হতাশ চেহারায় টেবিল সাফ করতে এগিয়ে এল রান্ডার মা।

‘তোমর দুশাভাই বলছি।’ ওপ্রান্তে সোহেলের গভীর কণ্ঠ। ‘র‍্যাপার কি স্বত্তরের পুত্র, এত বেলা করে ঘুমাব্বিস যে? বিদেশে ঘুরে ঘুরে লাটসাহেব হয়েছ, পায়া ভারী হয়েছে, না? এদিকে আমরা বুড়োর ধমকে...’

‘বিদেশে না গিয়ে কি করি বল, হাজার হলেও বন্ধুর প্রেমিকা!’

‘মানে?’

অ্র কুঁচকে চোখ পাকিয়ে থাকা সোহেলের কথা ভেবে মুচকি হাসল রানা। ‘মানে দেশে থাকলে তোকে ছেড়ে নীলা মেয়েটা আমার প্রেমে পড়ে যাবে ভেবেই তো জ্বীন থেকে ডিলিট হয়ে গেলাম।’

‘তবে রে শালা!’ হুকার ছাড়ল সোহেল।

পালাপালের তুফান ছোটানোর আগেই ধামিয়ে দিল রানা। ‘হ্যারে, বুড়ো খুব চোটপাট করছে বুঝি?’

নরম হলো সোহেল। ‘তবে আর বলছি কি, দোস্ত; আয় না, নিজেকে এসেই একবার দেখে যা। আজ অফিসে পৌঁছুতে দু’মিনিট দেরি হয়েছে, কি ঝড়াই না ঝড়ল ইন্টারকমে। সেই ভবন থেকে ফোন করছি, তোর বুড়ি কিছুতেই তোকে লাইন দেবে না। শেষে ঘুষ দিয়ে...বলছি রিং বাজতে দিলে মিরপুরে নাওটো পাগলের মাজার থেকে জাবিজ আনিয়ে দেব। তবেই বুড়ি রাগি হয়েছে। আয়, দোস্ত, এসে একটু ঠাণ্ডা করে দিয়ে যা বুড়োকে।’

‘বুড়ো আমাকে অফিসে যাওয়ার পারমিশন দিয়েছে?’

‘হ্যাঁ।’

‘সোহানা কোথায়?’

‘হংকং-অ্যাসাইনমেন্টে। তুই আসছিস না, সোহানার খবর নেই-আরে, সেজন্যেই তো বুড়ো দিন-দিন মহাখাপ্পা হয়ে উঠছে। বাঁচা, দোস্ত, হাড় কালি করে ফেলল। তুই দেখা করে গেলে কয়েকদিন ঠাণ্ডা থাকবে। ডাকতে পারছে না কাজ নেই বলে, কিন্তু তুই নিজেকে এলে মনে মনে খুশি হবে।’

‘বেশ, আমি আসছি। এক কার্টন বেনসন অ্যান্ড হেজেন্স এনে রাখিস।’

‘কিসের জন্যে?’

‘সেলামী।’

‘এক প্যাকেট পাৰি।’

মন্ত একটা হাই তুলল বানা। ‘শরীৰটা বড় মাজগ্যাস্ত
কৰছে রে! নাহ, আফ্ৰিকে গাবছি আর অফিসে মাৰ না!’

‘দুই প্যাকেট।’

‘এক কাৰ্টন।’

‘বেশ।’ বিয়াট এক দীৰ্ঘশ্বাস ফেলল মোহেল। ‘পাৰি।’

‘ধৰে নে আধঘণ্টার মধ্যেই আমার চাঁদমুখটা ভোদেৰ
অফিসে দেখা যাবে।...নীলাকে কফি বেডি রাখতে বলিস।’
ফোন ছেড়ে দিল বানা।

পাঁচমিনিট পর শিস দিতে দিতে গ্যাবেজ খুলে উঠে বসল
বানা ঝকঝকে নতুন টয়োটা করোলার ড্রাইভিং সীটে।
পনেরো মিনিট লাগল ওর বনানী থেকে মতিঝিলে পৌছতে।
সাততলা অফিস বিল্ডিংয়ের কার পার্কে গাড়িটা রেখে লিফটে
করে হয়তলায় উঠে এল ও।

করিডরে কেউ নেই। দু’পাশের দরজাগুলোয় তাল
ঝুলছে। সলিল, জাহেদ, আবির, মোহানা, রূপা-সবাই ওরা
দেশের বাইরে, অ্যাসাইনমেন্ট নিয়ে ব্যস্ত। হয়তো এই মুহূর্তে
দেশের জন্যে প্রাণের ঝুঁকি নিয়ে বিপদের মুখে ঝাঁপিয়ে পড়ছে
ওরা।

মনটা খারাপ হয়ে গেল বানার। বাইরের শব্দদের
বিরুদ্ধে রুদ্ধে দাঁড়াচ্ছে ওরা; দেশপ্রেম দুঃসাহস আর বুকি
দিয়ে লোকবলের অভাব, প্রযুক্তির অভাব পুথিয়ে নিচ্ছে।
সি.আই.এ, মোসাদ, কেজিবিৰ মত বড় ইন্টেলিজেন্স সার্ভিসও

আজ বি.সি.আইকে অবহেলার চোখে দেখে না।

বিদেশে এত সুনাম, কিন্তু দেশের ভেতরের শত্রুদের ঠেকানো যায় না। রাজনীতিকদের ছত্রছায়ায় সারাদেশে আগ চলছে সন্ত্রাসের মহোৎসব। লুটপাট, ছিনতাই, চাঁদাবাজি চারদিকে। গোটা দেশ মাফিয়া চক্রের হাতে জিম্বি। তার ওপর বিরোধী দলের হরতাল, ধর্মঘট, অবরোধের অত্যাচার। যে আজ সরকারে, সেই তখন বলে হরতাল-জ্বালাও-পোড়াও ইত্যাদিতে দেশের মস্ত ক্ষতি, এসব দবিদ জনগনের ওপর অমানবিক নির্গাভনের শামিল। কিন্তু যেই গদিচ্যুত হয়-ওমনি এসব হয়ে যায় প্রতিবাদের ভাঙ্গা...

দূর ব্যাটা, এসব ভাবছিস কেন, তোকে কি কেউ ডায়াসে উঠে বোলচাল মারতে ডেকেছে? মুচকি হাসল রানা। নক না করেই ঢুকে পড়ল সোহেলের কামরায়।

টেবিলের ওপরে দু'পা তুলে দিয়ে চোখ বুজে সিগারেটের ধোয়া ছাড়ছিল সোহেল। দরজা খোলার শব্দে পা নামিয়ে নিয়ে হাসল রানার দিকে তাকিয়ে

‘আয়, বোস।’

টেবিলের কোনা ঘুরে সোহেলের পাশে চলে এল রানা, ওপরের ড্রয়ার টান দিয়ে দেখল বন্ধ। তালা মারা।

ওকে দেখেই চাবিটা সোহেল দু'আঙুলে ধরে ঝাঁকি দিয়ে মুঠোয় লুকিয়েছে।

‘আছে, আছে, এমন হোক-হোক কবছিস কেন, ড্রয়ারে পুরো একটা কার্টন এনে রেখেছি।’

মোসাদ চক্রান্ত

সন্নেহের চোখে সোহেলের নূরানি হাসিমাখা চেহারাটা দেখল রানা। ব্যাটা এত সহজে টাকা খসানোর 'পাত্র' নয়। নাজীদ যড়যন্ত্রের আডাস পেল ও। বলল, 'আগে দেখা।'

'আগে বোস। কফির অর্ডার দিচ্ছি, খেয়ে নিয়ে দেখিস।' ইন্টারকমে নীলাকে ডাকল সোহেল। রানার অনুরোধে মেয়েটাকে সোহেলের আইডেট সেক্রেটারি করা হয়েছে। মেজর জেনারেল জানতে চেয়েছিলেন নীলার আচরণে রানা অসন্তুষ্ট কিনা। রানা বলেছে মেয়েটা খুবই এফিশিয়েন্ট, স্যার, আমার চেয়ে এমন একজন সেক্রেটারির প্রয়োজন সোহেলের বেশি। আপত্তি করেননি বাহাত বান, হাসির সূক্ষ্ম আভাস দেখেছিল ও বুড়োর দু'চোখে। সোহেল আর নীলার প্রেমের খবর চিরকুমার বুড়োর কানে গেছে কিনা কে জানে।

ঘর আলো করে ঢুকল নীলা। নীল জর্জেট আঁটো করে পরেছে। দীর্ঘ চুল চুড়ো করে ঝোঁপা করা। ঝোঁপায় গুঁজে নিয়েছে রক্তলাল একটা গোলাপ। কটমট করে পরস্পরের দিকে চেয়ে ছিল রানা আর সোহেল, নীলাকে দেখে দু'জনই বিগলিত মধুর হাসি উপহার দিল।

'নীলা, দু'কাপ কফি প্লীজ,' বলল সোহেল।

'তিন কাপ।' শুধরে দিল রানা।

পাশের কামরায় চলে গেল নীলা ছন্দের হিট্টোল তুলে। কাপ পিরিচের টুংটাং শব্দ হলো।

'মাসুদ ভাই, চিনি কম চামচ?' দু'মিনিট' পর টেবিলের ওপর ট্রে নামিয়ে রাখল নীলা।

‘তোমার হাতের কফি চিনি ছাড়াও মধুর মত।’
সোহেলের নিকে তাকিয়ে দাঁত বের করে হাসল রানা। পোড়া
একটা গন্ধ পেল নাকে। টিউবলাইটের চোক পুড়ছে, নাকি
সোহেল বাবাজির হুথপিও?

‘কত দিন পরে তোমার সঙ্গে দেখা হলো, নীলা।’ ছাই
চাপা আন্তনটাকে আরও একটু উত্তেজিত দিল রানা।

জবাবে মিষ্টি করে হাসল নীলা।

‘আপনি তো অফিসেই আসেন না, মাসুদ ভাই, এলে
স্তবেই না দেখা হওয়ার শ্রুতি।’

খুব দোষ করেছে এমন চেহারায় কিছু একটা বলতে
যাচ্ছিল রানা, এমন সময় ইন্টারকমে জলদ গভীর গলা ভেসে
এল।

‘সোহেল, রানা এসেছে? এসে থাকলে পাঠিয়ে দাও।’

‘জী, স্যার।’ রানাকে চোখ টিপল সোহেল। ড্রয়ার খুলে
বেনসন অ্যান্ড হেজেন্সের খালি একটা কার্টন রানার সামনে
ঠকাস করে টেবিলে ফেলল। ইন্টারকমের সুইচ অফ আছে
কিনা একবার দেখে নিয়ে বলল, ‘নে, তোমার দাবি মিটিয়ে
দিলাম।’

চোখ পাকাল রানা। ‘খালি কেন?’

‘কার্টন চেয়েছিলাম কার্টন পেয়েছিলাম, এত কথা কিসের?
নিচের দোকান থেকে চেয়ে এনেছি, নিয়ে ভাগ এখন থেকে।
ভরা থাকবে এমন কোনও কথা ছিল? তাছাড়া...’ একপাল
হাসল সোহেল। ‘তোমার সঙ্গে ফোনে কথা হওয়ার দশ মিনিট
মোসাদ চক্রান্ত

পরেই ফোন করেছে সোহানা। মিশন সাস্বেস্ফুল। আজকে বিকেলের ফ্রাইটে আসছে ও।’

মোট কাগজের কার্টন, দু’হাতে মুচড়ে বড়সড় একটা কাগজের বল বানাল রানা। ‘এই দিন দিন নয় আরও দিন আছে,’ বলেই ছুঁড়ে মারল সোহেলের পেট সহি করে। সোহেল ভেড়ে উঠতেই তড়াক করে লাফ দিয়ে চেয়ার ছাড়ল ও, পাকা ব্যস্কেটবল প্লেয়ারের মত সোহেলকে ডক্ক দিয়ে বেরিয়ে গেল ঘর ছেড়ে। মুখে হাত চাপা দিয়ে খিলখিল করে হেসে ফেলল নীলা বয়স্ক দুই শিশুর কাণ্ড দেখে।

‘কফি না খেয়েই পালাচ্ছিস যে, পরসাদ দিয়ে গ্যা।’ পেছন থেকে সোহেলের হাহাকার শুনতে গেল রানা। ধামল না। বুকের ভেতরে হুথপিওটা লাফাচ্ছে ওর বেতালি ছন্দে। সোহেলের ভয়ে নয়, বুড়োর সামনে যেতে হবে, সেজন্যে।

দরজার সামনে পৌছে একটু ধামল রানা। বড় করে শ্বাস নিয়ে দরজা খুলে ভেতরে ঢুকল। ‘এসো, রানা।’ সেক্রেটারিয়েট টেবিলের পেছনে বসে আছেন রাহাত খান। একটু কুঁচকে আছে জ্ব। কপালের একটা শিরা কি লাফাচ্ছে।
‘বসো।’

আস্তে করে চেয়ারটা একটু পেছনে টেনে বসল রানা, অপেক্ষা করছে।

একটা সিগার ধরাগেন রাহাত খান। ধোঁয়ার ফাঁক দিয়ে রানাকে কড়া চোখে দেখলেন কিছূক্ষণ, তারপর টেবিলের পাশ থেকে একটা ফাইল তুলে এগিয়ে দিলেন। ‘পড়ো।’

ফাইল খুলে চোখ বোলাল রানা। কয়েকজন বিজ্ঞানীর নাম, জাতীয়তা আর ডেশিয়ে আছে ওতে। এরা সবাই আরও দেশগুলোতে প্রতিরক্ষা মন্ত্রণালয়ের অধীনে কাজ করছিলেন। এদের মধ্যে দু'জন বাংলাদেশীও আছেন, বাংলাদেশ আর কয়েক সরকারের চুক্তি অনুযায়ী কয়েতে গবেষণা করছিলেন। এরা নিরাপদ আনবিক শক্তির ব্যবহার বিষয়ে।

চোখ তুলে তাকাল রানা। এখনও ধোয়ার ভেতর দিয়ে ওর দিকে তাকিয়ে আছেন মেজর জেনারেল জিজেন করলেন, 'কিছু বুঝলে?'

'বিজ্ঞানী এরা সবাই। প্রতিভাবান বিজ্ঞানী।'

'তাই ছিল, রানা। কিন্তু এখন এরা জড় পদার্থ। মুখে তুলে খাইয়ে না দিলে খেতে পারে না। সবাই এরা এক বছরের শিশুর মত হয়ে গেছে।'

চুপ করে আছে রানা, রাহাত খান বক্তব্য শেষ করেননি। উঠে দাঁড়িয়ে জানালা দিয়ে নিচে মতিঝিলের ব্যস্ত সড়কের দিকে তাকিয়ে থাকলেন কিছুক্ষণ, তারপর পেছন না ফিরেই জিজ্ঞেস করলেন, 'লভনে ফিরছ কবে?'

'আগামী সপ্তাহে, স্যার। এজেন্সিতে কিছু কাজ জমে আছে, ওগুলো শেষ করতে হবে।'

'এক মহিলা বাংলাদেশ দূতাবাসে যোগাযোগ করেছিল, রানা। লভনে। উচ্চারণ শুনে ধারণা করা হয়েছে ইহুদি মহিলা। পরে খোঁজ নিয়ে জানা গেছে ইসরায়েলী সরকারের একজন কর্মকর্তা। যোগাযোগ করেই ডুব মেবেছে। তাকে মোসাদ চক্রান্ত

আর লভনে খুঁজে পাওয়া যাচ্ছে না। বিসিআইয়ের টপ এজেন্টের সঙ্গে কথা বলতে চায়। তোমার কথা বলেছে। তুমি লভনে গেলে হিলটন হোটেলে উঠবে। সেখানে যোগাযোগ করবে মহিলা। পাসওয়ার্ড “দুনিয়ার সাহায্য দরকার”।...এটা ইসরায়েলীদের একটা ফাঁদও হতে পারে, রানা। তা-ই যদি হয় তাহলে উপযুক্ত ব্যবস্থা নিতে দেরি করা ঠিক হবে না।’

‘কিছু বলেছে, স্যার, কি বিষয়ে কথা বলতে চায়?’

‘বিজ্ঞানীদের ব্যাপারে কিছু তথ্য দেবে বলেছে। বাস, আর কিছু না। আমি চাই তুমি কালকের ট্রাইটে লভন যাও।’

আবার চেয়ারে এসে বসলেন রাহাত খান, রানার দিকে তাকালেন। ‘কুয়েতি ইন্টেলিজেন্স কিছু তথ্য জানিয়েছে। ওদের ধারণা একটা বিশেষ সম্মেলনে বিজ্ঞানীদের মস্তিষ্ক বিকৃতি ঘটে। প্রতি মাসেই দুনিয়ার সেরা বিজ্ঞানীরা এই সম্মেলনে যোগ দেয়। সম্মেলন চলে তিনদিন ব্যাপী। বেছে বেছে মুসলিম বিজ্ঞানীদের ওপর আঘাত হানা হচ্ছে, রানা। কুয়েতি ইন্টেলিজেন্সের সন্দেহ মোসাদের হাত আছে এর পেছনে।...মহিলাও এই ব্যাপারেই তথ্য দিতে চায় বলে আশা করছি।’

পাশ থেকে একটা ফাইল টেনে নিলেন তিনি। জিজ্ঞেস করলেন, ‘আর সব খবর ভাল তো?’ অর্থাৎ বিদায় হও এবার। ঘাড়টা কাত করল রানা। আস্তে করে উঠে দাঁড়াল, নিঃশব্দে দরজাটা খিড়িয়ে দিয়ে বেরিয়ে এল বাইরে।

দুই

রাত এগারোটা । হোটেল হিলটন । লন্ডন ।

সোফার বসে আছে রানা, বিরক্ত বোধ করছে । দু'দিন ধরেই অপেক্ষা করছে ও । একবার শুধু দূতাবাসে জানিয়েছে মহিলা, রাত দুটোর সময় হিলটনে যোগাযোগ করবে সে । ইতিমধ্যেই একটা রাত পেরিয়ে গেছে, মহিলা কোন করেনি ।

ক্রিং! ক্রিং!

কোন বেঞ্চে উঠল । রিসিভারটা কানে ঠেকাল রানা ।
ওখানে মেয়ে কষ্ট ।

'মিস্টার রানা? লবিতে একটু আসবেন? পরিকল্পনায় সামান্য রদবদল করা হয়েছে ।'

'কি ব্যাপার একটু খুলে বলুন ভো?'

'আপনার মীটিঙের ব্যাপারে, স্যার । লবিতে নেমে আসুন, প্রীজ । সময় নষ্ট করবেন না । সময় খুব গুরুত্বপূর্ণ ।'

'আপনার পরিচয় জ্ঞানতে পারি?'

'গুরুত্বপূর্ণ কেউ নই আমি । আমার নাম নেলি । আপনাকে মীটিঙের নতুন জায়গায় নিয়ে যেতে পাঠানো

হয়েছে। চলে আসুন, প্রীজ।'

বলা হয় ইংরেজদের বংশ কেমন তা জানা যায় তাদের উচ্চারণে। কথার সুর শুনে একে নিম্নমধ্যবিত্ত মজুর শ্রেণীতে ফেলল রানা, পাঁচ মিনিট পর নেমে এল হোটেলের লবিতে। মেয়েটা এখনও কাউন্টারে ফোনের সামনে দাঁড়িয়ে আছে, হাতে একটা ছোট হাতব্যাগ, অস্বস্তি ভরে আঙুল বোলাচ্ছে ব্যাগে।

যুবতী। গোল মুখ। চোখ দুটো হালকা নীল। রানাকে দেখে চোখে প্রশংসার ছাপ পড়ল। এগোতে এগোতে বুঝল রানা, ওর অনুমান মিথ্যে নয়। এমিয়ে কড়া মেকআপ নিয়েছে, তবে চেহারা থেকে দারিদ্র্য আর অশিক্ষার ছাপ দূর করতে পারেনি। চুলে সোনালী রং। পরনে লাল টকটকে আঁটো পোশাক। বুকের কাছে চেরা, ব্রাউজের ফাঁক দিয়ে স্তনের গিরিখাদ দেখা যাচ্ছে।

সামনে দাঁড়িয়ে মৃদু হাসল রানা। 'কি ব্যাপার, মিস নেলি?'

'আমি কিছু জানি না। আমাকে বলা হয়েছে আপনাকে ডেকে পৌছে দিতে। বলা হয়েছে পরিকল্পনায় পরিবর্তন আনা হয়েছে। ওরা বলল এটুকু বললেই আপনি বুঝবেন।'

ওরা কারা, জিজ্ঞেস করল না রানা। ওরা থেকেই পোটা ব্যাপারটা ভাল লাগছে না ওর। পাসওয়ার্ড বলেনি মেয়েটা, সম্ভবত জানে না। একে বলা হয়নি পাসওয়ার্ড। একে স্রেফ খবর দেয়ার দায়িত্ব দেয়া হয়েছে। সবকিছুই ধোঁয়া ধোঁয়া,

ব্রহ্মসো ঘেরা । তবে যাওয়া উচিত ওর । জানা দরকার কি
ব্যাপার । জিজ্ঞেস করল, 'একজন মহিলা পাঠিয়েছে
আপনাকে?'

'না, পুরুষ,' একটু দ্বিধা করে বলল নেলি, রানাকে দেখছে
অনুসন্ধিৎসু চোখে ।

'চলুন তাহলে,' দরজার নিকে পা বাড়াল রানা ।

একটা বেবি অস্টিন গাড়ি নিয়ে এসেছে মেয়েটা, রানা
উঠে বসল তার পাশে । ঝলমল করছে রাডের লতন । রাস্তার
দু'পাশে দোকানের সারি, জ্বলজ্বল করছে রংবেরঙের নিম্নন
সাইনগুলো । ডিস্টোরিয়া এমব্যাঙ্কমেন্ট ধরে চলেছে মেয়েটা ।
একটু পরেই বিলিংসগেট মার্কেট আর গভীর দর্শন ওস্ত
টাওয়ার পেছনে পড়ে গেল ।

ডক এরিয়ায় চলে এল ওরা । 'রাস্তাগুলো সরু-সরু । বাঁক
নিয়ে অগ্রশত্ব একটা রাস্তায় পড়ল বেবি অস্টিন । একটু পরই
দেখা গেল জাহাজগুলো, আলো জ্বলছে ওগুলোয়, মালামাল
উঠছে-নামছে । রাস্তার উল্টো পাশে অন্ধকার ওয়্যারহাউসের
সারি । অন্যপাশে জাহাজগুলোর খালের গা ঘেঁবে বড় বড়
ফ্রেট আর ফ্লিপাভি ।

লন্ডনের ডকটা স্বাভাবিক নয় । নদীর তীরে মাটি কেটে
জাহাজ আনার ব্যবস্থা করা হয়েছে । পাঁচটা অংশে বিভক্ত
বিশাল এলাকা । বেশ কয়েকটা সংকীর্ণ প্যাসেজ দিয়ে
টেমসের সঙ্গে ডকের যোগাযোগ । প্যাসেজগুলো দিয়ে জাহাজ
আসে । একই সঙ্গে একশোটার বেশি সমুদ্রগামী বড় জাহাজ

ধরে কৃত্রিম এই বন্দরে ।

আলো আর লোকজন ছাড়িয়ে আরও এগোল নেলির
অস্টিন, অন্ধকার একটা এলাকার চলে এল । কর্মতৎপরতা
নেই এখানে । অন্ধকার, নির্জন, নীরব । ডকের পাশে অসংখ্য
পরিত্যক্ত পুরানো জাহাজ । কোনও আলো জ্বলছে না
সেগুলোতে ।

ঘাড়ের কাছে কয়েকটা চুল দাঁড়িয়ে গেল রানার, অস্বস্তি
বোধ করছে । এই অনুভূতি চেনে ও । বঠ ইন্দ্রিয় বিশদের
সংকেত দিচ্ছে । সাধারণত ভুল করে না ওর বঠ ইন্দ্রিয় ।

বিশদের কোনও আভাস নেই, তবু সতর্ক হয়ে উঠল
রানা । অজান্তেই একবার গুয়ালথার সি. সি. কে স্পর্শ করল ।
অন্ধকার কোনও নির্জন জায়গায় গোপন মীটিঙের ব্যবস্থা করা
হবে এটাই স্বাভাবিক, কিন্তু খটকা লাগছে । ঘড়ি দেখল ।

রাত বারোটা বাজে এখন ।

গাড়ি থামিয়ে বাইরে তাকাল নেলি, চেহারায় উদ্বেগের
ছাপ । রানা দেখতে পেল দাঁত দিয়ে ঠোট কামড়ান্ধে মেয়েটা ।

‘এখানেই তো,’ বলল নেলি, ‘পিল্লার সাতাস্তর ।’

একপাশে অন্ধকার একটা পরিত্যক্ত ফ্রেইটার, ওটার
কার্গো রুম কালো আকাশে মাথা তুলে আছে, অন্ধকারে আরও
অন্ধকার একটা বিশাল অবয়ব । জাহাজের খোলের পাশে
ছ’সাতটা ফ্রেট আর বাল্ক । ডকের উল্টোপাশে নিচু একটা
দীর্ঘ গুয়্যারহাউস ।

‘নামুন,’ নির্দেশ দিল রানা । ‘আমি ড্রাইভারের দরজা দিয়ে

বেরোব ।’

‘নামব? আমি?’ মেয়েটার গলার ভয় আর অস্বস্তি । ‘আমি না, লাভ, আমার দায়িত্ব আমি পালন করেছি, এই ভুতুড়ে জায়গায় আমি নামব না ।’

‘নামো ।’ কঠোর বদলে ফেলেছে রানা । এবার কঠোর শোনাল ওর গলা । একহাত মেয়েটার কাঁধে রাখল ও, হালকা ঠেলা দিল । দেখতে পেল ভয়ে চোখ জোড়া বিস্ফারিত হয়ে গেছে নেলির । আবে করে দণ্ডা খুলে শরীর কাত করে বেরিয়ে পেল গাড়ি থেকে । ওর ঠিক পেছনেই বের হলো রানা । সোজা হয়নি তখনও, গুলির আওয়াজ হলো । একসঙ্গে গুলি করেছে দু’তিনজন । একটা গুলি রানার কানের পাশ দিয়ে শিস কেটে বেরিয়ে গেল । ঠং করে গাড়ির ছাদে বিধল আরেকটা ।

ভীক্ষ আতঁচিকার করে উঠল নেলি, রানার দেখাদেখি মাটিতে ঝাঁপ দিয়ে পড়ল, পড়েই গড়িয়ে চলে গেল গাড়ির তলায় ।

উপুড় হয়ে মুখ ধুবড়ে পড়ে আছে রানা । এত দ্রুত গোলাগুলি হয়েছে যে খুনীদের অবস্থান ও বুঝতে পারেনি । তবে খসখস আওয়াজ হওয়ায় টের পেল, বাম পাশে আর পেছনে আছে ওরা । মেয়েটার দিক দিয়ে না নামলে সরাসরি গুলির লক্ষ্যবস্তুতে পরিণত হত । অন্য পাশ দিয়ে নেমেছে, তাছাড়া কালো সুটে পরে আছে, পেছনে অন্ধকার জাহাজ, সামনে গাড়ি-নানা কারণে ওকে ফুটো করতে পারেনি

মোসাদ চক্রান্ত

লোকগুলো। তবে এখন গুঠার চেঁচা করলে বিপদ বাড়বে। কাছেই আছে খুনির দল, এদের দিকে এগোনোর চেঁচা করলে কোনও আড়াল পাবে না ও, গুলি খেয়ে মারা পড়বে।

চুপচাপ মড়ার মত পড়ে থাকল রানা।

এক মিনিট পেরিয়ে গেল, তারপর পায়ের আওয়াজটা শুনল রানা, ধীরে ধীরে সাবধানে এগিয়ে আসছে।

চারপাশে কোথায় কি আছে মনের চোখে দেখল রানা। সবচেয়ে কাছে আড়াল পাচ্ছে ও জাহাজের দিকটায়। কয়েকটা ক্রেট পড়ে আছে পাড়ে, গুলো পেরোতে পারলেই জাহাজের খোলের কাছে পৌঁছে আড়াল নিতে পারবে। পায়ের শব্দ রানার মাথার কাছে এসে থামল। ভয় লাগল রানার, গুলি করে পরে লাশ পরীক্ষা করবে নাকি ব্যাটা!

নাহ। বুকে স্বস্তির পরশ অনুভব করল।

একটা হাত ওর মাথা স্পর্শ করেছে। আরেক হাতে নিশ্চয়ই অস্ত্র। শিখিল পড়ে থাকল রানা, লোকটাকে সুযোগ দিল ওকে কাত করার। তারপর কোবল পাথরের মেঝেতে সজোরে পায়ের ধাক্কা দিল ও, শরীর মুচড়ে কাত হয়েই দু'হাতে টান দিল লোকটার গোড়ালি ধরে। প্রচণ্ড টানে ভারসাম্য হারিয়ে দড়াম করে আছাড় খেল লোকটা। বুম! গর্জ উঠল তার হাত থেকে ছিটকে যাওয়া অস্ত্র। পাথরে লেগে পিছলে গেল বুলেট, রিকোশে-র তীব্র আওয়াজ হলো।

লোকটা হাঁটুতে ভর দিয়ে বসার আগেই ঝাঁপ দিয়েছে রানা, দুই লাফে প্যাকিং ক্রেটের কাছে পৌঁছে গেল। লাক

দিয়ে ফ্রেট টপকে ওপাশে পড়ল ও। উঠেই ফ্রেটের ওপর দিয়ে উঁকি দিল। অন্ধকার অবয়বের নড়াচড়া দেখে বুঝতে পারল ডেকের ওদিকে আরও দু'জন আছে। সবমিলিয়ে তিনজন আততায়ী।

ফ্রেটের পেছনে ছুটল রানা, চলে এল সওদাগরী জাহাজের গ্যাংপ্লাঙ্কের মইয়ের কাছে। দেরি না করে ওপরে উঠতে শুরু করল মই বেয়ে, অন্ধকার খোলের গায়ে আবছা একটা আকৃতি।

ওকে খুঁজে বের করতে আধ মিনিটও লাগল না গুপ্তচাতকদের। তারপরই সহজ একটা টার্গেট হয়ে গেল রানা। ততক্ষণে ডেকের কাছে পৌঁছে গেছে ও।

গুলি করল আততায়ীরা। তাড়াহড়ো করায় ধারে-কাছে এল না গুলি। রেলিং টপকে জাহাজের ডেকে উঠে পড়ল রানা, এখন আর ওকে দেখতে পাচ্ছে না লোকগুলো। তবে রানা জানে, ওর পেছনে আসবে লোকগুলো, এত সহজে হাল ছেড়ে দেবে না। অন্ধকার জাহাজের হোন্ডে গিয়ে লুকাতে পারে ও, সেখানে হয়তো ওকে খুঁজে পাবে না লোকগুলো, কিন্তু হোন্ডে একটা মৃত্যুফাঁদও হতে পারে। হোন্ডে না যাওয়ারই সিদ্ধান্ত নিল ও। নড়েচড়ে বেড়ানোর সুযোগ আছে এমন জায়গাতেই থাকা ভাল।

জাহাজের ব্রিজ চলে এল, হাতে বেরিয়ে এসেছে থ্রোইং নাইফটা। ওখানে সিঁড়ির গোড়ায় মেঝেতে পেট ঠেকিয়ে শুয়ে অপেক্ষায় থাকল, নিয়ন্ত্রণে নিয়ে এল শ্বাস-প্রশ্বাস। শিকার মোসাদ চক্রান্ত

এখন শিকারী ।

লোকগুলো ছড়িয়ে পড়েছে, এখন আর দ্রুত পাল্টা আক্রমণের সুযোগ নেই । বো আর অ্যাফটে রেলিঙ্কের পেছনে দুটো মাথা দেখতে পেল রানা । তৃতীয় লোকটা কম্প্যানিয়নগুয়ে ধরে ব্রিজের দিকে আসছে ।

মাথা সিঁড়ির শেষ ধাপ ছাড়তেই শুয়ে থাকা রানাকে দেখতে পেল লোকটা । ডানহাত তুলন সে অস্ত্রসহ, নলটা আকাশের দিকে তাক করা । ষটক দিগে হাত সামনে বাড়ান রানা । ভীষণধার ছোরাটা নক্ষত্রের আলোয় ঝিলিক তুলে ঘাঁচ করে আমূল বিধল লোকটার পলায় । উল্টে পড়ে যাচ্ছিল, হাত বাড়িয়ে চট করে তাকে ধরে ফেলল রানা, লাশটা তুলে নিল ব্রিজে । ছোরার ফলা লাশের কাপড়ে বুকে নেমে এল মেইন ডেকে, এগোল হামাগুড়ি দিয়ে ।

দ্বিতীয় লোকটা একটা একটা করে প্রতিটা বুকের পেছনে গুকে ঝুঁজছে, অন্ধকার উইঞ্চ আর ভেটিলেটারগুলোও বাদ দিচ্ছে না । সাবধানে তার দিকে এগোল রানা । ছয় ফুটের মধ্যে পৌছে গেছে, তখন গুকে দেখতে পেল লোকটা । নিঃশব্দে কাজ সারতে বামের মস্ত লাফ দিল রানা । গুর উদ্দেশ্য পূরণ হলো না, হাত তুলেই গুলি করে বসল প্রতিপক্ষ । রানার চুলে বিলি কেটে বেরিয়ে গেল বুলেট । পরিত্যক্ত আহাঙ্গে গুলির শব্দটা প্রচণ্ড জোরাল শোনাল । কানের এত কাছে বিস্ফোরণটা হয়েছে যে রানার মনে হলো বখির হয়ে গেছে ও । রানার দেহের ধাক্কা খেয়ে পিছু হটল

লোকটা, একটা ডেক ক্রিটের গারে বাড়ি খেল, শুভিয়ে উঠল ব্যথায়। আগের লোকটার তুলনার নেহ ভারী এর, 'আকার আকৃতিতেও বিশাল। খপ করে লোকটার অঙ্গসহ কজি ধরে মোচড় মারল রানা। লোকটা হুঁটির কাছ থেকে সরল। হাত ফক্কে পড়ে গেল অঙ্গটা।

রানার মুখে হাতের খাদা ঠেকিয়ে পেছনে ঠেলল লোকটা। মোচড় মেরে সরে গিয়েই শট জ্যাব করল রানা। চোয়ালে ঘষা খেয়ে পিছলে গেল ওর ঘুসি। ভালুকটা জড়িয়ে ধরল শুকে। গায়ে ছিঁজলির মত জোর। পাঞ্জরের হাড় মড়মড় করে উঠল রানার। আশুয়ান ছুটন্ত পায়ের শব্দ পাশে ও, কাছে চলে আসছে। সুযোগ বুঝে রানার গলা চেপে ধরল লোকটা। ঝট করে হাঁটু তুলেই তলপেটে গুঁতো মারল রানা। ঘোঁৎ করে একটা শব্দ বেরোল প্রতিপক্ষের মুখ দিয়ে, পিছিয়ে গেল রানাকে ছেড়ে, পরমুহূর্তেই আবার জড়িয়ে ধরল। রানাকে শূন্যে তুলে ফেলেছে সে, বন্ধুর সুবিধের জন্যে ওর দেহটা পাশ ফেরাল।

শরীর মুচড়ে আরও একটু ঘুরল রানা ভালুকের বাহর ভেতর, তারপর পা তুলেই গায়ের জোরে লাথি মারল তৃতীয় লোকটার চোয়ালে। খটাস করে আওয়াজ হলো চোয়ালের সঙ্গে ওর শক্ত হিলের সংঘর্ষে। ধরধর করে কেঁপে উঠে ঝমকে থেমে গেল তৃতীয়জন। চোয়ালের জয়েন্ট খুলে গেছে, তীব্র ব্যথায় জ্ঞান হারিয়ে ডেকের ওপর পড়ে গেল, নড়ছে না। কুস্তিগিরের বুকের হাড়ে এবার কনুই দিয়ে চাপ দিল রানা।

মোসাদ চক্রান্ত

চাপ বাড়াল। রানাকে ছেড়ে দিতে বাধ্য হলো লোকটা, মেঝেয় পড়া অস্ত্রের দিকে হাত বাড়াল। তার হাত অস্ত্র ছোয়ার আগেই ওয়ালথার বেরিয়ে এল রানার হাতে, বিনা শিধায় গুলি করল লোকটার কপালে। একপাশে কাত হয়ে ডেকের ওপর পড়ল লোকটা। ধপ করে আওয়াজ হলো। বাধা টের পাবার আগেই মারা গেছে।

কাউকে সার্চ করার কামেশায় গেল না রানা, গুলি ভাল করেই জানা আছে এদের পরিচয় জানা যাবে না। যে-ই এদের পাঠিয়ে থাকুক, কাঁচা কাজ করবে না। পেশাদার লোক ছিল এরা।

কে পাঠিয়েছে এদের?

মোসাদ? ভাড়াটে খুনি এরা, নাকি মোসাদের এজেন্ট?

পরে ভাবা যাবে ওসব। যথেষ্ট গোলাগুলি হয়েছে। যেকোনও সময়ে লন্ডন পুলিশ হাজির হতে পারে। গ্যাংওয়ার মই বেয়ে নামতে নামতে দেখল রানা, গাড়ির তলা থেকে বেরিয়ে আসছে নেলি। নামার গতি দ্রুত হলো রানার। ও গাড়ির কাছে পৌঁছে গেছে, স্টার্ট নিল গাড়ি। গিয়ার দিল নেলি, ওকে ফেনেই পালানোর মতলব। জানালা দিয়ে হাত ঢুকিয়ে ইগনিশন বন্ধ করে দিল ও, পরক্ষণে আঁউ করে উঠল ব্যথায়। গুলি কজিতে কামড় বসিয়েছে নেলির ধারাল দাঁত। হাত ছাড়িয়ে নেবার বদলে মেয়েটার মুখে ঠেলা দিল রানা, আরেক হাতে মুঠো করে ধরল সোনালী রং করা চুল, টান দিল গায়ের জোরে। হাতটা ছাড়িয়ে নিয়েই পলায় চাপ দিল।

চাপ বাড়তেই বিস্ফারিত হয়ে গেল মেয়েটার দু'চোখ।
রানার চেহারা কঠোর। 'আমাকে খুন কোরো না।' অক্ষুট স্বরে
বলল নেলি। 'ওহ, লর্ড, প্রীইজ! আমি জানতাম না। আমি
কিছু জানতাম না!'

'কারা ওরা?'

'বিশ্বাস করো, আমি জানি না। সত্যি বলছি। আমি কিছু
জানি না।'

চাপ আরও বাড়াল রানা। পারলে চিৎকার করত মেয়েটা,
কিন্তু শ্বাস অটিকে যাওয়ায় সে সাধা হলো না। কোনও মতে
ফিসফিস করতে পারছে।

'আমাকে পয়সা দিয়ে যা করতে বলেছে তা-ই শুধু
করেছি।' কোঁপাচ্ছে নেলি। 'সত্যি বলছি, ঈশ্বরের শপথ! ও
আমাকে বলেনি এরকম কিছু হতে পারে। জানলে আমি
আসতাম না। ঈশ্বরের শপথ, আসতাম না। আমার এক
বছরের রোজগারের সমান টাকা দিয়েছে, তবুও না। বিশ্বাস
না হলে দেখাচ্ছি।'

রানা গলায় চাপ কমাতেই পার্সের দিকে হাত বাড়াল
মেয়েটা। ধাবা দিয়ে তার হাত সরিয়ে পার্সটা নিয়ে নিল
রানা। ভেতরে কোনও অস্ত্র নেই। শুধু এক গাদা পাউন্ড।
পার্সটা মেয়েটাকে ফিরিয়ে দিল রানা। এত টাকা পেয়েছে
একজনকে কোথাও পৌঁছে দেবার জন্যে, মেয়েটার আনন্ড
করতে পারার কথা এর মধ্যে গলদ আছে। গুলি হবার
আগেই মেয়েটাকে ভীত দেখাচ্ছিল। টাকার লোভে বেশি প্রশ্ন
মোসাদ চক্রান্ত

না করে কাজটা হাতে নিয়েছে নেলি। কিন্তু কে তাকে কাজটা দিল সেটা এখনও বলেনি। আবার নেলির গলায় হাত দিল রানা, দেখল ভরে আবার বিস্ফারিত হয়ে গেছে মেয়েটার চোখ দুটো।

‘একটু আগে বললে ও বলেনি। এই ও-টা কে? মিস্কে বলে লাভ নেই, নেলি, আমি বুঝতে পারব।’

‘আমার বয়ফ্রেন্ড। একটা পাবে কাজ করি আমি। ওখানে ও প্রায়ই যায়। আমাকে বলল ওর পরিচিত একজনের হয়ে ছোট্ট একটা কাজ করে দিলে প্রচুর টাকা পেতে পারি আমি।’

‘নাম কি তোমার বয়ফ্রেন্ডের?’

‘টড। টড রলিন।’

ঘড়ি দেখল রানা। রাত এখন একটা। বলল, ‘তোমার বয়ফ্রেন্ডের কাছে আমাকে নিয়ে যেতে হবে তোমার। তার আগে একবার হোটেলে যাব আমরা। পালানোর চেষ্টা কোরো না, স্রেফ খুন হয়ে যাবে।...আমি ড্রাইভ করব এবার।’

দুটো পর্যন্ত হোটেলে অপেক্ষা করবে, ঠিক করেছে রানা। মহিলা যদি এরমধ্যে বোগাবোগ না করে তাহলে ধরে নেয়া যাবে এটা একটা মরণফাঁদ ছিল। তবে নিশ্চিত হওয়ার উপায় নেই, এমনও হতে পারে যে মহিলাকে আগেই শেষ করে দেয়া হয়েছে। দেখা যাক দুটোর সময় ফোন আসে কিনা।

নেলিকে ঠেলে পাশের সীটে সরিয়ে ড্রাইভিং সীটে বসল রানা, এঞ্জিন স্টার্ট দিয়ে কিরতি পথ ধরল মূল শহরের দিকে।

তিন

‘আমার কি হবে?’ কিছুক্ষণ পর কাঁপা গলায় জানতে চাইল নেলি, গাছের লোকটার নীরবতা তাকে ভয় পাইয়ে দিয়েছে।

‘সত্যি বলে থাকলে তোমার কোনও ক্ষতি হবে না,’ আশ্বাস দিল রানা। ‘সত্যি বলছি কিনা সেটা বোঝা যাবে টড রলিলের সঙ্গে দেখা হলে। তার আগে পর্যন্ত তুমি আমার বন্দি।’

‘তোমাকে আমার পছন্দ হয়েছে,’ সরাসরি বলল নেলি, একটা হাত রাখল রানার উরুতে। ‘সত্যিকারের পুরুষ তুমি। ইচ্ছে করলে আমাকে তুমি পেতে পারো।’

মেয়েটা লোভ দেখিয়ে নিজের নিরাপত্তা আদায়ের চেষ্টা করছে। এতই নগ্ন চেষ্টা যে বীতিমত লজ্জাই লাগল রানার। অপমান না করে বলল, ‘পরে ভাবা যাবে ওসব।’

বড় একটা নিঃশ্বাস ফেলে সীটে হেলান দিয়ে বসল নেলি, স্বস্তি বোধ করছে, আত্মবিশ্বাস ফিরে পেয়েছে মেয়েমানুষের আদিমতম অস্ত্রের সফল ব্যবহার করতে পেয়েছে মনে করে।

দুটো বাজার পাঁচ মিনিট আগে হোটেলের কামরায় ঢুকল মোসাদ চক্রান্ত

রানা। আমেলা করার কোনও চেষ্টা করেনি নেলি, ঘরে ঢুকে পরপর দু'গ্লাস পানি খেয়েছে। চোখে আমন্ত্রণ নিয়ে বিছানার কোনায় বসেছিল, রানা না ভাকানোয় একটু পর উঠে এসে ওর পাশে একটা সোফায় বসেছে। ইচ্ছে করেই ওকে পুরুট্ট উল্ল দেখাচ্ছে মেয়েটা ক্রাট ঠিক না করে।

ঠিক দুটোর সময় রিং হলো। এবারও ওখানতে মহিলা কণ্ঠস্বর। তবু এবার ব্রাহাত খান যেমন বলেছিলেন উচ্চারণটা তেমনই, আরব-ইসরায়েলীদের বলা ইংরেজি।

'তাহলে এসেছেন আপনি।'

'এসেছি।'

'কেন?'

'আপনি দেখা করতে চেয়েছিলেন।'

'কেন দেখা করতে চেয়েছিলাম?'

'কারণ দুনিয়ার সাহায্য দরকার।'

ওখানতে স্বস্তির শ্বাস ফেলল মহিলা। কিছুক্ষণ নীরবতা, তারপর বলল, 'আপনি অ্যালটনে চলে যানেন। ওয়ে নদীর পশ্চিম তীর ধরে হাঁটবেন। অ্যালটনের সিবি-মাইল উজ্জানে একটা রো বোট রাখা আছে, সেটাতে করে সে-দ্বার্নের দিকে এগোবেন। থামবেন পাথরের দ্বিতীয় ত্রিভুজটার নিচে। ওখানে আমি দেখা করব, তার ঠিক ছ'টায়। কোঁনও প্রশ্ন?'

'নেই।'

কট করে একটা আওয়াজ হলো। ওখানতে ফোন রেখে দিয়েছে মহিলা।

তিনটে ব্যাপার এখন পরিষ্কার। এক, বিসিআইয়ের কাছে ভুয়া খবর আসেনি। দুই, মহিলা এখনও বেঁচে আছে। তিন, তাকে নজরবন্দি করে রাখা হয়েছে। যে বা যারা নজরবন্দি করে রেখেছে তারা বিসিআইয়ের কাছে খবর গেছে সেটা জানে, ফলে ফাঁদ পেতেছিল নেলিকে পাঠিয়ে। প্রশ্ন জাগল রানার মনে, ও পৌছোনোর আগে মহিলার কাছে পৌছে যাবে না তো প্রতিপক্ষ? নির্ভর করে তাদের ফাঁদ ব্যর্থ হয়েছে এখনওটা তারা কখন জানবে তার ওপর।

নেলির দিকে ফিরল রানা। 'স্টকিং খোলো।'

চোখে চোখে কিছুক্ষণ তাকিয়ে থাকল নেলি, বুঝতে পারছে না এত শীতল সুরে কেন বিছানায় ডাকছে লোকটা। দ্বিধা কাটিয়ে উঠল, হার্ট আরও ওপরে তুলল গার্টারের বেল্ট খোলার জন্যে। ইচ্ছে করেই দু'পা ফাঁক করে দাঁড়িয়েছে। রানা দেখল গোল একটা পেট আছে নেলির, বিয়ের দু'বছরের মধ্যে ওটা নিঃসন্দেহে বিরাট ভুঁড়িতে পরিণত হবে।

স্টকিং খোলা হতেই ওগুলো নিয়ে নিল রানা, সাব্বনার সুরে বিম্বিত নেলিকে বলল, 'যা ভাবছ সেটা পরে ভেবে দেখব, কেমন? এখন আমি বাইরে যাচ্ছি একটা কাজে। আমি চাই ফিরে এসে যাতে তোমাকে এখানেই পাওয়া যায়।'

একটা পিঠ উঁচু চেয়ারে বসিয়ে ওরই স্টকিং দিয়ে কষে বাঁধল রানা নেলিকে। গোড়ালি আর কজি বাঁধা শেষে নেলির মুখে একটা ক্রমাল ঠংগে দিল। পরীক্ষা করে দেখল যাতে ক্রমাল গিলে মারা না পড়ে মেয়েটা। আবার এত শক্ত করেও

গোজেনি যে ফেলে দিয়ে চিৎকার করে লোক জড় করতে পারবে। কাজ সেরে সিঁকাতে এল, মেয়েদের পাতলা মোজা দিয়ে সত্টিই চমৎকার স্তাবে বাঁধাবাধির কাজ করা যায়।

‘দরজায় কেউ এলে কষ্ট করে আর জবাব দিতে হবে না তোমাকে,’ যর ছেড়ে বের হবার আগে আত্মকবার সাদ্বনা দিল রানা। সেখল কড়া চোখে ওর দিকে তাকিয়ে আছে মেলি। বাইরে এসে দরজায় ভালো দিয়ে ‘দু নট ডিস্টার্ব’ লেখা কার্ডটা ঝুলিয়ে দিল ও, তারপর দ্রুত পায়ে নেমে এল নিচে। তিনটে বাজতে পঁচিশ মিনিট। হাতে বেশি সময় নেই। মেলির বেবি অস্টিন আর যা-ই হোক, জেমস বান্ডের আন্টন-মার্টিন নয়।

ষাণ্মাস্ত পেরিয়ে গেছে অনেক আগেই, লন্ডনের রাস্তা এখন প্রায় ফাঁকা, শুধু মাঝে মাঝে রাস্তার মোড়ে দেখা যাচ্ছে একটা দুটো মেয়েকে, রাতের খন্দের ধরার আশায় এখনও অপেক্ষা করছে।

অ্যালটন লন্ডনের দক্ষিণ-পশ্চিমে। কেনসিংটন আর চেলসির ভেতর দিয়ে শুভ ব্রুস্টন রোড ধরে এগোল রানা। যতটা সম্ভব গতি আদায় করছে বেবি অস্টিনের কাছ থেকে, চোখ কুঁচকে গেছে এঞ্জিনটার আর্থনাদ শুনে। একটু পরপর বাক নিচ্ছে কাউন্টি রোড, অভ্যস্ত সতর্ক থাকতে হচ্ছে, বারবার কমাতে হচ্ছে স্পীড। ব্রুকউড, কার্নবরো আর অ্যান্ডারশট পেরিয়ে গেল।

অ্যালটন ঘুমিয়ে পড়েছে অনেক আগেই। গাড়ির এঞ্জিনের

আর্তি ছাড়া চারদিক নীরব । ওয়ে নদীর তীরে একঝাড় বুড়ো
 ওকেড নিচে গাড়ি থামল বানা । ওয়ে আসলে নামে মাত্র নদী,
 বাস্তবে বড়সড় একটা ঘর্না ছাড়া আর কিছুই নয় । পশ্চিম তীর
 ধরে হাঁটতে শুরু করল রানা । পূর্ব আকাশে সামান্য ধূসর
 একটা রেখা আসন্ন ভোরের আভাস জানানোছে । মহিলা
 কুয়াশার কথা বলতে ভুলে গেছে । নদীর পাড়ে ঘন কুয়াশা ।
 পানিতে যাতে না পড়ে সেজন্যে সাবধানে হাঁটতে হচ্ছে । মাঝে
 মাঝে ছিঁড়ে যাচ্ছে কুয়াশার পর্দা, তখন সামনে কয়েক ফুট
 করে দেখা যাচ্ছে । হেঁড়া কুয়াশার ভেতর নিয়ে রো বোটটা
 দেখতে পেল রানা । আরেকটু হলেই পাড়ে অর্ধেক তোলা
 বোটের পায়ে হোঁচট খেতে হতো ।

ঠেলে পানিতে বোট ভাসাল রানা, বৈঠা বাইতে শুরু
 করল । কুয়াশার চাদর ওকে ঘিরে রেবেছে । বৈঠা পানিতে
 পড়ার মৃদু ছলাৎ-ছল শব্দ ছাড়া চারপাশ নীরব । আকাশে ধূসর
 রঙের বিস্তৃতি বেড়েছে, কিন্তু কুয়াশা কাটেনি । সূর্য মাঝ
 আকাশে ওঠার আগে পর্যন্ত কুয়াশার দৌরাখা সাধারণত কমে
 না দ্রিটেনে । আর্চের ভারী পাথরগুলো পাশ কাটিয়ে একটা
 ফুট-ব্রিজ পার হলো রানা, প্রায় দেখাই যায় না ব্রিজটা । ঘড়ি
 দেখল । হাতে বেশি সময় নেই । বৈঠা চালানোর গতি
 বাড়াল ।

সিকি মাইল পার হবার পর আরেকটা ব্রিজের স্প্যান
 দেখতে পেল । কাছে যেতে বোঝা গেল, কাঠের তৈরি ।
 সামনে নাক নিল নদী । বাকটা পার হতেই আরেকটা আর্চড

ব্রিজ দেখা গেল। কুয়াশায় মোড়া নিধর প্রাচীন ব্রিজটা দেখতে
তুতুড়ে আর পরিভ্রান্ত মনে হচ্ছে। পাথরের তৈরি ব্রিজের
ওয়াকওয়ে কাঠের, দেখে মনে হয় যেকোনও সময়ে ভেঙে
পড়বে।

ব্রিজের কাছে নৌকো থামাণ রানা, অপেক্ষা করছে। ওর
ঘড়িতে ৫টা বাজে।

এক...দুই...তিন...করে দশ মিনিট পেরিয়ে গেল, কেউ
এল না।

অবস্থি বোধ করছে রানা। প্রতীক্ষা সবসময়েই
অবস্থিকর। সন্দেশ হলো, তাহলে কি ওর আগেই মহিলার
কাছে পৌঁছে গেছে আততায়ীরা। ঠিক করল আরও কিছুক্ষণ
অপেক্ষা করে দেখবে।

দু'মিনিট পর বৈঠার আওয়াজ পেল ও, উজান থেকে
আসছে। ওয়ালথার পি.পি.কে. বের করে অপেক্ষায় থাকল।
ব্রিজের এপারে ওর সঙ্গে দেখা হবে অন্য নৌকোটার। চোখ
সরু করে তাকিয়ে আছে রানা। কুয়াশার ভেতর আবছা ভাবে
দেখা গেল ওটা। কে যেন বসে আছে বৈঠা হাতে। মহিলা না
পুরুষ বোঝা গেল না। থেমে গেল নৌকোটা। মাঝখানে বিশ
ফুট মত দূরত্ব। পানির ওপর দিয়ে ভেসে এল গলা।
টেলিফোনের সেই মহিলার উচ্চারণ আর এর উচ্চারণ এক।

'ভাল, আপনি এসেছেন,' টেলিফোনের কণ্ঠের চেয়ে মোটা
শোনাগ কণ্ঠস্বর। রানা আশ্বাস করল, কুয়াশার কারণেই
সম্ভবত এই জায়গা বেছেছে মহিলা, চায় না ও তাকে দেখতে

পাক। মহিলা মধ্যবয়স্ক হবে। ধীর স্বরে বলল মহিলা, 'একটা কথা প্রথমেই আপনাকে বুঝতে হবে। আমি বিশ্বাসঘাতক নই।'

চুপ করে থাকল রানা।

'আমি জানি ওরা আমাকে চোখে চোখে রেখেছে,' বলে চলল মহিলা। 'আমার মনোভাব সরাসরি ওদেরকেই জানিয়েছিলাম। যেকোনও দিন আমাকে লন্ডন থেকে সরিয়ে দেয়া হবে, সেজন্যই এই মীটিংয়ের ব্যৱস্থা করতে হয়েছে।'

ওর ওপর হামলা হয়েছে সেটা আপাতত মহিলাকে না জানানোর সিদ্ধান্ত নিল রানা। মহিলা জাফনে না কতটা কাছ থেকে তাকে নজরে রাখা হচ্ছে। হামলার কথা বললে মহিলা হয়তো এতদূর পালানোর চেষ্টা করবে। কথা শুনে এমনিতেই বোঝা যাচ্ছে নিজের মনের সঙ্গে লড়াই করছে মহিলা।

'আমি আমার দেশের সঙ্গে বিশ্বাসঘাতকতা করব না, বুঝেছেন?' আবারও বলল মহিলা। 'এমন কোনও প্রশ্ন করবেন না যেটার উত্তর দিতে হলে আমার দেশের ক্ষতি হয়। যতটুকু বলব ঠিক করেছি ঠিক ততটুকুই বলব। বুঝেছেন?'

ভুল করছে কিনা সেটা ভেবে মহিলা বেশ বিধাবিভ। নিজেকেই বুঝ দেয়ার চেষ্টা করছে যে সে বিশ্বাসঘাতকতা করছে না। কাজের কথায় আসা দরকার, অনুভব করল রানা। একটু পরই কুয়াশা পাতলা হতে শুরু করবে, তখন আবার মহিলা কি বায়না করা করে কে জানে!

'আপনার বক্তব্য শোনার পর আমি বুঝতে পারব কোনও

প্রশ্ন করতে হবে কিনা,' বলল ও। 'তুঝ থেকে বলুন।'

'চুপচাপ বসে থেকে ঘটনাটা ঘটতে দেয়া আর সম্ভব ছিল না আমার পক্ষে। এই মানুষগুলো পৃথিবীর জন্যে খুব গুরুত্বপূর্ণ। এই বিজ্ঞানীরা। অনেক স্বিধায় ভুগে তাই ঠিক করেছে আমার পক্ষে যতটা করা সম্ভব তা আমি করব। আমি...'

টাল!

▲ মহিলা দ্বারা কিছু বলতে পারল না, আশ্চর্য করে কাত হয়ে সীট থেকে উলে পড়ল।

রানাও অট করে ওয়ে পড়ল নৌকোর পাটাতনে। ঠক করে একটা বুশেট বিধল ওর সীটের পিঠে। লোকটা যে-ই হোক, নির্ভুল তার লক্ষ্য। আওয়াজ কমানোর জন্যে লোকটিবার রাইফেল ব্যবহার করেছে।

নৌকোটা ব্রিজের অন্যপাশের স্প্যানের দিকে ভেসে যাচ্ছে। বিপরীত দিকে কোথাও আছে আততায়ী! একটু পরই রানাকে নিশানায় পেয়ে যাবে।

গলুইয়ের ওপর দু'হাতের ভর দিয়ে টুপ করে রানা নেমে গেল নদীতে। একটু আগে যেখানে ওর হাত ছিল সেখানে লেগে কাঠের কুচি ছিটাল তৃতীয় গুলি। ততক্ষণে পানিতে ডুব দিয়েছে রানা। নদীর পানি বেশ ঠাণ্ডা, তাছাড়া পুরোনো পোশাক পরে আছে ও, সাতার কাটিতে অসুবিধে হচ্ছে। ডুব সাতার দিয়ে ব্রিজের তলায় মাঝামাঝি জায়গায় থাওয়ার চেষ্টা করল। ভেসে উঠল দম ফুরিয়ে যেতে।

ব্রিজের ঠিক তলায় আছে ও' এখন। ওপরে কাঠের
ওয়াকওয়াতে লোকটার পদশব্দ শুনতে পেল। ও কোণায়
আছে জানে ওওঘাতক, সেজন্যেই ব্রিজের স্প্যানের শেষ
প্রান্তের দিকে যাচ্ছে, যাতে নেমে এসে সহজেই কাছ থেকে
গুলি করে মারতে পারে।

যতটা সম্ভব নীরবে স্প্যানের উদ্দেশে সাঁতার কাটতে শুরু
করল রানা, কাপড়চোপড় আর জুতো ভিজে যাওয়ায় মনে
হলো গায়ে এক বস্তা সিমেন্ট বেঁধে দিয়েছে কেউ।

ব্রিজ যেখানে ঢালু হয়ে তীরে মিশেছে, সেখানে স্প্যানের
গায়ে পিঠ ঠেকিয়ে দাঁড়াল রানা কোমর পানিতে। একটা
পাখর ঠোকর খেতে খেতে গড়িয়ে নামল ঢাল বেয়ে।
এমব্র্যাকমেন্ট ধরে ধীরে ধীরে নেমে আসছে সতর্ক লোকটা।
তীরে চলে এসেছে গ্রায়, ব্রিজের পিলারের পাশে আগে দেখা
দিল তার রাইফেলের নল। কুজো হয়ে সামনে বাড়ছে
লোকটা, চোখ সক্র করে তাকিয়ে আছে কুয়াশা স্তরা ব্রিজের
তলায়।

সুঠামদেহী দীর্ঘকায় লোক। দড়ির মত পাকানো পেশি।
একটা কন্ডরল পরে আছে।

লোকটা আঙঠার মধ্যে আসতেই স্প্যানের গায়ে গ্রাণপণে
লাগি মারল রানা, একই সঙ্গে ঝাঁপ দিল লোকটাকে লক্ষ্য
করে। পানিতে পড়ল দু'জন। লোকটার কোমর জড়িয়ে ধরেছে
রানা। ওর হাত ছাড়াতে গিয়ে আঙঠার রাইফেলটা ঝপাৎ
করে পানিতে পড়ে তলিয়ে গেল। কোমর ছেড়ে গায়ের জোরে

মোসাদ চক্রান্ত

গেল । কোমর ছেড়ে গায়ের জোরে লোকটার মুখে ঘুসি মারল
 রানা । মনে হলো মৃগেরের বাড়ি খেয়ে ছিটকে পড়েছে
 লোকটা । দ্রুত সামলে নিয়ে ভুল দিল, রানার তলায় হাঙ্গির
 হওয়ার ইচ্ছে । চট করে সরে গেল রানা । লোকটা ভেসে
 উঠতেই পেয়ে গেল হাতের নাগালে । লোকটাও শুকে পেয়েছে
 বলা যায় । একই সঙ্গে ঘুসি মারল দু'জন । রানারটা এড়িয়ে
 গেল লোকটা, তারটা রানা এড়াতে পারল না । মাথাটা ঘনঘন
 দু'দার ঝাঁকি খেল শুরু । চোখের সামনে অন্ধকার দেখল ।
 রানার দ্বিতীয় ঘুসিও বার্থ হলো । আবার মারল লোকটা শুকে ।
 এক পিসের কভারল পরে থানায় রানায় স্থলনায় পানিতে
 অনেক দ্রুত শরীর নড়াতে পারছে আনআর্মড কমব্যাটে দক্ষ
 লোকটা ।

রানার মনে হচ্ছে ওর হাতে বাড়তি ওজন চাপিয়ে
 মুষ্টিযুদ্ধে নামিয়ে দেয়া হয়েছে ।

পানি কেটে সামনে বাড়ল লোকটা, নিজের সুবিধে সম্বন্ধে
 পূর্ণ সচেতন । দু'হাত ঘুরিয়ে গায়ের জোরে কয়েকটা ঘুসি
 মারল রানার বুক-পেট লক্ষ্য করে । ঠেকাতে চেষ্টা করেও
 পারল না, থরথর করে কঁপে উঠল রানা, পিছিয়ে গেল ।
 তীরে উঠলেও বাড়তি সুবিধেটা পাবেই এ লোক । এখনই
 ভারী ভারী ঠেকছে রানার দু'হাত, মনে হচ্ছে বিশ্রাম দরকার ।

পিছিয়ে গেল রানা, বড় করে দম নিল, তারপর ডুব দিয়ে
 জড়িয়ে ধরল লোকটার দুই পা, টান দিল গায়ের জোরে ।
 এতই দ্রুত ঘটল ব্যাপারটা যে বিস্মিত আততায়ী দম নেবার

আগেই তলিয়ে গেল। গত কয়েকদিন ঢাকা ক্লাবের সুইমিং পুলে প্রায় সারাদিন সাঁতার কেটেছে রানা, ও আশা করছে দমে হারাতে পারবে প্রতিপক্ষকে। রানার ঘাড়ের একের পর এক ঘুসি লাগছে। পানির তলায় ওগুলোকে মনে হচ্ছে হালকা চাপড়। মাছের গায়ে কাঁকড়া যেমন করে সঁটে যায়, তেমনি করে আঁকড়ে ধরে থাকল রানা। মোচড়ামোচড়ি করে মহামূল্যবান শ্বাস নষ্ট করছে লোকটা। রানা শুধু প্রাণপণে তাকে ধরে আছে পানির নিচে। কিছুক্ষণ মাত্র, লোকটার কটকটকি দুর্বল হয়ে এলো। রানারও দম প্রায় শেষ, মাথার মধ্যে নড়দড় করছে, মনে হচ্ছে একুণি ফেটে যাবে ফুসফুস।

হঠাৎ করেই লোকটার দেহ শিথিল হয়ে গেল। আরও পাঁচ সেকেন্ড তাকে পানির নিচে ধরে থাকল রানা, তারপর ছেড়ে দিয়ে ওপরে মাথা জাগাল, শ্বাস নিল ফোঁস-ফোঁস করে। নদীতে স্রোত সামান্যই। আধমিনিট পর দেহটা ওর গায়ে ঠেকল। চুল ধরে টেনে মুখটা তুলল পানির ওপর। চেহারা দেখে আরব বলে মনে হয়। ইসরায়েলীও হতে পারে। লাশটা তীরের কাছে নিয়ে এল রানা, কভারল খুলে আইডেন্টিটি খুঁজল। আশা করেনি, পেলও না কিছু। কিন্তু কভারলের নিচে চামড়ার ক্ষিতে দিয়ে বাঁধা ছোট রেডিয়োর সমান একটা ওয়াকিটকি পাওয়া গেল। যারাই ওর পেছনে লেগে থাকুক, তারা সংঘবদ্ধ এবং বেপরোয়া।

মোসাদ?

যারা রানাকে ডকে আক্রমণ করেছিল তাদের সঙ্গে মোসাদ চক্রান্ত

যোগাযোগ ছিল এর। এ নজর রাখছিল মহিলার ওপর। রানা সশরীরে হাজির হতেই এ বুঝে নিয়েছে কোথাও কোনও গোলমাল হয়ে গেছে। নিশ্চয়ই আসল জায়গায় বসে পাঠিয়েছে, তারপর তাদের নির্দেশ মোতাবেক হামলা করেছে। পেশাদার লোক এরা, শুদ্ধচরবৃত্তির যে নিয়ম মেনে কাজ করেছে সে নিয়ম মোসাদ মেনে চলে।

দুটো নৌকোই নদীর ওপারে গিয়ে ভিড়েছে। তীরে উঠে দ্রুত পায়ে বিজ্ঞ পেরিয়ে মহিলার নৌকোর কাছে চলে এল রানা। মহিলা বেঁচে নেই। কপালে গুলি খেয়েছে। চুলে পাক ধরেছিল। বরফ হবে পঁয়তাল্লিশ। ঘোবনে চেহারা সুন্দর ছিল।

সময় নষ্ট না করে তার পরনের বাদামী কোট খুলে ফেলল রানা, আপাদমস্তক সার্চ করল। কোনও পার্স নেই। কোটের কলারে একটা নাম ওর নজর কাড়ল। মারিয়া গোল্ডামেয়ার। নামটা মনে গেঁথে নিল রানা, আন্তে করে মহিলাকে শুইয়ে দিল নৌকোয়। ঋণাত্মক লেগে উঠল ওর, মহিলা যেটা দায়িত্ব মনে করেছিল সেটা পালনের চেষ্টা করতে গিয়ে মারা গেছে। খুব বেশি মানুষ দেশ বা জাতির উর্ধ্বে উঠে পৃথিবীর মঙ্গল চিন্তা করে না।

নিজের নৌকোয় ফিরে ভাটির দিকে বৈঠা বেয়ে চলল রানা, যুধটা কঠোর। কেউ একজন খেলাচ্ছে ওকে, শেষ করে দিতে চাইছে। কে তা জানে না ও। আশ্বাস করতে পারে।

মোসাদ।

আপাতত রাহাত খানের সঙ্গে যোগাযোগ করবে না, ঠিক

করল রানা। ওর নাকের ডগা থেকে কট্যাটকে শেষ করে
নিয়েছে মোসাদ। এখনও কোনও কিছু সম্বন্ধে পরিচয় কোনও
দারগাহই হয়নি। ব্রাহ্মত খানের সঙ্গে যোগাযোগ করে তাঁকে
দেবার মত কোনও তথ্য নেই ওর হাতে।

বেশিক্ষণ অন্ধকারে থাকবে না ও, বৈঠা দ্রুত চালাতে
চালাতে ভাবল রানা। শীঘ্রি কিছু না কিছু জানা যাবে। নেলি
আছে ওর হাতে। তথ্য আদায় করতে হবে নেলির বয়স্কেন্ডের
কাছ থেকে।

শতনের রাস্তায় ভিড়। বেবি অটিন চালিয়ে হোট্টেলে
ফিরছে রানা, কোনও তাড়াহুড়ো নেই ড্রাইভিঙে। দেখলে কেউ
মনে করবে দেরি করে কাজে যাচ্ছে ব্যাটা, আবার ধীরেসুস্থেও
যাচ্ছে, এ বোধহয় ব্যবসায়ী।

চার

আগের জায়গাতেই আছে নেলি, হাত-পা বাঁধা, রানা ঘরে ঢুকতে হিংস্র চোখে তাকাল, গৌ-গৌ 'প্রায়াজ বোরোল গলা দিয়ে। পান্ডা দিল না রানা, মেজাজটা এমনতেই ঝিচড়ে আছে, বাথরুমে ঢুকে কাপড় পাল্টান, তারপর বেরিয়ে এসে বাঁধন খুলল মেয়েটার। ঠিকিঙের অবস্থা দেখে বুঝল চুপচাপ বসে ছিল না নেলি, ছুটে যাবার জন্যে সাধ্যমত টানাহ্যাঁচড়া করেছে, ফলে আরও এঁটে বসেছে ঠিকিংস।

'ব্যথা!' রক্ত চলাচল শুরু হওয়ায় কজি ডলতে ডলতে মুখ কুঁচকে বলল নেলি। 'মাথা ঘুরছে। জ্ঞান হারিয়ে পড়ে যাব মনে হচ্ছে।'

'বাথরুমে গিয়ে মুখ-হাত ধুয়ে নাও,' নির্দেশ দিল রানা। 'দেরি কোরো না, তোমার বয়স্কেন্ডের ওখানে আমাকে নিয়ে যাবে তুমি।'

'এখন ও ঘুমাচ্ছে,' প্রতিবাদের সুরে বলল নেলি, 'সারারাত ফুঁতি করে তোরে ঘুমায় ও।'

'তাহলে আজকের দিনটা ওর জন্যে ব্যতিক্রম হবে।'

লাল পোশাকটা মাথা গলিয়ে খুলে ফেলল নেলি, পরনে শুধু লাল ব্রা আর লাল প্যান্টি, রানার দিকে তাকাল, চোখে আবার আমন্ত্রণ ফুটিয়ে তুলেছে, ভাষখানা, কেমন দেখছে মিয়া, পছন্দ হয়েছে?

শীতল হাসল রানা, চোখদুটো কঠোর। দেখল এক পনকে আত্মবিশ্বাস দূর হয়ে গেছে মেয়েটার, টয়লেটে ঢুকে দরজা বন্ধ করে দিল।

সোফায় বসে আড়মোড়া ভাঙল রানা, বসে বসে কয়েক রকম স্ট্রেচিং করে শরীরের পেশি শিথিল করে নিল। টয়লেটে নিবন্ধির করে আওয়াজ হচ্ছে, গোসল করছে নেলি। কিছুক্ষণ চোখ বুজে বিশ্রাম নিয়ে নিল রানা। নেলি বেরোতে চোখ মেলল। নিজেকে একদম ভাঙ্গা মনে হচ্ছে, যেন সারারাত শু ঘুমিয়েছে আরামে।

নেলির বয়স্ফেভের অ্যাপার্টমেন্ট সোহোতে। দরিদ্রদের ডিস্ট্রিক্ট। ছোট-ছোট স্টেশনারি দোকান, গাব, নাইট ক্লাব আর এক রুমের অ্যাপার্টমেন্টের রাজ্য। এখানে চুরি, ডাকাতি, ছিনতাই, রাহাজানি লেগেই আছে সর্বক্ষণ।

সরু গলির ভেতর দিয়ে বেবি অস্টিন নিয়ে চলল রানা। যতই গন্তব্যের কাছে পৌঁছোচ্ছে, ততই নার্ভাস হয়ে যাচ্ছে নেলি। দু'হাত এক করে মোচড়ামুচড়ি শুরু করেছে।

‘অপেক্ষা করলে হয় না?’ শেষ পর্যন্ত থাকতে না পেরে বলল নেলি। ‘টভের ঘুম খুব গাঢ়। সকালে কেউ ডিস্টার্ব করলে সাংঘাতিক খেপে যায়।’

ঘুম ভাঙানোয় যদি না-ও খেঁশে টড, নেলি তাকে ধরিয়ে দেয়ায় যেভাবে । কিছু বলল না রানা, একমানে গাড়ি চালাচ্ছে ।

নোনি ওকে পথ দেখিয়ে একটা গলির শেষ প্রান্তে নিয়ে এল । জানা গেল পরিত্যক্ত চেহারার ব্রং চটা ধূসর তিনতলা বাড়িটার তৃতীয় তলায় টডের আবাস ।

টডের আপার্টমেন্টের দরজায় দাঁড়িয়ে রানা বলল, 'তুমি টাকা দাও । ভেতর থেকে কে তা জানতে চাইলে জবাবও নেবে তুমি ।'

টডের ঘুম কুস্রকর্ণের মত, ঠিকই বলেছিল নেলি । দরজা ভেঙে ফেলায় জোগাড়, কিন্তু ভেতর থেকে কোনও সাড়াশব্দ নেই । বেশ কিছুক্ষণ পর একটা ঘুম জড়ানো চিকন গলা শোনা গেল ভেতর থেকে ।

'কে?'

'আমি, টড,' বলল নেলি, 'উষ্মি চোখে একবার রানাকে দেখল । 'আমি, নেলি ।'

ক্লিক করে আওয়াজ হলো তাল খোলার, দরজা খুলে যাচ্ছে । দরজায় ধাক্কা দিয়ে নেলিকে ঠেলে সঙ্গে নিয়ে ভেতরে ঢুকল রানা ।

টডের পরনে শুধু পায়জামা, লম্বা চুলগুলো এলোমেলো, কোঁকড়া, রুক্ষ । পুরুষালী চেহারা, সুদর্শন । নিষ্ঠুরতার ছাপ চেহ'রায় । লম্বায় রানার সমানই হবে, তবে রুগ্ন ।

'কি ব্যাপার?' চড়া গলার জানতে চাইল সে, কড়া চোখে তাকাল নেলির দিকে ।

‘আমাকে জোর করে ধরে নিয়ে ‘এসেছে,’ রানাকে ইশাবায় দেখিয়ে নালিশের সুরে বলল নেলি। বয় ফ্রেডের উপস্থিতিতে হঠাৎ করেই সাহস ঘিয়ে পেয়েছে, ভাবছে আগন্তুকের কাছ থেকে আর কোনও বিপদের ভয় নেই তার।

থমথমে মুখে রানাকে দেখল টড, চোখে এখনও ঘুম লেগে রয়েছে, তবে রাত্রি জাগরণের প্রভাব কাটিয়ে পুরোপুরি সচেতন হয়ে উঠছে দ্রুত।

‘কি?’ আবার জিজ্ঞেস করল টড। ‘এই লোকটা কে?’

‘প্রশ্ন যা করার আমি করব, টড,’ শান্ত স্বরে জানাল রানা।

‘দূর হও!’ খেঁকিয়ে উঠল লোকটা। ‘কে তুমি?’

‘কমেকটা প্রশ্নের উত্তর দাও, চলে যাব আমি,’ আরও শান্ত শোনাল রানার কণ্ঠ। ‘কোনও চালাকি করতে যেয়ো না, বিপদ হবে।’

‘টড, আমি বলেছিলাম তুমি রেগে যাবে ঘুম থেকে ওঠালে,’ বলল নেলি, ‘এই লোক আমাকে জোর করে ধরে এনেছে।’

এক নজরে ঘরের ভেতরটা দেখে নিল রানা। ঘরের প্রায় পুরোটাই জুড়ে আছে একটা ডবল-বেড খাট। এক পাশে একটা ড্রেসার। সেটার ওপর একটা পর্সেলিন ডিশ। পাশে একটা এইল-এর খালি বোতল আর পানি ভরা জগ। ড্রেসারের পাশে রাখা কাঠের পিঠ সোজা চেয়ারে সাদথানে নিজের পোশাক ভাঁজ করে রেখেছে টড রলিং।

‘কাল রাতে নেলির সঙ্গে যাদের পরিচয় করিয়ে দিয়েছিলে মোসাদ চক্রান্ত

ভাবা কারা?

‘জাহান্নামে যাও!’ বৈকিয়ে উঠল টড। চোখ সৰু হয়ে গেছে। দৃষ্টিতে বিধ্ব রয়েছে। গিছিয়ে গেল লোকটা, ওপরের ঠোঁট সরে যাওয়ায় এবড়োখেবড়ো হলুদ দাঁতের সারি বেরিয়ে এসেছে। ‘বেরিয়ে যাওয়ার জন্যে তিন সেকেন্ড সময় দিচ্ছি।’ ড্রেসারের কাছে চলে গেছে সে। পর্সেলিনের ডিশটা তুলে নিল হাতে।

এত দ্রুত ডিশটা ফ্রিস্‌বির মত ওর মাথা লক্ষ্য করে ছুঁড়ে দিল টড যে সতর্ক স্বাকার পরও চমকে গেল রানা। দেখল নিখুঁত লক্ষ্যে বাতাসে ঘুরতে ঘুরতে ছুটে আসছে তাঁরা বাসনটা। সময় মত কুঁজো হলো রানা, ওর মাথা ছুঁয়ে দরজায় বাড়ি খেয়ে ঝনঝন করে ভাঙল ডিশ। রানাকে সোজা হবার সুযোগ দেয়ার কোনও ইচ্ছে নেই টডের, ডিশ ছুঁড়েই লাফ দিয়ে এগিয়েছে সে জাহান্নামের ক্ষিপ্ৰতায়। ডিশ ছুঁড়ে আরেকটু হলোই কাতিকৃত ফল পেত সে, কিন্তু লাফ দিয়ে ফুল করে কেলল। ততক্ষণে সামলে নিয়েছে রানা, কুঁজো হয়ে আছে দেখে টড মনে করেছিল বাগে পেয়ে গেছে শত্রুকে, কিন্তু সোজা হয়েই ধাঁই করে ডান হাতি একটা ঘুসি লাগিয়ে দিল রানা উড়ন্ত টডের চোয়ালে। কড়াৎ করে আওয়াজ হলো চোয়ালের হাড়, বাথায় শুঙিয়ে উঠল লোকটা ‘বাবারে’ বলে। মাটিতে পড়ে টলতে টলতে উঠে দাঁড়াল আবার, বিছানায় ঝাঁপিয়ে পড়ে গড়ান দিয়ে চলে গেল ওপারে। ড্রেসারের ড্রয়ার টান দিয়ে খুলেই হাতে তুলে নিল চকচকে একটা ডীক্লদার

ছোরা। দু'চোখ জ্বল-জ্বল করছে নগ্ন ঘৃণায়। জিভ বের করে
 হাঁপাচ্ছে কুকুরের মত। ছোরা হাতে এগোল রানার দিকে।
 ছোরা ধরার ভঙ্গিই বলে দিল ছোরাবাজিতে দক্ষ লোক সে।
 বুঝতে পারছে রানা, যাদের সঙ্গে ওর মোলাকাত হয়েছে
 তাদের ভাল করেই চেনে টড, সে নিজেও সম্ভবত মোসাদের
 এজেন্ট।

নেলি ঘরের এককোণে সরে দাঁড়িয়েছে। একটা চোখ
 তার ওপর রাখল রানা, আস্তে আস্তে পিছিয়ে যাচ্ছে। এক
 ঝটকায় শোস্তার হোল্ডার থেকে ওয়ালবারটা বের করে
 ছমকি দিল, 'সাধন, টড, ছোরা ফেলে দাও। আর এক পা-ও
 এগোবে না। প্রথমে আমি হাতে আর পায়ে গুলি করব। মুখ
 খুলতেই হবে তোমাকে, তার আগে ছাড়ব না।'

থমকে দাঁড়াল টড। একবার ছোরা আরেকবার পিস্তলটার
 দিকে তাকাল। ছোরা ছুঁড়তে হলে হাত পেছনে নিতে হবে
 তাকে, বুঝতে পারছে সেটা সম্ভব নয়, তার আগেই গুলি
 করবে রানা। আস্তে আস্তে মাথা নাড়ল টড, মুখে ফুটে উঠল
 ভিজ় হাসি।

'না, মিষ্টার, আমাকে ইন্টারোগেট করার সুযোগ তোমার
 হবে না,' বলল নিতেজ্ঞ গলায়। 'আর ঠেকানোর তো প্রশ্নই
 ওঠে না। ঠিক আছে, আপাতী টার্গেটের নাম বলে দিচ্ছি—ডক্টর
 ইব্রাহিম—পারলে ঠেকাও গিয়ে।' জিভ দিয়ে গালের পাশে কি
 যেন করল, একদিকের গাল ফুলে গেল। চিবুকে কি যেন
 কট করে একটা আওয়াজ হলো।

মোসাদ চক্রান্ত

লাফ দিয়ে সামনে বাড়ল রানা, লাফি দিয়ে টডের হাত থেকে ছোরাটা ফেলে দিয়ে তার গলা চেপে ধরল যাতে ড্রাক গিলতে না পারে।

হয়ে গেছে। রানার গায়ে ঢলে পড়ল টড রলিস। চোখ উন্টে সাদা অংশ বেরিয়ে গেল, তারপর বন্ধ হয়ে গেল চোখ দুটো। নেহটা একবার ঝাঁকুনি খেয়েই স্থির হয়ে গেল। দাঁতে চেপে একটা সায়ানাইড ক্যাপসুল ছিল, নেটা দাঁতে চেপে ভেঙে ফেলেছে লোকটা।

রানা ছেড়ে দিতেই ধপ করে মেঝেতে পড়ল লাশ।

ঘরের কোণে এখনও দাঁড়িয়ে আছে নেলি, এবার তীক্ষ্ণ চিৎকার শুরু করল। বুঝতে পেরেছে, মারা গেছে টড।

টড রলিস পেশাদার গুপ্তচর, মুখ খোলার চেয়ে মৃত্যুকেই বেশি কাম্য মনে করেছে।

গালে এক চড় কষিয়ে নেলিকে থামিয়ে দিল রানা। মেয়েটাকে বিছানায় বসতে বাধ্য করে ঘরটা সার্চ করতে শুরু করল। কিছু পাওয়া গেল না কিছুই।

ঘরে কোনও নিসেনিং ডিভাইস বা ওয়্যারলেস সেট নেই। ফ্রেসারের ড্রয়ারে রাখা সমস্ত কাগজ ঘেঁটে কোনও গুরুত্বপূর্ণ কিছু পেল না রানা।

এখানে আর কিছু করার নেই। নেলির দিকে একবার তাকিয়ে দ্রুত পায়ে ঘর ছেড়ে বেরিয়ে এল রানা, শুনতে পেল তীক্ষ্ণ চিৎকার। আবার চোঁচাতে শুরু করেছে নেলি। একেবারে সিঁড়ির তিন ধাপ করে নামছে এখন রানা,

অন্টিনের চাবিটা ওর কাছেই আছে, নেলি যত খুশি চিৎকার করুক, পুলিশ এসে যা খুশি জানতে চাক, ওর কিছু যাবে আসবে না। হোটেলে থাকার প্রয়োজন ফুরিয়েছে ওর, নেলির কাছ থেকে কিছু জানলেও ওকে খুঁজে পাবে না পুলিশ।

বেবি অন্টিন স্টার্ট দিয়ে মেইন রোডে চলে এল রানা, গাড়িটা এক জায়গায় পার্ক করে একটা ট্যান্ডি ধরে ফিরে এল হিস্টনে। একটু পরট চেক আউট করল, আশফট। পর পৌছে গেল রানা এজেন্সির একটা সেক্স হাউসে।

মেম্বারটা বিচড়ে আছে, এতকিছু ঘটল অথচ একটা নাম ছাড়া আর কিছুই নেই ওর হাতে। অন্ধকার ঘরে অন্ধের মত লাগছে নিজেকে। বিজ্ঞানীদের ব্যাপারে আরও তথ্য জানতে চেয়ে সাহস করে ডক্টর ইব্রাহিমের নাম সহ একটা কোডেড মেসেজ পাঠাল বিসিআইতে। এখন অপেক্ষা ছাড়া আর কিছু করার নেই ওর। শাওয়ার শেষ সেরে ছয় ঘণ্টার টানা একটা ঘুম দিয়ে উঠল।

*

আট ঘণ্টা পর ডিপ্লোমেটিক ব্যাগটা পৌছে দিল রানা এজেন্সির লন্ডন চীফ, হাসান।

একগাদা কাগজ কোন্ডারে।

নিউরোলজিকাল রিপোর্ট বলছে রহস্যময় কোনও কারণে বিজ্ঞানীদের মস্তিষ্ক একেবারে প্রাথমিক পর্যায়ে পৌছে গেছে। মেডিক্যাল সায়েন্সে এমনটা আগে আর কখনও দেখা যায়নি। নিউরোলজিস্ট আর সাইকিয়াট্রিস্টরা পরীক্ষা করে দেখেছেন,
৪-মোসাদ চক্রান্ত

এমনটা হবার কোনও কারণ খুঁজে পাননি। কনভেনিয়ান্স
রিটার্ডেশন অথবা ম্যাসিভ ব্রেইন ড্যামেজে যেমন দেখা যায়,
সেটাই ঘটেছে বিজ্ঞানীদের ক্ষেত্রে। কিন্তু ব্রেইনে ড্যামেজের
কোন চিহ্ন নেই।

দুটো মাত্র ব্যাখ্যা তাঁরা দাঁড় করাতে পেরেছেন। প্রচণ্ড
শক্তিশালী ইলেকট্রিকাল রে যদি এক্স রে-এর মত ক্ষতিকর হয়
তাহলে ব্রেইনের এমন অবস্থা করতে পারে। আবার কোনও
অজানা ভাইরাসের কাজও হতে পারে এটা।

যেহেতু সায়েন্টিষ্টদের মীটিঙের পনই এমনটা ঘটেছে
কাজেই ধরে নেয়া চলে যে সবার সামনেই কৌশলে সারা
হচ্ছে কাজটা। সম্ভবত ভাইরাসই ব্যবহার করা হচ্ছে।

আক্রান্ত বিজ্ঞানীদের নামগুলো আবারও উল্লেখ করা
হয়েছে রিপোর্টে। বলা হয়েছে শুধু মুসলিম বিজ্ঞানীরা আক্রান্ত
হচ্ছেন।

ডক্টর রাশেদ মিলিটারি হার্ডওয়্যারে ইলেকট্রনিক উইপন
ডেভেলপ করেছিলেন। ডক্টর আহসান মুন্সেফেরে সৈনিকদের
দ্রুত চিকিৎসা এবং আরোগ্য বিষয়ে গুরুত্বপূর্ণ অবদান
রেখেছিলেন। আল হামিদ কাজ করছিলেন নতুন মলিকিউলার
থিয়েরি নিয়ে। মোটামুটি সাতজন বিজ্ঞানীর সর্বনাশ হয়েছে।
প্রত্যেকেই এঁরা বিজ্ঞানের নানা ক্ষেত্রে নিজেদের প্রতিভার
স্বাক্ষর রেখেছেন।

স্পেস বায়োলজি নিয়ে কাজ করছেন ডক্টর ইব্রাহিম,
গবেষণায় সফলতা পাওয়ার কাজকাছি পৌঁছে গেছেন। তাঁর

গবেষণা সফল হলে পশ্চিমা বিশ্বের চেয়ে স্পেস বায়োনজিতে এগিয়ে যাবে বাংলাদেশ ও কুয়েত সহ আরও কয়েকটা মুসলিম দেশ।

বিশেষ করে বলা হয়েছে, কুয়েত এবং সৌদি আরবের কাছ থেকে প্রচুর আর্থিক সাহায্য পাচ্ছে বাংলাদেশ বাঙালী বিজ্ঞানীদের অবদানের কারণে।

ছোট্ট একটা চিঠিও দিয়েছেন রাহাত খান। দ্রুত চোখ বোলান রানা।

রানা,

ওরা আমাদের সেরা বিজ্ঞানীদের শেষ করে দিচ্ছে। গোটা জাতির সম্পদ তাঁরা, অথচ তাঁদের আমরা রক্ষা করতে পারছি না। ইসরায়েলের ভেতরে চুকে পাল্টা ব্যবস্থা নেয়াও এমুহর্তে সম্ভব নয়। ইটালিয়ান রিভিয়ারাতে আগামী কয়েকদিন পর আইএসএস মীটিং, আমি চাই তুমি নিজে ডক্টর ইব্রাহিমের নিরাপত্তার দায়িত্ব নাও। পরবর্তী নির্দেশ শীঘ্রি পেয়ে যাবে। তোমাকে নিশ্চিত করতে হবে যাতে ডক্টর ইব্রাহিমের কোনও ক্ষতি না হয়। প্রয়োজনীয় ইলেক্ট্রনিক সমন্বয় বৃত্ত পৌছোবে।

বুড়ো নির্দেশ দিয়েই খালস। রাহাত খানের অনুকরণে জু কুঁচকে ডাবল রানা, কিভাবে ডাইরাস বা ইলেকট্রিক রে থেকে বিজ্ঞানীকে ও রক্ষা করবে সে-ব্যাপারে কিছুই লোন্সনি বুড়ো। কষ্টের বুড়ো পাহারাদারের দায়িত্ব দিয়েছে ওকে, আশা করছে রহস্যটা সমাধান করতে পারবে ও, মোসাদের বদমায়েনী রুখে দিতে পারবে। অথচ সূত্র বলতে কিছুই নেই হুডে।

মোসাদ চক্রান্ত

পাঁচ

অ্যানিটালিয়ার ফ্লাইটে মিলান পৌছোল রানা, একটা রেন্ট-আ-কার নিয়ে চলে এল জেনোয়ায়। ওখানে থামল না, আরও দক্ষিণে পোর্টোফাইনো, সেখানে চলেছে।

হোটেল এক্সেলশিয়ারে আইএসএস মীটিং অনুষ্ঠিত হবে, সেখানে ডক্টর ইব্রাহিমের পাশের সুইট গর জন্য বুক করা হয়েছে। দুটো ঘরের চাবিই রানার কাছে থাকবে। নিরাপত্তা নিশ্চিত করার জন্যে ঠিক হয়েছে যে পোর্টোফাইনোর বাইরে একটা সার্ভিস স্টেশনে ডক্টরের সঙ্গে সাক্ষাত হবে গর। রোম থেকে ড্রাইভ করে আসছেন বিজ্ঞানী। বিসিআই তাঁর সঙ্গে যোগাযোগ করে ব্রিফ করেছে। ডক্টর ইব্রাহিম কথা দিয়েছেন রানার সঙ্গে পূর্ণ সহযোগিতা করবেন। গাড়িটা পোর্টোফাইনোর একটা পার্কিং লটে রেখে পুরোনো একটা ট্যান্ড্রি চেপে সার্ভিস স্টেশনে হাজির হলো রানা।

ডক্টর ইব্রাহিম আগেই উপস্থিত হয়েছেন, ছোট ফিয়াট এইট-ফিফটির গায়ে হেলান দিয়ে দাঁড়িয়ে আছেন সার্ভিস স্টেশনের ছাউনির নিচে।

বেঁটেখাতো হাসিখুশি বৃদ্ধ, মাথা জোড়া চকচকে টাক
গোল একটা ভুঁড়ি আছে, নিঃসন্দেহে খাদ্যারসিক। পেটে হাত
গুলিয়ে জানালেন বউয়ের হাতের সুবাস পাস্তা খেয়ে মোটা
হয়েছেন। প্রথম পরিচয়ে পছন্দ করার মত মানুষ। সঙ্গে করে
বউ আর বউয়ের বোনদিকেও নিয়ে এসেছেন। তিনি যখন
খীটিঙে ব্যস্ত থাকবেন, রিভিয়েরায় ছুটি কাটাতে শুরু। এখন
তার সার্ভিস স্টেশনের ওয়াশরুমে গেছে, একুণি ফিরবে :

‘আমাকে বলা হয়েছে আপনার হাতে নিজেদের সঁপে দিতে,’
রানাকে বললেন ডক্টর। ‘স্বীকৃতিমূলক নির্দেশ দিয়েছেন রাহাত
খান, আপনার কথার বাইরে যাতে এক পা-ও না ফেলি।’

হাসল রানা। একেবারে বাচ্চাদের মত করে কথাগুলো
বলছেন ডক্টর, তবে তাঁর তীক্ষ্ণ চোখ দুটো বলে দিচ্ছে
কপালের পেছনে দ্রুতগতিতে চলমান একটা মগজ কাজ
করছে।

মিসেস ইব্রাহিম নিঃসন্তান ইটালিয়ান মহিলা। বেঁটে,
মোটা, ধোঁতা; কমণীয় চেহারা।

‘এই যে, সেনিয়র রানা,’ পরিচয় করিয়ে দিলেন বিজ্ঞানী।
‘এর কথাই বলেছিলাম, আমাদের সঙ্গে কয়েকদিন অবসর
কাটাবেন।’

‘আহ, সি,’ বললেন মিসেস ইব্রাহিম, ‘যাঁর কথা শুনে
চলতে হবে তোমাকে?’ রানাকে আপাদমস্তক দেখলেন
বিচারকের দৃষ্টিতে। হাসলেন তারপর, বললেন, ‘আশা করি
চল্লিশ বছরে আমি যা পারিনি তা আপনি পারবেন, সেনিয়র

রানা ।’

‘পারবে,’ রানা কিছু বলার আগেই বললেন বিজ্ঞানী । ‘ও আকারে তোমার চেয়ে ঢের বড় ।’

সেনিয়ারা ইব্রাহিমের পেছনে যে মেয়েটা আসছে তাকে দেখে অজান্তেই চোখ বিস্ফারিত হলো রানার । এক পলকই যথেষ্ট । সুন্দরী বললে এ-মেয়েকে ব্রীতিমত্ত অপমান করা হয় । রূপের একটা আগুন, সূর্য কিরণের মত জ্বলজ্বল করছে । নিখুঁত গোল মুখটাকে ঘিরে রেখেছে কালো চুল, কাঁধে লুটিয়ে আছে । ধনুকের মত জ । সুগঠিত ঠোঁট দুটো; রসাল, ঈষৎ ফাঁক করা প্রস্ফুটিত গোলাপ, কাছে আসতে আহ্বান করছে যেন । পরিপূর্ণ দেহে যৌবনের ঢল নেমেছে । বুকের কাছে উঁচু হয়ে আছে ব্রাউজ, দুধসাদা দু’স্তনের অর্ধেকটা করে দেখা যাচ্ছে । চওড়া উরু, সরু কোমর । আঁটো পোশাকে দেহের প্রতিটা খাঁজ-ভাঁজ নারীত্বের মহিমায় উদ্ভাসিত । রানাকে দেখে ওরও কালো চোখ দুটো একটু বড় হলো । নিজেকে রানার মনে হলো কুলের ছাত্র, তীব্র আকর্ষণ বোধ করায় হঠাৎ করে চমকে গেছে । অপূর্ব রূপসী এক নারী, ব্রীতিমত্ত জীবন্ত একটা কাব্য । বায়বনের সেই কথাটা মনে পড়ে গেল: ইটালিয়ান মেয়েরা তাদের হৃদয়ের কথা ঠোঁটে প্রকাশ করে । চোখের সামনে যেন জ্বলন্ত একটা আগ্নেয়গিরি ।

মাত্র এক পলক, তারপরই নিজেকে সামলে নিল রানা ।

‘ও অ্যান্জেলিয়া, আমার সবচেয়ে আদরের ভাগ্নী,’ বললেন প্রফেসর । ‘আর ইনি সেনিয়ার রানা । আমাদের সঙ্গে

কয়েকদিন কাটাবেন।’

হাত মেলাল অ্যাঞ্জেলিয়া রানার সঙ্গে। যতক্ষণ ভদ্রতা, তার চেয়ে ছোঁয়াছুঁয়িটা দু’পক্ষ থেকেই একটু বেশি সময় নিল। মেয়েটার চোখে প্রশংসার ছাপ চিনতে ভুল হলো না রানার। মনে মনে নিজেকে শাসান ও: তুমি জটিল একটা আসাইনমেন্টে এখানে এসেছ। সাবধান, রানা, কর্তব্যে যেন কোন অবহেলা না হয়। খবরদার!

গাড়ির সামনের সীটে বিজ্ঞানীর পাশে বসলেন মিসেস, রানার স্থান হলো পেছনের সীটে, অ্যাঞ্জেলিয়ার পাশে। ছোট গাড়ি, একটু পর-পর অ্যাঞ্জেলিয়ার উচ্চ উচ্চর সঙ্গে ছোঁয়াছুঁয়ি হয়ে যাচ্ছে। রানার মনে হলো ইউরোপিয়ান ছোট গাড়ির এই বিশেষ সুবিধেটা গাড়ি কোম্পানিগুলোর বিজ্ঞাপন করা উচিত।

দু’পাশে সবুজ মাঠ, ফসলের খেত আর একটু পর পর ছবি মত সুন্দর ফার্ম হাউস। মসৃণ রাস্তা পেয়ে বেশ দ্রুত গাড়ি চালাচ্ছেন বিজ্ঞানী। দ্রুত পাল্টে যাচ্ছে দৃশ্যপট। একটু পরেই সাগরের তীরে চলে এলো ওরা।

‘আশা করি অ্যাঞ্জেলিয়া সঙ্গে আসায় আপনি অসন্তুষ্ট হননি, মিটার রানা,’ বললেন প্রফেসর। ‘ও আসতে চায়নি, কিন্তু আমরা ভাবলাম একা গুকে রোমে রেখে আসা ঠিক হবে না। ক্যালাব্রিয়ার পাহাড়ী অঞ্চলে থাকে ও, আমরা আসছি জেনে ছুটি কাটাতে এসেছে। আমরা, আমি আর আমার স্ত্রী, বিরক্তিকর প্রাণী হলেও, বছরে দু’বার আমাদের সঙ্গে ছুটি কাটায় অ্যাঞ্জেলিয়া।’

দ্রুত ইটালিয়ান ভাষায় প্রতিবাদ করল অ্যাঞ্জেলিয়া।
 'তোমরা বিরক্তিকর নও, আঙ্কল! তুমি ভাল করেই জানো
 আন্ট হেরেসা আর তোমার সঙ্গে ছুটি কাটাতে আমার ভাল
 লাগে। তবে তোমাদের ওই নীরস মীটিং আমার মোটেই
 পছন্দ নয়।'

'মীটিং ইটালিয়ান রিভিউরাস্তে হলেও নয়?' জিজ্ঞেস
 করল রানা।

'রিভিউরাস্তে হলেও নয়,' রানার দিকে একদৃষ্টিতে
 তাকিয়ে থাকল কিছুক্ষণ অ্যাঞ্জেলিয়া, তারপর বলল, 'তবে
 এনারের ছুটিটা সম্ভবত অন্যরকম কাটবে।'

মোয়েটা কিসের ইঙ্গিত দিচ্ছে বুঝতে দেবি হলো না
 রানার, চুপ করে থাকল ও। শীঘ্রি এ মেয়ে বুঝে যাবে যে ও
 সময় দিতে পারবে না। অ্যাঞ্জেলিয়ার বিজ্ঞানী বালুর চেয়ে
 অনেক ব্যস্ত সময় কাটাতে হবে ওকে।

ক্যালাব্রিয়ার পাহাড়ী অঞ্চলটা এখনও প্রায় বুনো।
 পুরোনো আমলের ভাবধারা চলে ওখানে। তীব্র ভালবাসা আর
 নগ্ন যুগার সরাসরি প্রকাশ ঘটে আজও। মোয়েটা সেজন্যেই
 রাখটাক শেখেনি। তবে রানার ধারণা হলো, মোটামুটি
 লেখাপড়া করেছে অ্যাঞ্জেলিয়া, জ্ঞান বাড়ার সঙ্গে সঙ্গে
 আধুনিক বিশ্বের সুযোগ-সুবিধে সম্বন্ধে সচেতনতা এসেছে,
 ফলে বেড়ে গেছে চাহিদাও।

পোর্টোফাইনোতে দেখতে দেখতে পৌছে গেল ওরা। পথে
 বিজ্ঞানীকে খুলে বলল রানা কি কি নিয়ম তাঁকে পালন করে

চলতে হবে। সাধারণ নিয়ম, কিন্তু কঠোর। বাংলাদেশ থেকে মিনারেল ওয়াটার পাঠানো হয়েছে, বোতলগুলো থেকে পানি খেতে হবে ডক্টর ইব্রাহিমকে। একা কোনও খাবার খাওয়া চলবে না। বিজ্ঞানীরা একসঙ্গে লাঞ্ছ অথবা ডিনারে বসলে অনশ্য তাঁকে বারণ করা হয়নি। কোনও রকমের কোনও পিল খাওয়া যাবে না। রানাকে ছাড়া একা কোথাও যাওয়া চলবে না, রানা উপস্থিত না থাকলে কারও সঙ্গে কথা বলাও নিষেধ। তবে এ নিয়ম রানা কিছুটা শিথিল করল। মিসেস ইব্রাহিম স্বামীর সঙ্গে একা গাফতে পারবেন। চোখ পিটপিট করে ধন্যবাদ দিলেন ডক্টর ইব্রাহিম। মুহূর্তের জন্যে তাঁকে মনে হলো বাধ্য কুল-ছ্যাম।

হোটেলে চেক ইন করার পর বিজ্ঞানীর লিভিং রুম, বেড রুম আর ব্যারাম্বার দরজা-জানালাগুলো খুঁটিয়ে খুঁটিয়ে পরীক্ষা করে দেখল রানা, প্রত্যেকটা ভালো খুলে বন্ধ করে সমুদ্র হলো।

বিকেল সেমিনার শুরু হবে। বিশ্রাম নিতে চাইলেন ডক্টর ইব্রাহিম, কাজেই দুটো ঘরের মাঝখানের দরজা খুলে পাশের ঘরে চলে এল রানা, সুটকেস খুলে কাপড়চোপড় বের করল।

বিশ মিনিট পর দরজায় নক হলো। দরজা খুলে রানা দেখল অ্যাঞ্জেলিয়া দাঁড়িয়ে আছে, পরনে বিকিনি। কোমরে তোয়ালে বেঁধেছে, তার ফাঁক দিয়ে দেখা যাচ্ছে ডোরাকাটা টাইট প্যান্টি।

‘আমি বীচে যাচ্ছি,’ বলল অ্যাঞ্জেলিয়া। সুরটা আমন্ত্রণের।

‘আমি যাব না,’ বলল রানা। দেখল মেয়েটার দু’চোখে

নিখাদ বিশ্বয় ফুটে উঠেছে, চেহারা দেখে মনে হলো রানা হাঁশে নেই বলে মনে করছে। রানারও মনে হলো ওর মাথায় নির্ঘাত গুলিগোল আছে।

‘কিন্তু এটাই তো সানবাথের ঙ্গদর্শ জায়গা,’ বিশ্বয় কাটিয়ে বলল অ্যাঞ্জেলিয়া, ‘এখনই তো সময়। আনহাওয়াও চমৎকার।...তবে তুমি যদি আমার সঙ্গে যেতে না চাও তাহলে ঠিক আছে, আমি একাই যাব।’ ঠোট ফুলিরো নোংরা অ্যাঞ্জেলিয়া, চেহারায় অতিমান।

যত ভয়িষ্ট নাও, আমি গাচ্ছি না, মনে-মনে বলল রানা ‘তুমি ভাল করেই জানো, অ্যাঞ্জেলিয়া, যে তোমাকে আমার ভাল পেয়েছে। কিন্তু একটা কাজে এসেছি আমি এখানে। সে কাজে কোন গাফিলতি যাতে না হয় সেটা দেখা আমার কর্তব্য। সময় বের করতে পারলে আমি অবশ্যই তোমার সঙ্গে যেতাম।’

অ্যাঞ্জেলিয়ার মায়াঘর চোখ দুটোর দিকে তাকিয়ে ওর মনে হলো কটর বুড়োও যৌবনে একে সামনে দেখলে বোধহয় কর্তব্য ভুলে পেছনে ছুটত। এক সেকেন্ড পর বুঝতে পারল, ওর ধারণা সঠিক হতে পারে না। বুড়ো সাথে কটর বুড়ো হয়নি। আগে কাজ, পরে অবসর বিনোদন।

‘ঠিক আছে,’ হতাশ স্বরে বলল অ্যাঞ্জেলিয়া, ‘খালুকে কি বলেছ তুনেছি আমি। পরে হয়তো তোমার সময় হবে। তখন একসঙ্গে ঘুরতে বের হবে আমরা। তোমার মত একজন পুরুষ কাছেপিঠে থাকতে পোর্টোফাইনোতে একা সময় কাটানো সত্যি দুঃখজনক ঘটনা হবে। না, ঠিক বলিনি, রীতিমত পাপ

হবে ।’

‘তাই?’ মেয়েটার সরলভাষ্য একটু বিস্মিত হয়ে বলল বানা। ‘দেখি সময় করতে পারি কিনা। পারলে বিরক্ত করে মারব তোমাকে।’

ঘুরে দাঁড়াল অ্যাঞ্জেলিয়া, ঘাড় ফিরিয়ে একবার তাকাল। দু’চোখ বলে দিল, বানা, সময় বের করে নাও, এমন সুযোগ জীবনে আর না-ও আসতে পারে। মেয়েটাকে হলরুম ধরে হেঁটে যেতে দেখল বানা। প্রতিটা পদক্ষেপে দুলাছে কোমর, ভারী নিঃশ্বাস সুললিত সঙ্গীতের হৃদয়। একটা দীর্ঘশ্বাস ফেলে ঘরে ফিরে এলো বানা।

সন্দের আগে পর্যন্ত অত্যন্ত ব্যস্ত সময় কাটল, তিনটে সেমিনারে ডক্টর ইব্রাহিমের সঙ্গে থাকতে হলো বানাকে। ইন্টার্যাকশন অন্ড এনবাইম ইন গ্লোবুলার ডিস্টার্ব্যান্সেস থেকে শুরু করে রিপ্রোডাকশন স্টাডিজ অন্ড দা হাইড্রয়েডস্ বানার একান দিগ্রে টুকে শুকান দিয়ে বের হলো। ঘৌন বিষয় যে এতটা আকর্ষণহীন হতে পারে এ ব্যাপারে আগে গুর কোনও ধারণাই ছিল না। সেমিনারে প্রায় প্রত্যেকের সঙ্গেই পরিচয় হলো। চারজন নরওয়েইজিয়ান, দু’জন ফ্রেঞ্চ, তিনজন জার্মান, চারজন রাশান, তিন চাইনিজ, চার আমেরিকান ছাড়াও ডক্টর ইব্রাহিমকে নিয়ে আরও আছে নানা দেশের সতেরোজন বিজ্ঞানী। সেমিনারে ডক্টর কার্ল ক্রিসের সঙ্গেও পরিচয় হলো। গম্ভীর, ব্যক্তিগত চাহিদা মানুষটার, লম্বা-চওড়া ব্যায়াম করা শরীর। চুলে সামান্য পাক ধরেছে। সর্বকণ চঞ্চল দু’চোখে ছোয়ার মত ভীক দৃষ্টি।

মোসাদ চক্রান্ত

‘ডক্টর কার্ল ক্রিস আমাদের সবচেয়ে দামী মানুষ,’ পরিচয় করিয়ে দেবার সময় বললেন ডক্টর ইব্রাহিম। ‘কার্ল আইএসএস-এর সেক্রেটারি, নিজের মস্ত বড় খিঙ্গানী একমাস পরপর আমাদের সভার মীটিঙের ব্যবস্থা করা গুরুত্ব দাগিত্ব। কোথায় মীটিং হবে, কোথায় থাকার ব্যবস্থা, সেমিনার করটা হবে, কে কে বক্তৃতা দেবে, কি বিষয়ে বক্তৃতা দেবে সেটা সবাইকে জানানো—সব উনিই পৰিচালনা করেন।’

ডক্টর ইব্রাহিমের কাছে হাত নেখে রানাকে দ্রুত পর্যবেক্ষণ করলেন কার্ল ক্রিস তীক্ষ্ণ চোখে। এক পলকে রানার ওজন মেপে নিলেন যেন। শাস্ত্র গলায় বললেন, ‘জানি আপনার জ্ঞানো থাকার বিশেষ ব্যবস্থা করা হয়েছে, মিস্টার রানা। তবে যেকোনও প্রয়োজনে আমাকে ডাকতে দ্বিধা করবেন না।’

কার্ল ক্রিসের কণ্ঠে সামান্য টানটুকু খেয়াল করল রানা। মানুষটা তিনি সুইস। ব্যস্ত মানুষ, রানার উদ্দেশে সামান্য মাথা ঝাঁকিয়ে চলে গেলেন। বারবার থামছেন তিনি, শুদ্রতাসূচক হাসি মুখে ধরে রেখে এর ওর সঙ্গে কুশল বিনিময় করছেন। রাতে খাবার সময় তাঁকে আরও ব্যস্ত দেখল রানা, দক্ষতার সঙ্গে তদারক করছেন সবকিছু। ডিনারের পুরোটা সময় একবারের জন্যেও ডক্টর ইব্রাহিমকে ছেড়ে গেল না ও। সতর্ক চোখে দেখল প্রফেসর কি খাচ্ছেন বা পান করছেন। ডিনার শেষ হতে রানার পাশে এসে দাঁড়ালেন কার্ল ক্রিস।

‘মীটিং কি সব সময়ে এত সুশৃঙ্খল ভাবেই হয়?’ জিজ্ঞেস করল রানা।

‘আপনি বলতে চাইছেন এত খারাপ ভাবে সবকিছু
ম্যানেজ করি কিনা?’ মৃদু হাসলেন ডটর জিঁস ।

রানাও চোঁট প্রসারিত করল । ভদ্রলোক ওর মুখে কি
শুনতে চান বুঝতে পারছে । বলল, ‘আমি জানতে চাইছিলাম
এত চমৎকার ভাবে অ্যারেঞ্জ করা হয় সদসময়?’

‘চেষ্টা করি সাধ্যমত, অ্যারেঞ্জমেন্ট কেমন হয় তা বলতে
পারবেন অভ্যাগতরা,’ বিনয় করে বললেন আইএসএস
সেক্রেটারি । ‘সেমিনারের পর জেনারেল সেশন হয়, এছাড়া
আছে লাঞ্চ-ডিনারের ব্যবস্থা । দ্বিতীয়দিন মেইন সেশন ।
সেদিন একজনকে স্পীকার নির্বাচন করা হয় । শেষের দিনটা
রাখা থাকে বিশ্রাম আর আনন্দের জন্যে । পরশুদিন আমরা
সবাই বীচে কাটাব । যত প্রতিভাবানই হোন না কেন
বিজ্ঞানীরা, কান্টাড়ার মতই সূর্য আর সৈকত ভালবাসেন
সবাই ।’ আবার হাসলেন জিঁস, রানার কাঁধে হালকা একটা
চাপড় মেরে অন্যদিকে চলে গেলেন ।

ঘরে ফেরার জন্যে ব্যস্ত হয়ে উঠেছেন ক্লাস্ত প্রফেসর ।
ভাঁকে নিয়ে ঘরের দিকে রওনা হলো রানা ।

‘আমি খুব ক্লাস্ত,’ ঘরের দরজায় দাঁড়িয়ে বললেন
প্রফেসর । ‘তবে আপনার কথা ভেবে খারাপ লাগছে আমার,
এই যে রিভিয়েরায় এলেন, অথচ রিসোর্টে রাতের লাইফটা
এঞ্জয় করতে পারলেন না, এটা একটা বাজে ব্যাপার হলো ।
আমি দরজায় তালা দেয়ার পর ইচ্ছে করলে আপনি ঘুরতে
বেরোতে পারেন ।’

‘পাশের ঘরেই থাকব আমি,’ বলল রানা, ‘কোনও দরকার
মোসাদ চক্রান্ত

হলে দেরি না করে ডাক দেবেন।’

নক করতেই দরজা খুললেন মিসেস ইব্রাহিম। রানা দেখল সিক্কের চকচকে লাউজিং রোব পরে একটা চেয়ারে বসে আছে অ্যাঞ্জেলিয়া, হাতে সিনে মাগাজিন। রানাকে দেখে নিচের চোঁটটা অভিমানে একটু ফুলে উঠল।

ইঠাৎ করে চিন্তাটা মাথায় খেলল রানার। আগে কথাটা জানা হয়নি। বলল, ‘অ্যাঞ্জেলিয়ার এঘরে গোরার অনুমতি নেই। ওর জন্যে নিশ্চয়ই আলাদা খর নেয়া হয়েছে?’

‘পাশের সুইটে থাকছে ও।’ বিস্মিত দেখাল মিসেস ইব্রাহিমকে। ‘আমরা তো ভেনেছিলাম অ্যাঞ্জেলিয়া আপনার সন্দেহের বাইরে। ও থাকলে কি অসুবিধে হতো, মিষ্টার রানা?’

কঠোর দেখাল রানার মুখটা। ‘অনুমতি নেই থাকার। আমি দুঃখিত, কিন্তু কোনও অবস্থাতেই অ্যাঞ্জেলিয়া এঘরে থাকতে পারত না। আমি না থাকলে প্রফেসর একা শুধু আপনার সঙ্গেই থাকতে পারবেন।’

টোঁট আরও ফুলিয়ে চেয়ার ছেড়ে উঠে দাঁড়াল অ্যাঞ্জেলিয়া, চোখ দুটো রাগে জ্বলছে। ‘আপনি আমাকে সন্দেহের চোখে দেখছেন, মিষ্টার রানা? ব্যাপারটা বেশি বাড়াবাড়ি হয়ে যাচ্ছে না?’

‘সন্দেহ যেমন করছি না, তেমনি সন্দেহের উর্ধ্বেও রাখছি না,’ বলল রানা। আচরণে মনে হয় খালুকে খুব পছন্দ করে অ্যাঞ্জেলিয়া, কিন্তু সেজন্যে কোনও ঝুঁকি নেয়া ঠিক হবে না। আগেও অন্তরঙ্গ অনেককে পিঠে ছুঁই বসাতে দেখেছে ও।

ব্যক্তিগত ভাবে অ্যাঞ্জেলিয়াকে ও বিশ্বাস করতে রাজি, কিন্তু অফিশিয়ালি পোটোফাইনোর আর সবার মত অ্যাঞ্জেলিয়াও সন্দেহভাজন।

রাণী চেহারায় তাকিয়ে থাকল মেয়েটা। বানা হাসি-হাসি মুখে বলল, 'পাশের সুইটে থাকছে যখন তাহলে তো কোনও সমস্যা নেই। নাহলে উষ্টর ক্রিসকে বলে অন্য একটা ঘরের ব্যবস্থা করতে হতো আমাকে।' অ্যাঞ্জেলিয়ার দিকে তাকাল। 'কিছু মনে করবেন না, এবার নিজের ঘরে ফিরে যাবার সময় হয়েছে। কালকে দাস্ত্র একটা দিন কাটবে প্রক্সেরের। তাঁর বিশ্রাম দরকার। আমারও।'

কড়া চোখে রানাকে দেখে নিয়ে নিজের ঘরে চলে গেল অ্যাঞ্জেলিয়া।

বিসিআইয়ের একটা ইলেকট্রিকাল ডিভাইস দরজায় সেট করল রানা। নীরব অ্যালার্ম ওটা। দরজার তাল খোলার চেষ্টা হলে রানার ঘরে একটা রেডিয়ো সিগন্যাল পাঠাবে লাইভ অ্যালার্মে, সশব্দে বেজে উঠবে ওর ঘরে রাখা অ্যালার্মটা। জানালাগুলো আরেকবার পরীক্ষা করে দেখল, সবগুলোর ছিটকিনি আটকানো আছে। নিজের ঘরে চলে এল ও, মাক্সখানের দরজাটা বন্ধ করে দিল।

মাক্সরাত, দরজায় মৃদু টোকার শব্দ হলো। জুমায়নি এখনও রাণি, আশ্বস্ত করতে পারছে কে হতে পারে। তবে সতর্কতায় কোনও টিল দিল না, ওয়ালথারটা হাতে নিয়ে দরজার পাশে দাঁড়িয়ে নব ঘোরাণ।

দরজায় দাঁড়িয়ে আছে অ্যাঞ্জেলিয়া, পরনে স্বচ্ছ একটা

নাইটগার্ডেন। রানাকে দেখে হাসল। 'এখনও হাতে পিস্তল?
এত রাতে কে আসবে?'

জবাবে হাসল রানা, কিছু বলল না।

'সেভতরে আসতে বলবে না আমাকে?' জিজ্ঞেস করল
মেয়েটি।

'এসো।' দরজা থেকে সরল রানা।

আয়েসী একটা বেড়ালের মত সোফায় বসে ওর দিকে
তাকাল অ্যাঞ্জেলিয়া।

'একটা ক্লিক হবে?' জানতে চাইল।

'বুরবঁ দেব? আগে খেয়েছ কখনও?'

মাথা নাড়ল অ্যাঞ্জেলিয়া। দুটো গ্লাসে বুরবঁর সঙ্গে সামান্য
পরিমাণ পানি ঢেলে একটা গ্লাস ধরিয়ে দিল রানা মেয়েটার
হাতে।

প্রথমে ছোঁয় করে চুমুক দিল অ্যাঞ্জেলিয়া, তারপর এক
চুমুকে শেষ করে ফেলল বাকিটা। মুখের সামনে ছুড়ি বাজিয়ে
বলল, 'বুরবঁ ঠিক তোমার মত। শক্তিশালী, কড়া অথচ
চমৎকার।' ৪

জবাব দিল না রানা। নিজের গ্লাসটা শেষ করে বলল,
'এবার লক্ষী মেয়ের মত ঘরে গিয়ে শুয়ে পড়ো।'

কিছুক্ষণ রানার চোখে চোখে চেয়ে থাকল অ্যাঞ্জেলিয়া,
তারপর শ্রাগ করে সোফা ছেড়ে উঠে এসে দাঁড়াল রানার
সামনে, মুখটা উঁচু করে রেবেছে। ঈষৎ ফাঁক হয়ে আছে
ভেজা দু'ঠোঁট।

'দুঃখিত, অ্যাঞ্জেলিয়া,' বলল রানা। 'একটা দায়িত্ব নিয়ে

এখানে এসেছি আমি, তোমাকে সঙ্গ দিতে পারছি না
সেজন্যে। যদি কর্তব্য পালন করতে না পারি তাহলে নিজেকে
আমি ক্ষমা করতে পারব না। পরে যদি কখনও সময় পাই
তাহলে দেখবে আমাকে পাশ থেকে খসাতে পারছি না।' একটু
খামল ও, তারপর বলল, 'তুমি হয়তো একদিন আমাদের
সবুজ, শ্যামল, সুন্দর দেশে আসবে। আবার এমনও হতে
পারে আমিই হয়তো ক্যানিভ্রিয়াতে বাব কোনদিন।'

রানার কথা সাজুনা হিসেবে ধরেছে, অপমানে ধাক্কা দিয়ে
গেছে মেয়েটার চেহারা। ঢোক গিলল। এমনও বিশ্বাস করতে
পারছে না বানা তাকে প্রত্যাখ্যান করেছে। ছোখ দুটো জ্বলছে।
'তুমি কাজটা ভাল করলে না, রানা,' বলল অ্যাঞ্জেলিয়া, 'তুমি
আমাকে অপমান করলে, আমার নারীত্বকে অবহেলা করলে।'
আগ্রে করে ঘুরে দাঁড়াল মেয়েটা, ফিরে গেল নিজের সুইটে।

এমনটা হোক চায়নি রানা, কিন্তু কিছু করার নেই। একটু
পরেই বাড়ি নিভিয়ে শুয়ে পড়ল ও। কালকে সারাদিন ব্যস্ত
সময় কাটাতে হবে। প্রতিটা মুহূর্ত নজর রাখতে হবে
চারদিকে সবার ওপর। কখন কিভাবে কোথায় তার ওপর
আক্রমণ আসে তা বলা যায় না।

*

ভোরের প্রথম আলো জানালা দিয়ে চোখে এসে পড়ায় ঘুম
ভাঙল রানার। দরজায় হালকা টোকার শব্দ।

লাফ দিয়ে বিছানা ছাড়ল রানা, পোশাক পরতে পরতে
এগোল দরজার দিকে।

বহাল তব্বিতে আছেন প্রফেসর। তাঁর ঘরের অ্যালার্ম

ডিভাইসটা খুলে নেয়ার পর প্রফেসরকে নিয়ে নিচের লাউঞ্জে ব্রেকফাস্ট করতে নামল রানা। খাবারে যদি কিছু থাকে তো প্রফেসর একা নন, রানার মগজটাও যাবে।

দিনটা কাটল একের পর এক সেমিনার, মীটিং আর নীরস বৈজ্ঞানিক পেপার শুনে। রানার ধারণা হলো বিজ্ঞানীদের দিয়ে জোর করে গল্প লেখানো দরকার। ভয়ঙ্কর কিছু যদি মীটিঙে সত্যিই থাকে তাহলে সে হচ্ছে ওই বৈজ্ঞানিক তথ্য শুধু পেপারেওলো। বিকেলে ডক্টর ক্রিস সবাইকে নিয়ে রিসোর্ট ঘুরিয়ে দেখাতে বের হলেন। প্রফেসরের কাছ থেকে নড়ল না রানা, আর রানার কাছ থেকে নড়ল না অ্যাঞ্জেলিয়া। রাত দশটার সময় মুক্তি মিলল। বিজ্ঞানীকে ঘরে ঢুকিয়ে অ্যালার্ম ডিভাইস সেট করে নিজের ঘরে ফিরল রানা।

যতবার চোখাচোখি হয়েছে একবারও আজ্ঞা কথা বলেনি অ্যাঞ্জেলিয়া। রাতের প্রত্যাখ্যান ব্যক্তিগত অপমান হিসেবে নিয়েছে মেয়েটা।

পরের দিনটাই কনফারেন্সের শেষ দিন। ডক্টর ক্রিস বলেছেন এ দিনটা বিশ্রামের দিন। বুকের ব্যবস্থা করবেন তিনি সৈকতে।

সকাল দশটার দিকে সবাইকে নিয়ে সৈকতে হাজির হলেন কার্ল ক্রিস।

নীল সাগরে মৃদু ঢেউ। সৈকতে অনেক মানুষের মেলা। নানা রঙের পোশাক পরেছে তারা। হৈ-হৈ করছে, ছুটোছুটি করছে বাচ্চাদের মতো। বিজ্ঞানীরাও বাদ নেই।

সৈকতে একটা চেয়ারে বসে প্রফেসরের ওপর নজর রাখল রানা। কাছেই একটা চেয়ারে বসে, আছেন তিনি, তাই অসুবিধে হলো না কোনও। রানার পাশেই আছে অ্যাক্সেলিয়া, এক মুহূর্তের জন্যেও তাকাচ্ছে না। এমনকি রানা যখন সবার জন্যে বুকে থেকে লাঞ্চ আনল তখনও অন্যবাদ দিল না সে।

বিকলে ঘুরে ঘুরে সবার কুশল জ্ঞানতে চাইলেন কার্ল ক্রিস। হাফ-প্যান্ট আর ছিটের শাটে তাঁকে উজ্জল যুবক বলে মনে হচ্ছে। প্রফেসর ইব্রাহিমকে চেয়ার থেকে উঠতে সাহায্য করলেন তিনি, কাঁধে আন্তরিক চাপড় দিয়ে একটা বীচ রোব পরিয়ে দিলেন, রানার দিকে তাকিয়ে বললেন, ‘আশা করি আমাদের সঙ্গে সফলিষ্ঠ এই সময়টা ভালই কেটেছে আপনার, মিষ্টার রানা। যদিও জানি না কেন আপনাদের গভর্নমেন্ট আপনাকে পাঠিয়েছে, তবে ধারণা করছি সেই কারণটা কিছুক্ষণ পরই আর থাকবে না।’

‘আমিও তা-ই আশা করছি,’ হাসি হাসি মুখে বলে বলল রানা। ‘তবে সেক্ষেত্রে সম্ভবত আমারও আমাকে আপনাদের মীটিঙে আসতে হবে।’

‘আমরা আপনাকে স্বাগত জানাতে তৈরি থাকব,’ কার্ল ক্রিসও হাসলেন, রানা আর প্রফেসরের সঙ্গে হ্যান্ডশেক করে বিদায় নিয়ে চলে গেলেন অন্যদের দিকে।

সবাইকে নিয়ে হোটেল ফিরল রানা, এক-এক করে প্রফেসরের সমস্ত লাগেজ চেক করল, তারপর নিজে বয়ে তুলে দিল প্রফেসরের ছোট্ট কিয়াকে। এখান থেকে রোম হয়ে কুয়েতে ফিরবেন প্রফেসর। রানার দায়িত্ব তাঁকে রোম পর্যন্ত

নিরাপদে পৌছে দিয়েই শেষ। তবে সেজন্যে শেষ মুহূর্তের
সহকৃত্য। কোনও টিল দিল না ও।

রোমে পৌছে বিদায় নেয়ার পালা। মিসেস ইব্রাহিমের
সঙ্গে করমর্দন করল রানা। প্রফেসর ওকে জড়িয়ে ধরে
কৃতজ্ঞতা জানালেন। চেহারা দেখে রানা বুঝতে পারল,
পাহাড়ী প্রত্যন্ত অঞ্চল ক্যালিফোর্নিয়াতে যেতে মন চাইছে না
মেয়েটার, কিন্তু যেতেই হবে। খারাপই লাগল ওর। ছুটি
কাটাতে যদি আসত তাহলে সস্তা সময়টা চমৎকার কাটত
ওর অ্যাস্টেলিয়ার সঙ্গে।

রানা একাই একটা ট্যান্ডি নিয়ে রোম এয়ারপোর্টে
পৌছোল, লন্ডনের ফ্লাইট ধরবে। সন্তুষ্ট, সঠিক ভাবে দায়িত্ব
পালন করতে পেরেছে। আগের আইএসএস মীটিংগুলোতে
যা-ই ঘটে থাকুক, এবার কিছু ঘটেনি। প্রফেসর ইব্রাহিমের
বিরুদ্ধে কোনও প্লট যদি হয়েও থাকে সফল হতে পারেনি
প্রতিপক্ষ। রানা বুঝতে পারছে এই মীটিঙে কিছু ঘটেনি
বলেই ওর জিত হয়ে গেছে তা নয়। কে দায়ী, আসলে কি
ঘটে-কিছুই জানা যায়নি।

এবার কি করবে বুড়ো? নিজেকে জিজ্ঞেস করল রানা।
সামনে আর কোনও সূত্র নেই যে এগোনো যাবে।

লন্ডনে পৌছে সোজা রানা এজেন্সিতে গেল ও, হাতের
জরুরী কাজগুলো শেষ করবে। ভাবতেও পারেনি ও অফিসে
পৌছানোর প্রায় সঙ্গে সঙ্গে বেজে উঠবে লাল ফোনটা।

হয়

‘রানা বগছি, স্যার ।’ বৃদ্ধের কঠোর চেহারাটা চোখের সামনে ভাসছে ওর । ‘ঈশী?’ নিজের কানকে বিশ্বাস করতে পারল না ।

‘ঠিকই শুনেছ, রানা,’ জগদগষ্ঠীর স্বর ভেসে এল ও প্রান্ত থেকে, ‘প্রফেসর ইব্রাহিমের অবস্থাও আর সব অপ্রকৃতিস্থ বিজ্ঞানীদের মত । একটু আগে তাঁর ওয়াইফ ফোন করেছিলেন ।’

‘কিভাবে, স্যার...’

‘সেটা তোমাকেই জানতে হবে,’ ওকে থামিয়ে দিলেন রাহাত খান ।

দ্রুত চিন্তা করে চলেছে রানা । যা কিছুই ঘটে থাকুক, ও প্রফেসরকে ছেড়ে আসার পর ঘটেছে । তাঁর মানে গত কয়েক ঘন্টায় ।

‘আমি তাঁকে দেখতে চাই,’ প্রচণ্ড রাগ চেপে অনুমতি চাইল রানা ।

‘সব্বে সাতটার রোম ফ্লাইটে তোমার জন্যে টিকেট বুক করা আছে । ওখানে কয়েকজন ডাক্তার তোমাকে ব্রিফ মোসাদ চক্রান্ত

করবেন।' কোন রেখে দিলেন রাহাত খান।

রানা টের পেল, ওর বার্ষিকায় হতাশ হয়েছেন মেজর জেনারেল। নিজের ভেতরে প্রচণ্ড ক্রোধ অনুভব করল ও। ওর নাকের ডগায় বসে কলকাঠি নেড়েছে কেউ, যেন নীরবে ওকে বলছে, পেনে কিছু টের? তুমি আমাদের যোগ্য প্রতিবন্দী নও, রানা।

রোমে প্রফেসরকে যে হাসপাতালে রাখা হয়েছে সেখানে এয়ারপোর্ট থেকে সরাসরি পৌঁছে গেল রানা, একজন নার্স ওকে লগ্ন মেখিয়ে প্রফেসরের কেবিনে নিয়ে গেল। রানা ভেতরে ঢুকতেই চলে গেল সে বিদায় নিয়ে।

উদ্ভাস্ত দৃষ্টিতে রানাকে দেখলেন মিসেস ইব্রাহিম, মনে হলো হঠাৎ এই বিপদে একেবারে ভেঙে পড়েছেন তিনি।

মেঝেতে হামাগুড়ি দিচ্ছেন প্রফেসর ইব্রাহিম, নিশ্চুহ চেহারা, দু'কষা বেয়ে অনবরত লালা করছে, বিড়বিড় করে আধো আধো উচ্চারণে বাংলার বলছেন, 'আম্বু...আম্বু...দুদু খাব।'।

নাম ধরে ডাকল রানা, কোনও জবাব পেল না। হাম্বা দিয়ে খাটের ভলয় ঢুকলেন ডক্টর ইব্রাহিম।

'ডাক্তাররা আগনার জন্যে হলক্রমে অপেক্ষা করছেন, মিষ্টার রানা,' কাঁপা গলায় জানালেন মিসেস ইব্রাহিম।

আরেক নার্সের গেছন-গেছন একটা ফ্যা পার হয়ে হলক্রমে ঢুকল রানা। অন্যান্য বিজ্ঞানীদের যে ডাক্তাররা পরীক্ষা করেছেন তাঁদের কয়েকজন উপস্থিত আছেন ঘরে।

প্রত্যেকের চেহারা গম্ভীর, ধমধমে। একজন হাত নেড়ে রানাকে বসতে ইঙ্গিত করলেন।

বসল রানা, সরাসরি কাজের কথায় এল। 'আরোগ্য লাভের কোনও সম্ভাবনা আছে?' কাউকে নয়, সবাইকে প্রশ্ন করল রানা।

জবাব দিলেন ডাক্তার রশিদ হায়দার। বিখ্যাত নিউরোলজিস্ট তিনি। আগেও রানা তাঁর নাম শুনেছে। দীর্ঘকায় শ্রৌড় মানুষ, চুলগুলো ধূসর, কপালে অসংখ্য ভাঁজ। আশ্বে করে মাথা নাড়লেন। 'না, মিষ্টার রানা, প্রফেসর ইব্রাহিম আর কোনও দিনই মনে হয় না সেরে উঠবেন। তাঁর মাইভ পুরোপুরি গন। নিউরোলজিক্যাল টেস্ট করে দেখা গেছে তাঁর ব্রেইনের অর্গানিক ফাঙ্কশনিং প্রায় বন্ধ। অবস্থাটা ইররিপেয়ারেবল। আসলে তাঁকে পরীক্ষা করাটা শ্রেফ কর্তব্য বলেই পরীক্ষা করা হয়েছে। আগের মানুষগুলোর ওপর করা পরীক্ষাই তাঁর অবস্থা বোঝার জন্যে যথেষ্ট ছিল। আমাদের প্রজেক্ট মেডিক্যাল এবিলিটি যা, তাতে এ-ধরনের অর্গানিক ডিসফাঙ্কশনিং সারানোর কোনও উপায় নেই। টোটাল ব্রেইন ড্যামেজ, মিষ্টার রানা। আমাদের কারও কিছু করার নেই।'

আরেকজন ফিজিশিয়ান মুখ খুললেন, 'শুনলাম আপনারা তদন্ত করছেন। ধারণা করছেন, এসবের পেছনে নির্দিষ্ট কোনও মানুষের হাত আছে।'

'তা-ই তো ভাবছি আমরা,' অস্বীকার করল না রানা। 'আপনারা বলেছেন তাইরাস অথবা কোনও ধরনের রে এর

জন্মো দায়ী হতে পারে। এদুটো সম্ভাবনা নিয়েই তদন্ত করব আমি।’

আবার মুখ খুললেন ডাক্তার রশিদ হায়দার, ‘অমর! এখন ধারণা করছি আইএসএস মীটিঙে সত্যিই এমন কেউ আছে যে রোগটা ছড়াচ্ছে। সম্ভবত নিজে সে এ ভাইবাসে ইমিউন।...কোনও রকম রে যদি ব্যবহার করা হয়ে থাকে তাহলে মীটিঙেই কাজটা করা হয়েছে। আইএসএস মীটিঙের সঙ্গে ব্রেইন ড্যানেন্সের একটা সম্পর্ক আছে বলে ধারণা করছি আমরা।’

চুপ করে থাকল রানা, ভাবছে। আইএসএস মীটিঙের সঙ্গে সম্পর্ক আছে, ঠিকই ধারণা করছেন ডাক্তাররা। কিন্তু কে করছে কাজটা, কিভাবে করছে সেটা ওকেই বের করতে হবে। ও যা জানে তা ডাক্তাররা জানেন না। সেই ইহুদি মহিলা, টড বর্লিস, তার মুখে ডক্টর ইব্রাহিমের নাম, তার আগে ডকে খুনোখুনি, পরে ব্রিঞ্জের কাছে মহিলাকে শেষ করে দেয়া-প্রফেশনালদের কাজ। মোসাদ। কিন্তু খরা যাচ্ছে না কাউকে।

বিদায় নিয়ে আবার প্রফেসরের ঘরে ফিরে এল রানা। ঢুকতেই গুনতে পেল ফোঁপানির আওয়াজ। বিহানায় পাশে দাঁড়িয়ে চোখ ফুলিয়ে ফেলেছে অ্যাঞ্জেলিয়া কাঁদতে কাঁদতে। রানাকে দেখেই দ্রুত চোখ মুছল। তার পাশেই দাঁড়িয়ে আছেন সেনিয়ারা ইব্রাহিম, চোখ স্বামীর ওপর, মেঝেতে। রানাকে এগোতে দেখে অ্যাঞ্জেলিয়ার কালো চোখ দুটো রাগে জ্বলে উঠল।

‘নিজের চোখে দেখার জন্যে ফিরে এসেছ, না?’ ফুঁসে উঠল ঈশ্বেজিত অ্যাঞ্জেলিয়া, নীল ব্লাউজের তলায় ঘনঘন ওঠানামা করছে ভরাট শ্বন, অভিযোগের সুরে বলল, ‘...আর তোমারই ওপর দায়িত্ব ছিল খালুকে দেখে রাখার! তুমি আসার আগে পর্যন্ত খালু ঠিকই ছিল। তুমিই কিছু একটা করেছ!’

ওধু রাগ নেই মেয়েটার জ্বলজ্বলে চোখে, স্ত্রী ঘৃণা আর প্রতিশোধ স্পৃহায় জ্বলছে দু’চোখ। রানাকে দেখে যে তার আক্রোশ বোড়েছে এতে কোনও সন্দেহ নেই।

ক্ষমাপ্রার্থনার দৃষ্টিতে রানার দিকে তাকালেন মিসেস ইব্রাহিম, অ্যাঞ্জেলিয়ার কনুই ধরে ঘর থেকে বের করে নিয়ে গেলেন, ফিরে এলেন একটু পর। বললেন, ‘অ্যাঞ্জেলিয়ার আচরণের জন্য আমি সত্যি ক্ষমাপ্রার্থী, মিস্টার রানা। ছোটবেলা থেকেই খালুকে অন্তর দিয়ে ভালবাসে ও। পোর্টোফাইনোতে যাওয়ার পথে ওকে আমরা জানিয়েছিলাম ওর খালুর বিপদ হতে পারে, আপনি আসছেন তাঁকে রক্ষা করতে।’

মিসেস ইব্রাহিমকে রানা জানাল অ্যাঞ্জেলিয়ার অনুভূতির কারণ বুঝতে পেরেছে ও, কিছু মনে করেনি। ও নিজেও মাত্র এ কয়দিনেই হাসিখুশি সরলসোজা ডক্টর ইব্রাহিমকে পছন্দ করে ফেলেছিল। অ্যাঞ্জেলিয়ার চোখে ঘৃণা দেখেছে ও। ও নিজেও অন্তরে শীতল ঘৃণা অনুভব করেছে। মনে মনে শপথ করল, যারা একের পর এক শুণী মানুষগুলোর সর্বনাশ করছে, তাদের পরিবারকে বিপর্যয়ের মুখে ঠেলে দিচ্ছে, নির্বিধায় তাদের বিষদাঁত স্তেঙে দেবে ও সুযোগ পেলে।

এখনও রানার স্থির বিশ্বাস, ও রোমে বিজ্ঞানীকে ছেড়ে যাবার আগে পর্যন্ত সরকিছুই ঠিক ছিল।

‘আমি চলে যাবার পর আপনাদের সঙ্গে কেউ দেখা করেছিল?’ জিজ্ঞেস করল রানা। ‘রাতে, অথবা পরেরদিন?’

‘না,’ ক্লাস্ট কণ্ঠে বললেন তেরেসা, ‘কেউ আসেনি। অ্যাঞ্জেলিয়া সকাল পর্যন্ত ছিল, তারপর বাড়ির পথে রওনা হয়ে যায়।’

তুধু অ্যাঞ্জেলিয়া ছিল। ভাবনাটা রানার পছন্দ হলো না, কিন্তু চিন্তাটা মাথা থেকে দূরও করতে পারল না। এমন কি হতে পারে যে অ্যাঞ্জেলিয়া দায়ী? নিজেকে প্রশ্ন করল রানা, কতটুকু চেনে ও অ্যাঞ্জেলিয়াকে? বিশ্বাস করতে পারল না মেয়েটা দায়ী। তাই যদি হতো তাহলে আগের বিজ্ঞানীদের ক্ষতি করেছে কে?

বিছানার তলা থেকে বেরিয়ে এসেছেন ডক্টর ইব্রাহিম, হামাওড়ি দিয়ে জীর পায়ের কাছে চলে এলেন, খপ করে মহিলার বুড়ো আঙুলটা ধরে মুখে পুরলেন। পা সরিয়ে নিলেন মিসেস ইব্রাহিম, একদৃষ্টিতে তাকিয়ে আছেন দেয়ালের দিকে, চোখে টলটল করছে অশ্রু। চোখ সরিয়ে নিল রানা, কর্তব্য স্থির করে ফেলেছে। জিজ্ঞেস করল, ‘আপনি খালুর অবস্থা অ্যাঞ্জেলিয়াকে জানিয়েছিলেন বলে এসেছে ও? জানত যে আমি দেখতে আসছি?’

আন্তে করে মাথা দোলালেন মহিলা। ‘আপনার বসের কাছ থেকে ফোন পাই আমি।’

‘অ্যাঞ্জেলিয়াকে আমি আসছি জানানোর পর সে কি বলল?’

‘বলল একুণি রঙনা দিচ্ছে। ওর খাটনা হয়েছিল আপনি ওর খালুকে অন্য কোথাও সরিয়ে নিয়ে যাবেন। সেজন্যে খালুকে দেখতে এসেছে।’

অ্যাঞ্জেলিয়া এমন কিছু দেখেছে যা ওর চোখ এড়িয়ে গেছে? দরজার দিকে পা বাড়াল রানা। প্রতিটা সম্ভাবনা যাচাই করে দেখতে হবে শুক। হাতে কোনও সূত্র নেই।

রানার স্থির বিশ্বাস, ও রোম ছাড়ার পর কেউ একজন বিজ্ঞানীর সঙ্গে দেখা করেছে। কে? কিতাবে? খুব গুরুত্বপূর্ণ দুটো প্রশ্ন, কিন্তু একটারও জবাব জানা নেই রানার।

বুঝতে পারছে যেকোনও একটা প্রশ্নের উত্তর জানতে পারলেই অন্য প্রশ্নটার জবাব পেয়ে যাবে ও। আগে জিজ্ঞাসাবাদ করতে হবে অ্যাঞ্জেলিয়াকে। হল রুমে চলে এল রানা। অ্যাঞ্জেলিয়া নেই। সিঁড়ির কাছে এসে একবার বাইরে উঁকি দিল। রোমের অন্ধকার রাস্তা ফাঁকা। মেয়েটা কোথাও নেই। মিসেস ইব্রাহিমের কাছে ফিরে এল রানা, বলল, ‘অ্যাঞ্জেলিয়া চলে গেছে। রোমে ওর পরিচিত কোনও জায়গা আছে যেখানে ও উঠতে পারে? কোনও বন্ধু বা আত্মীয়ের বাসায়?’

মাথা নাড়লেন ভেরেসা। ‘না, আমরা ছাড়া রোমে ওর আর কোনও আত্মীয় নেই। ও বোধহয় রাস্তায় রাস্তায় ঘুরে বেড়াচ্ছে, মন খুব খারাপ তো।’

মেয়েটাকে জেরা করার জন্যে খুঁজে বের করতে হবে, মিসেস ইব্রাহিমের কাছে থেকে বিদায় নিয়ে হাসপাতাল থেকে বেবিয়ে এল, সিঁড়িতে কিছুক্ষণ দাঁড়িয়ে অন্ধকারে চোখ মইয়ে নিল রানা। সামনেই ছোট একটা প্লাজা। রোড ল্যাম্পের মৃদু আলোয় হুম্মারের কোনাগুলোয় চোখ বুলাল ও। দূরের কোনায় ল্যাম্পের হলদে আলোয় অ্যাঞ্জেলিয়াকে দেখতে পেল। ওখানে ও পৌছনোর আগেই একটা আঁধার গলিতে ঢুকে গেল মেয়েটা। রানাও দ্রুত পায়ে পিছু নিল। কোবল পাথরের ভেঁড়ি সড় রাস্তা, দু'ধারে ছোট-ছোট দোকান, বেকারি আর মোসারির। মাঝে মাঝে ফল বিক্রির বহু দোকানও আছে কয়েকটা। একটু পরপরই বহু দরজা। কান পাতল রানা, হাইহিলের খটখট আওয়াজ শুনতে পেল না। বহু একটা দরজার কাছে লুকিয়ে আছে মেয়েটা, রানাকে দেখে বেরিয়ে এল, অপেক্ষা করছে। পা বাড়াল রানা, অন্ধকারেও টের পেল, চোখে চূপা নিয়ে ওকে দেখছে অ্যাঞ্জেলিয়া।

‘আমার পিছু নিয়েছ কেন?’ জিজ্ঞেস করল।

‘কয়েকটা প্রশ্নের জবাব দিতে হবে তোমাকে,’ বলল রানা, হাঁটা থামায়নি।

এক পা পিছিয়ে অর্ধেক ঘুরে গেল অ্যাঞ্জেলিয়া, দৌড় দেবার জন্যে প্রস্তুত। হাত বাড়াল রানা মেয়েটার কনুই ধরার জন্যে, ঠিক সেই মুহূর্তে পেছনে শুনতে পেল জুতোয় হালকা খসখস আওয়াজ।

খট করে ঘুরে দাঁড়াল ও, কিন্তু, ততক্ষণে দেরি হয়ে

গেছে। মাথার পাশে লাগল প্রচণ্ড ঘুসিটা। তীব্র ব্যথা, চোখের সামনে অজস্র নক্ষত্র জ্বলতে নিভতে দেখল রানা। হোঁচট খেয়ে সামনে বাড়ল, দাঁতে দাঁত চেপে ব্যথা সহ্য করছে, বুঝতে পারছে কিছুতেই জ্ঞান হারানো চলাবে না।

পায়ের শব্দ পেল। অনেকগুলো। বসে পড়ল রানা, সামনে একজোড়া পা দেখতে পেয়ে দু'হাতে জড়িয়ে ধরে গায়ের জোরে টান দিল। ইটালিয়ান ভাষায় গাণি দিল লোকটা, তারপর দড়াম করে 'আহা' খেয়ে পড়ল রাস্তায়। লোকটার ওপর চড়ে বসল রানা, মাথার যন্ত্রণায় এখনও চোখে আপসা দেখছে। লোকটার পরনে একটা খাটো সোয়েটার, গলার কাছে খামচে ধরল রানা। কে যেন ওর পাজরে ধাঁই করে লাগি মারল। বেঁটে মোটার বুকের ওপর থেকে ছিটকে পড়ে গেল রানা, পড়েই পড়াতে শুরু করল। একের পর এক পা ওর হাতের নাগালে আসছে, অন্ধের মত হ্যাঁচকা টান দিয়ে চলেছে রানা। এক লোক ধড়াস করে পড়ল ওর গায়ের ওপর। বাম হাতে তার পাজরে ঘুসি মারল রানা, শুনতে পেল ব্যথা পেয়ে অসন্তুষ্ট গর্জন ছাড়ল লোকটা। মাথা একটু পরিষ্কার হয়েছে রানার, বুঝতে পারছে অসুস্থ চার-পাঁচজন মিলে আক্রমণ করেছে ওকে। রাস্তায় দু'পায়ে লাগি মেরে ছিটকে সোজা হলো ও, মাথা দিয়ে কুঁ মারল সামনের লোকটার পেটে, তারপর লোকটাকে সহ পড়ে গেল রাস্তায় ছড়মুড় করে। পড়েই লাফ দিয়ে উঠল, হাত ধরে টেনে তুলল লোকটাকে, এলপাতাড়ি ঘুসির তোয়াক্কা না করে জুড়োর মোসান চক্রান্ত

কৌশলে কাঁধের ওপর দিয়ে প্রো করল। বনবন করে ভেঙে গেল একটা বেকারির কাঁচ। গ্রাস ভাঙার আওয়াজ ছাপিয়ে উঠল লোকটার আর্তনাদ। একেবারে দোকানের ভেতরে ছিটকে গিয়ে পড়েছে।

মাথার ঠিক নেই, স্রেফ ট্রেইনিঙের কারণে এখনও গড়ছে রানা। চোখের সামনে এক লোকের মুখ দেখতে পেয়ে ঘুসি মারল, কণিকের জন্যে সস্ত্রুষ্টি বোধ করল চোয়ালে গুর মুঠো লাগার ঘ্যাচ শব্দে। সামনে থেকে যুঝটা অদৃশ্য হয়ে গেল। পরক্ষণেই পেছন থেকে রানার মাথায় লাঠি দিয়ে বাড়ি মারল কেউ। পড়ে গেল রানা। গুর মাথায় শক্ত সোলের জ্বুতো দিগ্নে লাগি মারল আরেকজন। জ্ঞান হারানোর আগে অ্যাঞ্জেলিয়ার কণ্ঠ শুনতে পেল ও। চালাকি করে ওকে ফাঁদে ফেলেছে মেয়েটা। মাথা ভোলার চেষ্টা করল রানা, পারল না। মাথায় আরেকটা লাগি লাগতেই অজ্ঞকার হয়ে গেল দুনিয়া, যেন চোখের সামনে কালো একটা পর্দা নেমেছে।

*

কতক্ষণ পর জ্ঞান ফিরেছে বলতে পারবে না রানা, তবে মাথা-ব্যথার পরিমাণ অনুভব করে আশ্বাজ করল, মাথামানে অনেক সময় পেরিয়ে গেছে। আশ্তে করে ঘাড় নাড়াল ও। চোখের সামনে থেকে ঝাপসা ডাবটা কেটে যান্ধে দ্রুত। কজিতে চেপে বসা দড়ির কামড়ে বুঝতে পারল পিঠের কাছে হাত দুটো বেঁধে রাখা হয়েছে। চারপাশে তাকাল ও। একা নেই ও, আরও চারজন মুশকো লোক আছে ভ্যানে।

ড্রাইভারের পার্টিশনের গায়ে পিঠ ঠেকিয়ে বসিয়ে রাখা হয়েছে ওকে। দু'পাশে বসেছে দু'জন দু'জন করে। চেহারা আর আকৃতি দেখে বোঝা যায় কঠোর পরিশ্রমী লোক তারা, পরনে চাষীদের পোশাক, পায়ে গ্রাম্য বুট জুতো। হাতগুলো দেখার মত। শিরা গুঠা, মোটা-মোটা আঙ্গুল। রানা দেখল তিনজনের চেহারায় মার ঝণ্ডয়ার চিহ্ন, গাল আর ঠোঁট ফেটে গেছে তাদের।

ওদের একজন ড্রাইভারকে ইটালিয়ানে বলল, 'ঘুম ভেঙেছে শালায়।'

'সাবধান!' জবাব এল। 'ত্যাঁদোড় লোক।'

এবার অ্যাস্টেলিয়ার গলা তনতে পেল রানা। 'বদম্যারেশী করার কোনও সুযোগ যাতে না পায় ও।'

সতর্ক করার কোনও দরকার ছিল না, আপাতত কিছু করার ইচ্ছে নেই রানার, ও জানতে চায় কোথায় ওকে নিয়ে যাওয়া হচ্ছে। ট্রাকটা ঢাল বেয়ে উঠছে, সম্ভবত ক্যালাব্রিয়ার পাহাড়ী অঞ্চলের দিকে যাচ্ছে। নিজেদের মধ্যে সংক্ষেপে কথা সারছে লোকগুলো, বলছে আঞ্চলিক ক্যালাব্রিয়ান ভাষায়। এদের সঙ্গে ওর অ্যাসাইনমেন্টের কি সম্পর্ক তা বুঝতে পারল না রানা।

রাস্তা ক্রমেই ঝরাপের দিকে মোড় নিচ্ছে, লাফাতে শুরু করেছে ট্রাকটা, ঘন-ঘন ঝাঁকি খাচ্ছে। হাতের বাঁধন নেড়েছেড়ে দেখল রানা। অভিজ্ঞ হাতে বেঁধেছে, এমন গুরু-বাঁধা গিঠ যে নিজে থেকে খোলা যাবে না। গুয়ালথারটা নিয়ে

মোসাদ চক্রান্ত

নিয়েছে, কিন্তু কনুইয়ের ভেতর দিকে চামড়ার খাপে রাখা ছোরাটা ঝুঞ্জে পায়নি। তাড়াহড়ো করে ওকে গাড়িতে তোলার হয়েই, 'ঠাছাড়া, রানা বুঝতে পারছে, পেশাদার লোক নয় এরা। হলে সফ্র ওই গলিতে সবাই মিলে ছড়োছড়ি করে ওকে ধরার চেষ্টা করে বেকায়দা মার খেত না। প্রথম আঘাতটা অত প্রচণ্ড না হলে বিক্ষোভ নষ্ট হত না ওর, এখনও গলিতে ওরে কোঁকাতে হত লোকগুলোর।

ট্রাকের গতি কমে এল, বাঁক ঘুরল আরও দুটো, তাবপন ধেমে গেল, বুলে গেল ভ্যানের পেছনের দরজা। রানাকে পাঁজাকোলা করে বের করা হলো। অ্যাঞ্জেলিয়ার সঙ্গে চোখাচোখি হলো ওর। আঁটো পোশাকে দারুণ লাগছে মেয়েটাকে দেখতে। অবশ্য মাথার ব্যথায় ভাল করে তাকাতে পারল না রানা। বিড়বিড় করে বলল, 'ভাল বন্ধু ছুটিয়েছ তুমি।'

'ওরা আমার ভাই,' তিন ষাঁড়কে দেখিয়ে বলল অ্যাঞ্জেলিয়া। 'ছোট ভাই। অন্য দু'জন আমার কাযিন। ওরাও ছোট।'

'কিসের ছোট,' মনে মনে বলল রানা, 'আমি তো দেখছি একেকটা বিকট খেড়ে বসমাশ।' বুঝে বলল, 'পারিবারিক মহামিলন।' ভাবছে না মস্ত কোনও বিপদে পড়েছে।

'যখন শুনলাম খালুকে পছ করতে পেরেছ কিনা নিশ্চিত হতে আবার আসছ, ভাইদের সঙ্গে নিয়ে রোমে গেলাম আমি।' কড়া শোনালা অ্যাঞ্জেলিয়ার কণ্ঠ। 'এবার আমরা

তোমার পেট থেকে বের করব কি করেছে তুমি খালুর। কেন করেছে।

‘আমি কিছুই করিনি,’ বলল রানা। চোখ কুঁচকে ফেলল। চড়াই করে ওর গালে চড় বসিয়েছে মেয়েটা।

‘ওকে ভেতরে নিয়ে যাও,’ নির্দেশ দিল অ্যাঞ্জেলিয়া, ‘যথেষ্ট জনৈকি ওর মিম্বা কথা।’

পাথুরে চত্বর পার করে একটা কিচেনে ঢোকানো হলো রানাকে। বিরাট একটা ধর, রানার বিভিন্ন সরঞ্জাম ঝুলছে দেয়াল থেকে। রানাকে একটা খটখটে চেয়ারে বসিয়ে দেয়া হলো, হাত দুটো এখনও পিছমোড়া করে বাঁধা। আরও নিরাপত্তার জন্যে চেয়ারের পিঠের সঙ্গে আরেকবার বাঁধা হলো ওর হাত। সামনে দাঁড়িয়ে তদারক করেছে অ্যাঞ্জেলিয়া। কাজ শেষ করে তার পেছনে দাঁড়াল বাধ্য হাড়গুলো।

রাগে ছুলছে অ্যাঞ্জেলিয়ার চোখ, রানার ভেতরটা দেখে নোবাব ইচ্ছা একদৃষ্টিতে তাকিয়ে আছে।

‘যখন আমার মনে পড়ে তোমার সঙ্গে...’ কথাটা শেষ না করেই পেয়ে গেল অ্যাঞ্জেলিয়া, চেহারাটা মশটে উঠল নিশাদ অহস্তি, চট করে ভাইদের নিকে তাকাল। পাথরের মূর্তির মত দাঁড়িয়ে আছে তারা।

‘হ্যাঁ, ব্যক্তিটাও বলো,’ মৃদু স্বরে বলল রানা।

গায়ের জোরে ওর গালে চড় কমাল অ্যাঞ্জেলিয়া। হিসহিস করে বলল, ‘খুন করে ফেলব তোমাকে আমি, নরকের কীট! বলো কি করেছে খালুর।’

৬-মোসাদ চক্রান্ত

‘আমি কিছুই করিনি.’ চোখে চোখ রেখে বলল রানা।

আবার চড় মারল অ্যাঞ্জেলিয়া।

গলা চড়ে গেছে। ‘আর একটা মিথোও নয়!’ রাগ আর বিদ্বেষ করে গড়ছে মেয়েটার দু’চোখ থেকে। সতর্ক হবার প্রয়োজন বোধ করল রানা। এ মেয়ে সত্যিই ওকে দায়ী ভাবছে।

‘সত্যি তুমি মনে করো আমি করেছি কাজটা?’ জিজ্ঞেস করল ও।

‘অবশ্যই। আর সেজানো তোমাকে মরতে হবে।’

‘এখনই শেষ করে দিলে হয় না?’ ভোঁতা চেহারার একজন মাঝখান থেকে জানতে চাইল, চেহারা গম্ভীর।

‘না,’ প্রায় ধমকে উঠল অ্যাঞ্জেলিয়া, ‘আগে জানতে হবে কি করেছে ও, কেন করেছে।’

‘যা হবার তা ভোঁ হয়েই গেছে,’ বোকা-বোকা চেহারার আরেকজন প্রতিবাদের সুরে বলল, কান দুটো হাড়ির কানের মত বড় তার, ‘এখন আর কথা বাড়িয়ে লাভ কি, সময় নষ্ট না করে ওকে খতম করে দিলেই কাজ শেষ হয়ে যায়।’

‘সাইলেন্সিয়ো!’ তীক্ষ্ণ কণ্ঠে ধমক দিল অ্যাঞ্জেলিয়া।
‘ওসব আমি বুঝব।’

অবাক বিশ্বয়ে লোকগুলোর কথা শুনছে রানা, বুঝতে পারছে ঠাট্টা হচ্ছে না এখানে, ঠাণ্ডা মাথায় ওকে মেরে ফেলার ব্যাপারে নির্বিকার ভাবে আলোচনা চলছে। তিন্তু একটা অনুভূতি হলো ওর। অ্যাঞ্জেলিয়া নিশ্চিত যে কুকর্মটা ওর। অন্য সময়

হলে হাসতে পারত ও, কিন্তু পরিস্থিতি এমনই যে গলার ডেভরটা তুকিয়ে যাচ্ছে। চোখে বুনো দৃষ্টি নিয়ে ওকে দেখছে যুবকরা।

‘সত্যি বলছি, অ্যাঞ্জেলিয়া, আমি কিছুই করিনি। আমি দায়ী না।’ যতটা সম্ভব সততা ফুটিয়ে তোলার চেষ্টা করল রানা গলায়।

লাভ হলো না।

‘মিথোর বেসাতি বন্ধ করো, মাসুদ রানা!’ চড়া গলায় ধমকে উঠল অ্যাঞ্জেলিয়া। ‘তুমি ছাড়া আর কেউ দায়ী হতে পারে না। তুমি এমন ব্যবস্থা করেছিলে যে তুমি ছাড়া আর কেউ খালুর ধারে-কাছে ঘেঁষতে পারেনি। হয়তো মিনারাল ওয়াটারের বোতলে করে কিছু একটা নিয়ে এসেছিলে, খালুকে খাইয়েই।’

‘না, অ্যাঞ্জেলিয়া,’ শাস্ত স্বরে বলল রানা, ‘আমাকে পাঠানো হয়েছিল তাঁকে বিপদ থেকে রক্ষা করতে।’ নিষ্ঠ বেয়ে কুলকুল করে ঘাম নামছে ওর, গলা তুকিয়ে কাঠ।

‘আর তুমি কি করলে? ঠিক বিপরীত কাজটাই, তাই না? হয়তো আসল লোকই নও তুমি। হয়তো তুমি মাসুদ রানাই নও। হয়তো তাকে মেরে রেখে এসে তার স্থান নিয়েছ। যা-ই করে থাকো, আমরা তোমার পেট থেকে সত্যি কথাটা বের করে ছাড়ব।’

‘সত্যিই বলছি আমি।’

‘ওর মুখ খোলাতে অনেক সময় লাগবে,’ বলল মোসাদ চক্রান্ত

অ্যাঞ্জেলিয়ার এক ভাই। 'পরে ওকে জিজ্ঞাসাবাদ করা যায় না, ওয়্যারগুলোকে এখনও খাবার দেয়া হয়নি। পক্ষর দুখ দোয়ানোও বাকি।'।

'ঠিকই বলেছে পুন্ডিও,' আরেকজন সায় দিল। 'তুই আমাদের এত তাড়াহড়ো করে ডেকে নিয়ে গেলি যে কোনও কাজই সেরে যেতে পারিনি। তাছাড়া আমার খিদে লেগেছে। প্রশ-ট্রশ পরে হবে, আগে খাবার ব্যবস্থা কর।'।

'আমি বলি কি ওকে শেষ করে ঝামেলার ইতি টানো,' প্রস্তাব করল বড় কানওয়াল।

'না, আগে ওকে দিয়ে কথা বলাতে হবে,' জোর দিয়ে বলল অ্যাঞ্জেলিয়া। 'যার-যার কাজ সেরে এসো, তারপর ওকে জিজ্ঞাসাবাদ করব আমরা।' বড় কানওয়ালার দিকে তাকাল। 'গিটানো,' নির্দেশ দিল, 'তুমি এখানেই থাকবে, ওকে পাহারা দেবে। ও যদি পালানোর চেষ্টা করে তো আমাদের ডাক দেবে। কি বলেছি, বুঝেছ? একটু পরে খাবারের ব্যবস্থা করব আমি, আগে হাতের কাজ শেষ করে নিই।'।

কুলোর মত কানওয়াল গিটানো আন্তে করে মাথা দোলাল, চেহারা দেনে মনে হলো এত জটিল একটা নির্দেশ পুরোপুরি এখনও সে বুঝে উঠতে পারেনি।

শেষবারের মত রানাকে কড়া চোখে একবার দেখল অ্যাঞ্জেলিয়া, তারপর অন্যান্যদের সঙ্গে বেরিয়ে গেল কিচেন ছেড়ে। ওদের কথা শুনে একটা ব্যাপারে রানা এখন নিশ্চিত, প্রফেশনের মস্তিষ্ক বিকৃতি ঘটায় এরা এতই আবেগপ্রবণ হয়ে

পড়েছে যে যুক্তি দিয়ে এদের বোঝানোর চেষ্টা করা বৃথা।
 তাছাড়া অ্যাঞ্জেলিয়ার সন্দেহ করার কারণ আছে, ও-ই
 একমাত্র লোক যে নিরাপদে বৈজ্ঞানিকের সর্বনাশ করতে
 পারত। বুঝতে পারছে, যেভাবে হোক ছুটে বেরিয়ে যেতে
 হবে। মুক্ত অবস্থায় হয়তো এদের বোঝানো সম্ভব হতে পারে
 যে ও দায়ী নয়।

কিচেনে চোখ বোলাল রানা। পাথরের বিরাট আভন,
 দেয়ালে পেরেকে ঝুলছে লোহার বড় বড় পট, চাঁড়ি আর সস-
 প্যান। পিঠসোজা একটা চেয়ারে বসেছে গিটানো, সামনের
 টেবিলে দু'পা হুলে দিয়েছে, পকেট থেকে ছোট্ট একটা ছুরি
 বের করে কাঠের একটা টুকরো চাঁছছে। চেয়ার পিছিয়ে নিয়ে
 যদি আভনের পাশের পাথরের দেয়ালে দড়ি ঘষে তাহলে এক
 মুহূর্তে গিটানোর চোখে পড়ে যাবে ও। চেয়ারের সঙ্গে বাঁধার
 কারণে ওটা এখন শরীরেরই একটা অংশ। আবার গিটানোর
 দিকে তাকাল রানা, মাঝখানের দূরত্ব মাপল, ভাবছে চেয়ার
 সহ দৌড়ে দিয়ে লোকটার পেটে মাথার টুঁ দেয়ার কথা।
 পরক্ষণে মাথা থেকে চিন্তাটা দূর করে দিল। কোনও লাভ
 হবে না। গিটানোর কাছে পৌছানোর আগেই উঠে দাঁড়াতে
 পারবে সে। এমন কিছু করতে হবে যাতে এক পলকে মুক্ত
 হওয়া যায়।

চেয়ারে পিঠ ঠেকিয়ে একদৃষ্টে গিটানোর দিকে তাকিয়ে
 থাকল রানা। লোকটা কাঠের টুকরো চাঁছায় আরও
 মনোযোগী হয়েছে, তবে মাঝে মাঝেই চোখ তুলে দেখে

নিচ্ছে শুকে । পা দুটো টেবিলের ওপরে, চেয়ারটা পেছনে
হেলানো, আদর্শ একটা টার্গেট, তবে দূরত্ব অনেক কমিয়ে
আনতে হবে । হঠাৎ করেই রানা বুঝতে পারল, যতটা ভাবছে
ততটা কাছে না গেলেও চলবে । মোটামুটি দূরত্বে পৌঁছলেই
যাথেষ্ট । চেয়ারের একটা পায়া সাবধানে, নিঃশব্দে এক ইঞ্চি
সামনে বাড়াল ও, চুপচাপ অপেক্ষা করছে ।

রানাকে একবার দেখে নিয়ে আবার কাঠের টুকরোয়
মানোযোগ দিল গিটানো । অন্যপাশের পায়াটা এক ইঞ্চি সামনে
বাড়িয়ে আবার অপেক্ষা শুরু করল রানা । একটু পর পর রানাকে
পলকের জন্যে দেখে নিচ্ছে গিটানো । ইঞ্চি-ইঞ্চি করে
এগোচ্ছে রানা । একেকবারে একটা করে পায়া ইঞ্চিখানেক
সামনে বাড়চ্ছে । প্রতিবার এতই কম এগোচ্ছে যে একদৃষ্টিতে
তাকিয়ে না থাকলে চট করে ধরা যাবে না । গিটানো এতই
বোকা এবং অসন্তর্ক যে মনে আশা ছেগে উঠল রানার ।

শেষ পর্যন্ত থামল ও, আর এগোতে সাহস পাচ্ছে না ।
কান পাতল, পাশের ঘরে কোনও আওয়াজ নেই, এখনও
বাইরের কাজ সেরে ফিরতে পারেনি কেউ ।

ঝট করে সামনে বাড়ল রানা, গায়ের জোরে লাথি মেরে
বসল গিটানোর চেয়ারে । চেয়ারটা পিছলে বেরিয়ে গেল
লোকটার তলা থেকে । ধপাস করে মেঝেতে খসে পড়ল
গিটানো, পরক্ষণে ব্যথায় কাতরে উঠে দু'হাতে পাছা খামচে
ধরল । আরেক লাথিতে তাকে মেঝেতে শুইয়ে ফেলল রানা,
এখনও ওর পিঠে চেয়ার বাঁধা, একটা হাঁটু রাখল গিটানোর

বুকে, দেহের ভর চাপাল গিটানোর বুকে রাখা হাঁটুর ওপর, আরেক হাঁটু রাখল গিটানোর গলার ওপর।

গলায় চাপ বাড়াতেই চোখ দুটো বিস্ফারিত হয়ে গেল গিটানোর, বড় বড় কানগুলো লাগ হয়ে উঠেছে। গলার ওপর চাপ কমাল রানা, তবে সাবধান করল, 'একটু উল্টোপাল্টা করো, খতম হয়ে যাবে। গলায় চাপ বাড়ালে উইন্ডপাইপ ছিঁড়ে যাবে, মরতে আধ সেকেন্ডও সময় নেবে না তুমি।' কথা সত্যি সেটা বোঝাতে হাঁটুর চাপ বাড়াল রানা, ক্ষিত নেরিয়ে গেল গিটানোর। আতঙ্কিত দৃষ্টিতে দেখছে রানাকে। চাপ কমাল রানা। জিভ দিয়ে শুকনো ঠোট ভিজাল গিটানো।

'এবার যা বলছি করবে,' নির্দেশ দিল রানা। 'ভয়ে আছ শুয়ে থাকো, কিন্তু আমার হাতের গিঠ দেয়া রশি খুলবে তুমি। ধীরে-ধীরে, সাবধান! একটু এদিক-ওদিক দেখলে খুন করে ফেলব।' হাঁটুর চাপ বাড়িয়ে কন্ঠিয়ে কথার সত্যতা বোঝাল ও। দেরি না করে রানার হাতের বাঁধন খুলতে ব্যস্ত হয়ে পড়ল গিটানো, আতঙ্কিত দৃষ্টিতে নিম্পলক দেখছে রানাকে। দড়ির চাপ কমছে হাতের ওপর, রানা তাড়া দিল, 'কই, দেরি কিসের?'

গিটানোর আঙুলগুলো আরও দ্রুত কাজ করতে শুরু করল। আধ মিনিটেই দড়ির গিঠ খুলে গেল, হাত দুটো মুক্ত হয়ে গেল রানার। বাইরে শুনতে পাচ্ছে গলার আওয়াজ, এদিকেই আসছে, কাজ সেরে কিরছে অ্যাঞ্জেলিয়া আর তার ভাইরা। প্রচণ্ড একটা ঘুসি মারল রানা গিটানোর চোয়ালে।

মোসাদ চক্রান্ত

মাথাটা কাত হয়ে গেল বড় কানের, জ্ঞান হারিয়েছে ।

আন্ত করে উঠে দাঁড়াল রানা, হাতে বেরিয়ে এসেছে ছোরাটা । ওটা ব্যবহার করার ইচ্ছে নেই ওর, আবার ঢুকিয়ে রাখল চামড়ার খাশে । এরা যতই গৌয়ার হোক, ভাল মানুষ, যেটা ভাল মনে করছে সেটাই করেছে । দেয়ালের পেরেক থেকে লোহার একটি প্যান হাতে নিল রানা । যা গুজুন তাতে বুঝল কেন ইটালিয়ান গৃহবধূরা এত প্যাক্সা খায় । শরীরে জোর না থাকলে এই জিনিষ কেউ তুলতে পারে না । সস-প্যানটা দিয়ে ওয়েইট লিফটিঙ প্র্যাকটিস করা যাবে ।

দরজার পাশে দাঁড়াল রানা ওটা হাতে নিয়ে । পরক্ষণে দরজা খুলে গেল, অ্যাঞ্জেলিয়া ভেতরে ঢুকল আগে, তার পেছনে চার ভাই ।

ঘরে ঢুকেই চোঁচিয়ে উঠল অ্যাঞ্জেলিয়া । 'মিয়ো ডিয়ো! (হায় ঈশ্বর!) মাসুদ রানা পালিয়েছে!'

অ্যাঞ্জেলিয়ার পেছনে থমকে দাঁড়িয়েছে ওর ভাইয়েরা । সস-প্যান ঘুরিয়ে গায়ের জোরে আঘাত হানল রানা, পরক্ষণেই প্যান ছেড়ে অ্যাঞ্জেলিয়াকে হাঁচকা টানে নিয়ে এল গায়ের কাছে । এক সঙ্গে দু'জনের মুখে বাড়ি খেয়েছে ভারী সস-প্যান, জ্ঞান হারিয়ে ছমড়ি খেয়ে মেরেতে পড়ল তারা, নাক ফেটে রক্ত বরছে ।

ছোরাটা বের করে অ্যাঞ্জেলিয়ার গলায় ধরল রানা, তনতে পেল আঁথকে উঠে শ্বাস নেয়া বন্ধ করল মেয়েটা । তার দুই ভাই বোনের বিপদ বুঝতে পেরে বরফের মত জমে গেছে

জায়গায় ।

‘আগে জাগাও ওদের,’ অচেতন তিনজনকে দেখিয়ে দুই যুবককে নির্দেশ দিল রানা ।

কেতজিতে পানি ভরে অজ্ঞান লোকগুলোর মুখে ঢালল একজন, জ্ঞান ফিরে পেয়ে ধড়মড় করে উঠে বসল গিটানো, অন্যরা শুয়ে থেকেই চোখ মেলে চাইল, চেহারা দেখে মনে হলো ভিনগ্রহের বাসিন্দা, এই মাত্র আকাশ থেকে পড়েছে ।

‘এবার আমার কথা মন দিয়ে শোনো,’ নলল বানা গম্ভীর স্বরে । ‘তোমাদের খালুর কোনও ক্ষতি আমি করিনি । মোটা মাথায় কথাগুলো গেঁথে নাও । এর আগে আরও সাতজন মুসলিম বিজ্ঞানীর ব্রেইন নষ্ট করা হয়েছে । তাই বাংলাদেশ সরকারের আদেশে আমি তুমাকে বিপদ থেকে রক্ষা করতে চেষ্টা করেছিলাম, পারিনি । আমার কথার স্বপক্ষে কোনও প্রমাণ নেই, কিন্তু একটা প্রশ্নের জবাব দাও, আগের সাতজনের জন্যেও কি আমিই দায়ী?’

‘আমাকে পাঠানো হয়েছিল আমি তাঁর স্বদেশী বলে । কিন্তু তাকে রক্ষা করতে পারিনি আমি ।’

অ্যাঙ্গেলিয়ার নরম বুকে ঠেকে আছে ছোরার ফলা । একটা চিন্তা মাথায় খেলল রানার । ও যদি লোকগুলোকে বোঝাতে পারে যে ও নির্দোষ, তাহলে এই জটিল পাহাড়ী অঞ্চল থেকে বেরোতে গিরে কয়েক ঘণ্টা সময় নষ্ট করতে হবে না । তাছাড়া সেক্ষেত্রে এরা ওকে ফলোও করবে না । আল্লাহ জানেন আরও কত আত্মীয় কোথায় কোথায় ছড়িয়ে মোসাদ চক্রান্ত

আছে অ্যাঞ্জেলিয়া! ঝুঁকিটা নেবে, ঠিক করে ফেলল রানা।
 যদি এর মনমত্ত ফলাফল না হয় তাহলে সব কয়জনের সঙ্গে
 লড়াই হবে ও। তাতে ওর কোনও আপত্তি নেই। আন্তে
 করে অ্যাঞ্জেলিয়াকে ছেড়ে পিছিয়ে গেল রানা, মেয়েটার হাতে
 ধরিয়ে দিল ছোবাটা। বিশ্বাষে বিস্ফারিত হয়ে গেল
 অ্যাঞ্জেলিয়ার চোখ। ওর ভাইয়াও বিশ্বাস করতে পারছে না
 কি ঘটছে।

‘অ্যাঞ্জেলিয়া, তোমাকে বুঝতে হবে, তুমি যেমন নও,
 তেমনি আমিও দাগী নই। সামান্য যা কিছু সূত্র আছে আমার
 হাতে, তার ওপর ভিত্তি করে তদন্ত করতে হবে। এখন ইচ্ছে
 করলে তোমরা আমাকে মেরে ফেলতে পারো। তবে তাতে
 কোনও লাভ হবে না। কোনও দিনই তোমাদের খালুকে আর
 সুস্থ করে তোলা যাবে না। আমি শিওর নই, তবে আমার
 ধারণা এই অসুখের চিকিৎসা আছে। যে অসুখটা সৃষ্টি করেছে
 সে কি অ্যান্টিডোট তৈরি করেনি? নিজে সে একেক্টেড হয়ে
 গেলে? আমি চেষ্টা করব অ্যান্টিডোট থাকলে সেটা যাতে
 উদ্ধার করা যায়। তাহলে কেবল ডক্টর ইব্রাহীমই নয়, আরও
 সাতজন বিজ্ঞানী হয়তো সুস্থ হয়ে উঠতে পারেন। আমি চেষ্টা
 করে দেখতে চাই। আমি নির্দোষ সেটা প্রমাণ করতে এর
 বেশি আর কিছু বলার নেই আমার।’

অ্যাঞ্জেলিয়ার দিকে তাকিয়ে আছে সবাই, অপেক্ষা করছে,
 সে কোনও সিদ্ধান্ত নেবে। হঠাৎ করেই ফুঁপিয়ে উঠল
 অ্যাঞ্জেলিয়া, পরক্ষণে ঝাঁপিয়ে পড়ল রানার বুকে, কাঁদছে,

দরদর করে জল গড়াচ্ছে দু'চোখ বেয়ে। ভেজা স্বরে বলল,
'আমাকে ক্ষমা করে দাও, রানা। তোমাকে সন্দেহ করা
আমার উচিত হয়নি।'

এগিয়ে এল অ্যাঞ্জেলিয়ার ডাইওনো, বিড়বিড় করে
ক্যালাব্রিয়ানে ক্ষমা চাইছে আর রানার পিঠে আন্তরিক চাপড়
মারছে। রানার মনে হলো পিঠ ফাটিয়ে ফেলার মতলব
করেছে ওরা।

'ভালো ভাল যে কারণে কোনও ক্ষতি হয়নি,' বলল ও।
'এবার আমাকে রোমে ফিরতে হবে। ওখান থেকেই তদন্ত
শুরু করব। শ্রাড়া-তাড়ি যাওয়ার কোনও উপায় জানা আছে
তোমাদের কারও?'

লক্ষী মেয়ের মত আশ্তে করে মাথা দোলাল অ্যাঞ্জেলিয়া।
'গিটানো, ট্রাকটা বের করো। আমরা এখনই রোমে যাব।'

বাঁট সামনে বাড়িয়ে রানার হাতে গুয়ালথারটা ধরিয়ে দিল
গিটানো, তার আগে টোখে লোভ নিয়ে কিছুক্ষণ চেয়ে থাকল
ওটার দিকে। চেহারা দেখে মনে হলো না কানে কোনও কথা
চুকেছে। কিন্তু চুকেছে আসলে, বেরিয়ে গেল সে ট্রাক বের
করতে।

অ্যাঞ্জেলিয়ার কথার মানে পরিষ্কার হতেই জিজ্ঞেস করল
রানা, 'তুমি "আমরা" বলতে কাদের বোঝাচ্ছে?'

'আমিও তোমার সঙ্গে যাবি,' একপুঁয়ে স্বরে জানিয়ে দিল
অ্যাঞ্জেলিয়া।

'না, অ্যাঞ্জেলিয়া,' বোঝানোর চেষ্টা বৃথা জেনেও বলল
মোসাদ চক্রান্ত

রানা, 'এটা পুরুষমানুষের কাজ। যেকোনও সময় যেকোনও বিপদ ঘটতে পারে।'

'যা-ই ঘটুক আমি তোমার সঙ্গে যাবি,' দৃঢ় কণ্ঠে জ্ঞানাল অ্যাঞ্জেলিয়া, রানা দেখল তার ভাইদের জুড়লো একটু একটু করে কুঁচকে উঠছে। বাইরে ট্রাকের আওয়াজ হলো। দড়াম করে বন্ধ হলো ট্রাকের দরজা। গিটানো ভেতরে ঢুকল। 'খালুর যারা সর্বনাশ করেছে তাদের শেষ না দেখে ছাড়ব না আমি।'

'এটা পারিবারিক সম্মানের ব্যাপার,' বোনকে সমর্থন জ্ঞানাল গিটানো। ওরা অজান্তেই এগিয়ে আসছে। আবেগপ্রবণ ইটালিয়ান যুবকদের ভাল করেই চেনা আছে রানার। এখন তর্কাতর্কি চলতে থাকলে ব্যাপারটা যেকোনও সময়ে আরেক দফা মারামারিতে গড়াবে।

'ভাবছ আমাদের বোন তোমাকে সাহায্য করতে পারবে না, মিষ্টার রানা?'

'বেশ,' সিদ্ধান্ত নিয়ে ফেলল রানা, 'অ্যাঞ্জেলিয়া আমার সঙ্গে যাবে। ভেবে দেখলাম ওর সাহায্য আমার দরকার হতেও পারে।'

'গিটানোও যাবে।'

আপত্তি করল না রানা। পাহাড়ী এই অঞ্চল থেকে দ্রুত বের হতে হলে অ্যাঞ্জেলিয়ার সাহায্য না নিয়ে কোনও উপায় নেই।

নাস্তা তৈরি করার সময় নেই, তাই পাউরুটি আর ঘরে

বানানো পনির দিয়ে কাজ সারল সবাই, তারপর আন্তরিক
 বিদায় সম্বাদনের মাঝ দিয়ে রওনা হয়ে গেল ওরা। রানা
 লকড়ঝকড় পুরানো ট্রাকটা চালাচ্ছে, তার পাশে অ্যাঞ্জেলিয়া
 আর গিটানো। রানা ভেবে দেখল, অ্যাঞ্জেলিয়ার সঙ্গে বিদায়টা
 আবেগঘন হবে না বটে, কিন্তু সামলে নিতে পারবে মেয়েটা।

পাহাড়শ্রেণী শেষ হতেই সামনে আলো দেখতে পেল
 রানা। মেইন রোড ক্রসিং।

‘কখনও এবান থেকে হেঁটে বাড়ি ফিরেছ?’ যেন কথার
 কথা, সহস্র গলায় জ্ঞানতে চাইল রানা।

‘হ্যাঁ,’ মাথা নোলাল অ্যাঞ্জেলিয়া। ‘ছোট বেলায় কত
 গেছি। তাকাহড়ো না করলে আর পথ চেনা থাকলে এটা
 কোনও ব্যাপারই নয়।’

‘ওনে দারুণ ভাল লাগল,’ বলল রানা, ব্রেক কামে দাঁড়
 করিয়ে ফেলল ট্রাক। ‘এখন তোমাদের হেঁটেই ফিরতে হবে।’
 কথা শেষ করেই ট্রাক থেকে লাফ দিয়ে নামল ও, হ্যাঁচকা
 টানে সঙ্গে অ্যাঞ্জেলিয়াকেও বের করে এনেছে। রাস্তার পাশে
 এক কাড় ছোট পাইনের গাছ, ঝোপ বললেই হয়, সেদিকে
 অ্যাঞ্জেলিয়াকে ঠেলে দিল ও। চিৎকার করে আপত্তি জানান
 মেয়েটা, ঠেলা সামলাতে না পেরে গাছগুলো জড়িয়ে ধরল।
 ওয়ালথারটা বের করে গিটানোর দিকে তাক করে নাড়ল
 রানা, কিছু বলতে হলো না, আস্তে করে ওপাশের দরজা খুলে
 নেমে পড়ল গিটানো। বাতাসে ভাসছে ইটালিয়ান গালাগালি।
 তুফান ছোটালো ডাই-বোন। ট্রাকে ঠেে গিয়ার দিয়ে সামনে
 মোসাদ চক্রান্ত

বাড়ল রানা, রিয়ারভিউ মিররে দেখল দু'হাত মুঠো করে
 নাতাসে ঝাঁকাত্তে ঝাঁকাত্তে ছুটে আসছে অ্যাঞ্জেলিয়া । গতি
 বাড়ল ও, মেয়েলি কণ্ঠের চেঁচামেচি ক্রমেই মিলিয়ে যাচ্ছে
 পেছনে, একটা বাঁক নিতেই চোখের আড়ালে চলে গেল
 অ্যাঞ্জেলিয়া ।

আকাশে ভোরের অস্পষ্ট আভাস । এবাব কোথায় যাওয়া
 যায় ভাবল রানা । একটা চিন্তা বারবার করে আসছে মাথায় ।
 ও ঘানার পরে যদি প্রফেসরের মস্তিষ্ক বিকৃতি না ঘটে থাকে,
 তাহলে ঘটেছে ওর নাকের ডগাফ । এ সম্ভব নয়, নিশ্চয়কে
 বলল রানা, প্রতিটা মুহূর্ত অনুভব করছে, যা ঘটা সম্ভব ছিল না
 তা-ই ঘটেছে । এখন ওর আইএসএস মীটিঙের তালিকাওলো
 দরকার । আগের কয়েকটা মীটিঙে কারা-কারা উপস্থিত ছিল
 তার একটা তালিকা ছাড়া কাজে এগোনো যাবে না । ঠিক
 করেছে, প্রত্যেকের ব্যাকগ্রাউন্ড চেক করবে ও, কোথাও না
 কোথাও একটা সূত্র মিলতে বাধ্য ।

ট্রাকটা লকড় মার্কী হলেও গোলমাল না করে ছুটে চলেছে
 বেশ দ্রুত । ট্যাঙ্কে ফুয়েলও আছে যথেষ্ট । সূর্য ওঠার পরও
 একটানা চালিয়ে গেল রানা, রোমে পৌঁছে একটা সাইড স্ট্রীটে
 ট্রাক রেখে মাইল দু'য়েক হেঁটে ক্লাফয়েলো নামের একটা
 কমদামী হোটেলে উঠল । কারাবিনিয়্যারি ট্রাকের নাথার-প্রেট
 দেখে ওটা মালিককে পৌঁছে দেবার ব্যবস্থা করবে ।

ক্লাস্তিতে দেহ ভেঙে আসছে ওর । ছোট্ট একটা ঘুম দিয়ে
 উঠে ঢাকায় ফোন করল সোহেলের নাথারে, জানাল কোথায়

উঠেছে ও, কোনও নতুন ববর থাকলে জানাতে বলে রেখে
 দিল ফোন। এবার হালকা কয়েকটা বায়াম সেরে গরম
 পানিতে গোসল করে লাঞ্চ সেরে নিল, তারপর স্টেটে ঘুম
 দিল আবার। ঘুম ভাঙল বিকেলে। রিসেপশনে খোঁজ নিয়ে
 জানল ওর জন্যে কোনও মেসেজ নেই। তারমানে নতুন কিছু
 জানাবার মত নেই সোহেলের।

দ্রুত বিজ্ঞানীদের একটা লিট পাবার সহজ উপায়টাই
 বেছে নিল ও, যোগাযোগ করল ডক্টর ক্রিসের নাম্বারে,
 জুরিখে। দু'বার রিং হতেই ফ্রেন্ডল তুললেন ক্রিস, অসাধারণ
 স্মৃতিশক্তি, রানার হ্যাণ্ডে শুনেই গলা চিনে ফেললেন। কুশল
 বিনিময়ের পর রানা বলল, 'গত সাতটা মীটিঙে কারা কারা
 উপস্থিত ছিল তার একটা তালিকা দরকার আমার। গুরুত্বপূর্ণ
 হোক, গুরুত্বহীন হোক—সবার নাম জানতে চাই। আপনি কি
 আমাকে সাহায্য করতে পারবেন?'

ওপ্রান্তে খানিক নীরবতা, তারপর কার্ল ক্রিসের কণ্ঠ ভেসে
 এল, কেমন যেন আড়ষ্ট, 'দেখুন, মিস্টার রানা, আইএসএসের
 নিয়ম নেই মীটিঙে কারা ছিল তার লিষ্ট দেয়ার।' গলাটা
 এবার একটু কড়া শোনাল। 'জানতে পারি কি, কেন হঠাৎ
 এই অনুরোধ?'

জবাব এড়িয়ে গেল রানা। 'আপাতত বলতে পারছি না
 কেন, ডক্টর ক্রিস। তবে আপনার আগন্তির কারণটাও বুঝতে
 পারছি না। মীটিং যখন হয় তার আগে পাবলিকলি আপনারা
 তালিকা প্রকাশ করেন। এখন তালিকা জানাতে অসুবিধে
 মোসাদ চক্রান্ত

কিসের!'

'আসলে আমাদের লিষ্ট কখনোই স্বয়ংসম্পূর্ণ হয় না.' বলল ক্রিস। 'আপনি যা বলছেন, সেটা করতে হলে, মানে, মীটিংগুলোয় উপস্থিত সবার নাম জ্ঞানাতে হলে বেশ সময় লাগবে।'

'আমি জানি আপনার কাছে কর্মপট লিষ্ট আছে, মিস্টার ক্রিস,' নিজের গলায় নিজেই অবাক হলো রানা, রেগে উঠছে ও। 'নিজ্বাদের রেকর্ড ঠিক রাখার জন্যেই লিষ্ট থাকবে আপনি যদি লিষ্টটা না দেন তাহলে আমাকে বাধ্য হয়েই আইএসএস গভর্নিং বোর্ডের সঙ্গে যোগাযোগ করতে হবে, সেটা হয়তো আপনি চাইবেন না।'

গলা নরম হয়ে পেল সেক্রেটারির। 'আমাকে আপনি ভুল বুঝছেন, মিস্টার রানা। গভর্নিং বোর্ডে যাওয়ার কোনও দরকার নেই। আমি সবসময়েই সরকারী লোকদের সাহায্য করে থাকি, তাদের উদ্দেশ্য না জানলেও।' রানা টোপটা গিলল না। ও সরকারী লোক না বেসরকারী তা নিয়ে কার্ল ক্রিস হত খুশি ভাবতে থাকুন।

'তাহলে দয়া করে রোমে হোটেল ব্রাক্সয়েলোতে এয়ারমেইল করে দেবেন তালিকাগুলো,' বলল রানা। 'আমি হোটেল ব্রাক্সয়েলোতে উঠেছি।'

'অবশ্যই। কয়েক ঘণ্টার মধ্যে তালিকা পেরে যাবেন। আশা করি আবার আমাদের দেখা হবে, মিস্টার রানা।' ওখানতে রিসিভার নামিয়ে রাখলেন কার্ল ক্রিস।

ছোট একটা রেইব্রোন্ট ডিনার সারল রানা, রোমের চমৎকার পরিবেশ মোটেই উপভোগ করতে পারল না। মেজাজটা বিচড়ে আছে। কোনও সূত্রই নেই সামনে। নোজা হোটেল ফিরে ঘুম দিল। জাগতে হলো দু'ঘণ্টা পরই। কার্ল ক্রিস আইএসএস মীটিঙের তালিকা পাঠিয়েছেন, হোটেলের বয় সেটা নিয়ে এসেছে।

বিছানার ওপর কাগজগুলো বিছিয়ে চোখ বোলাল রানা। প্রতিটা নাম, নিজে একটা কাগজে টুকল। পরদিন সকালটাও কাটল ওর একই কাজে। যেকোনো এখন ছড়িয়ে আছে ছোট ছোট কাগজের অসংখ্য সোদাডানো টুকরো। হতাশ হতে হলো ওকে। গত সাতটা মীটিঙের তালিকা পাঠিয়েছেন ডক্টর ক্রিস। আইএসএসের প্রতিটা মীটিঙে হাজির ছিলেন না সব বিজ্ঞানী। রানা আগের ধারণাটা বাতিল করে দিল। কোনও একজন বিজ্ঞানী গত সাতটা মীটিঙে রোগ ছড়াননি। সে সুযোগ ছিল না।

আবার কাগজগুলোয় চোখ বুলাল রানা, জেদ চেপে গেছে। একটা কিছু ভুল হচ্ছে ওর, হতেই হবে, নইলে ঠিকই কোনও সূত্র পাওয়া যেত। কয়েকটা মীটিঙে বেশ কয়েকজন বিজ্ঞানী পরপর উপস্থিত ছিলেন, কিন্তু আটটা মীটিঙে কেউ পরপর থাকেননি।

এবার রানার চোখে পড়ল ন্যাঁপারটা। যাত্র একজন আছে যে আটটা মীটিঙেই উপস্থিত ছিল। কার্ল ক্রিস। কার্ল ক্রিস, আইএসএস সেক্রেটারি, তিনিই একমাত্র লোক যে সবগুলো ৭-মোসাদ চক্রাও

মীটি:ও হাজির ছিলেন ।

কাউচে হেলান দিয়ে বসল রানা, ভাবছে । ক্রিস যদি দায়ী হয়ে থাকে তাহলে অনেক কিছু মিলে যায় । সুইজারল্যান্ডের লোক সে । ওখানে ইহুদি আছে প্রচুর । কার্ল ক্রিস নিজেও সম্ভবত ইহুদি । মোসাদের এজেন্ট হওয়ার প্রচুর সম্ভাবনা আছে তার । শত্রুসমর্থ লোকটার হাসিখুশি ব্যক্তিভুময় চেহারাটা চোখে ভাসল ওর । ক্রিস যদি মোসাদের সঙ্গে জড়িত থেকে লাকে তাহলে কর্তা গোষ্ঠের কেউ হবার সম্ভাবনাই বেশি । সেক্ষেত্রে প্রথম থেকেই সে জানে রানা তাকেই খুঁজছে ।

একটা সিগারেট ধরিয়ে ছাদের দিকে ধোয়া ছুঁড়ল রানা । ওর ধারণা সত্যি হলে রহস্য সমাধানের উপায় পেয়ে গেছে ও । ঠিক করে ফেলল, জুরিখে যেতে হবে, খোঁজ নিতে হবে কার্ল ক্রিসের ব্যাপারে । লোকটাকে সামনাসামনি পেলো ভাল হয়, বাজিয়ে দেখা সহজ হবে ।

৬

সাত

আকাশটা ঘন কুয়াশায় ঢেকে গেছে। রোমের আকাশ এমন কুয়াশা কাটিয়ে উঠতে দু'তিনদিন সময় নেয়। যাত্রার জন্যে আবহাওয়াটা মোটেও সুবিধের নয়, তবু দেরি না করে হোটেল থেকে চেক আউট করল রানা। আধঘণ্টা ট্যাক্সি নিয়ে এদিক-ওদিক ঘুরল, নিশ্চিত হলো কেউ গুকে ফলো করছে কিনা। যখন বুঝল করছে তখন আর দেরি না করে সোজা চলে এলো রেল স্টেশনে, রোম-জুরিখ এক্সপ্রেস ট্রেনের টিকেট কেটে উঠে বসল। বিশ মিনিট পর ছাড়ল ট্রেন।

রানার কম্পার্টমেন্টটা ট্রেনের মাঝামাঝি। ট্রেনটা নামেই এক্সপ্রেস, আসলে লোকালকেও হার মানায়। গা নড়াতে দেরি তো করলই, চলতেও শুরু করল শামুকের গতিতে। রোমের কুয়াশাঙ্কন আকাশে তখন সন্দের আলোঅধারির খেলা শুরু হয়েছে। রানার কম্পার্টমেন্টটা স্লীপিং কম্পার্টমেন্ট, চেকার এসে ওর পাসপোর্ট পরীক্ষা করে বার্ষ ঠিক করে দিয়ে গেল। আন্তে আন্তে পিছিয়ে গেল শহরের হলদে ব্যতিগলো। গতি বাড়ছে ট্রেনের। এক সময় তুমুল

মোসাদ চক্রান্ত

গতিতে ছুটেতে শুরু করল। তবে কোনও কোনও ষ্টেশনে যখন থামবে, তখন এত দেরি করেছে যে নিরস্তি এসে যায়। ওয়ে পড়ল রানা, ট্রেনের আরামদায়ক দুশুনিতে ঘুম আসতে দেরি হলো না। ঘুম যখন ভাঙল, সকাল হয়ে গেছে, ট্রেন চলে এসেছে সুইস বর্ডারের কাছে, বেশিয়োনায়। ভাইনিং কারে গিয়ে কফি আর স্যান্ডউইচ দিয়ে ব্রেকফাস্ট সেরে নিল রানা।

বাইরের দৃশ্যে আমূল পরিবর্তন এসেছে। পাহাড়ী অঞ্চল, ছোট ছোট সবুজ টিলা, তার পেছনে সফেন বরফে গা মুড়ে অকাশে মাথা তুলে করে আছে সুউচ্চ পর্বতশ্রেণী, সকালের লাল সূর্যের কিরণে সাতরঙা আলোর খিলিক ছড়াচ্ছে। আগের মত এখন আর রেল লাইনের ধারে লরেল ফুটে নেই, সে জায়গা দখল করেছে জনপাই গাছ, সিডার আর আঙ্গুরেব গুল্ম। দক্ষিণ ইটালির আরামদায়ক নাতিশীতোষ্ণ আবহাওয়া বদলে গেছে, শুকনো বাতাসে কনকনে শীতের আভাস।

নাস্তা সেরে নিভের কম্পার্টমেন্টে ফিরছে রানা, প্রায় পৌঁছে গেছে, এমন সময়ে ডাকল লোকটা। ঘুরে তাকাল রানা, দেখল টাকমাথা এক মাঝবয়সী লোক, মাঝারি উচ্চতা, হাতে সোনার সিগারেট কেস, এগিয়ে আসছে ওই দিকে।

‘এক্সকিউজ মি, সেনিয়র,’ ভারী টানে ইটালিয়ান ভাষায় বলল লোকটা। ‘ম্যাচ হবে?’

কোটের পকেট থেকে ম্যাচ বের করে বাড়িয়ে দিল রানা। লোকটা সামনে ঝুঁকল ওটা নিতে, এবার ইংরেজিতে ধীরে ধীরে বলল, ‘নড়বে না, মাসুদ রানা। দুটো পিস্তল তাক করা

আছে তোমার ওপর। একটা পেছনে, আরেকটা আমার কোটের পকেটে।' বাম হাত কোটের পকেটে ঢুকিয়ে রেখেছে সে।

পকেটের ওপর দিয়েও রিভলভারের নলটা চিনতে পারল রানা, নড়ল না। আস্তে করে ঘাড় ফেরাল, চোখের কোণে দেখল করিডরের শেষ প্রান্তে দাঁড়িয়ে আছে অন্য লোকটা।

'কম্পার্টমেন্টের দরজা খুলে ভেতরে ঢুকে পড়ো,' নির্দেশ দিল টাকমাথা। 'চালাকির চেঁচা কোরো না।'

পেছনে আরও দু'জন স্ফটামার্কী লোকের উদয় হয়েছে, চোখের কোণে দেখল রানা, এগিয়ে আসছে তারা। ভালমানুষের মত নির্দেশ পালন করল রানা, কম্পার্টমেন্টের দরজা খুলে ভেতরে ঢুকল। ঠিক পেছনেই আছে টাকমাথা। তার পেছনে, দু'পাশে আসছে অন্য তিনজন। কম্পার্টমেন্টে ঢুকতেই দ্রুত দক্ষ হাতে সার্চ করা হলো ওকে, ওয়ালথারটা কেড়ে নেয়া হলো। বাহর ভেতরের দিকে চামড়ার খাপে পোরা ছোরাটার হদিস পায়নি। দক্ষ লোকও তাড়াহুড়ো করলে ছোরাটা সহজে খুঁজে পাবে না এমন ভাবে রাখে ও ওটা।

'জুমি শাহলে আমার নাম জানো,' হাসির ভঙ্গি করল রানা, তাকিয়ে আছে টাকমাথার দিকে। এ ব্যাটাই একটু আগে শুদ্রলোকের মত মাচ চাইছিল, এখন চেয়ে আছে জুর চোখে।

'রানা। মাসুদ রানা।' ঠোট ঝাঁকিয়ে হাসল সে। 'বিসিআই। কোড নেম এম আর নাইন।'

মোসাদ চক্রান্ত

‘আর তোমরা মোসাদের এজেন্ট।’

প্রত্যেককে মোপে নিয়েছে রানা : দশাশই লোকগুলো মোসাদের ফিল্ড এজেন্ট। টাকমাথা সম্ভবত তাদের বস। রানাকে তাকাতে নেগে হাসল সে। ‘তোমার ব্যাপারে সবই জানি আমরা, মাসুদ রানা। ব্যক্তিগত ভাবে আমি তোমাকে পছন্দই করি। লন্ডনে আমাদের কয়েকজনকে শেষ করে দিয়ে নিজেস্বরূপ যোগ্যতা প্রমাণ করেছে তুমি। মোসাদ ঠিকই বলেছে। মোসাদ আমরা। আমি ক্যান্টেন রকোভিচ ফ্র্যাঙ্ক, ইউরোপ ডিভিশনের ‘আসিস্টেন্ট হেড।’

‘আর কাল ক্রিস? সে আসল মাথা?’

‘ঠিক ধরেছ। তবে অনেক দেরিতে।’

দ্রুত মাথা খেলাচ্ছে রানা। লোকগুলো আকাশ থেকে পড়ল নাকি! হয় এরা মাত্রাতিরিক্ত দক্ষ, নয়তো অসতর্ক হয়ে পড়ছে ও। ওর পেশায় অসতর্কতার একটাই পরিণাম-মৃত্যু।

‘অনুসরণ করবে তা জানতাম, কিন্তু এভাবে আচমকা ধরে ফেলবে ভাবতেও পারিনি আমি,’ স্বীকার করল রানা।

‘অনুসরণ করিনি,’ বলল রকোভিচ। ‘জানতাম অনুসরণ করলে পেছনে লেজুড় আছে টের পেয়ে যাবে তুমি। আমাদের সুবিধে করে দিয়েছে আবহাওয়া। কুয়াশার কারণে এয়ারপোর্টকে হিসেবের বাইরে রাখতে পেরেছি। যদি তুমি ডক্টর ক্রিসের পেছনে ছোটো তাহলে মাত্র দুটো উপায়ই ছিল, হয় গাড়িতে যাওয়া, নয়তো ট্রেইনে করে। প্রতিটা ট্রেইনের ওপর নজর রাখছিল আমাদের লোক। তুমি হোটেল ত্যাগ

করতেই রেডিয়োতে খবরটা জানিয়ে দিয়েছে একজন।
আমাদের আরেকজন তোমাকে দেখেছে জুয়িস্বের ট্রাইনে
উঠতে। আমরা উঠেছি গত স্টেশনে।’

হাসছে লোকটা, চোখ দুটো প্রায় বন্ধ হয়ে এসেছে।
রানার ইচ্ছে হলো এক ঘুমিতে ইহুদি ব্যাটার চেহারার
মানচিত্র পালটে দেয়। নিজেকে সামলে রাখল, এখন আক্রমণ
করলে নিশ্চিত মৃত্যু।

‘লভনে সেই মহিলার ব্যাপারটা কি?’ জিজ্ঞাস করল
রানা, সময় নষ্ট করতে চাইছে, প্রতি মুহূর্তে ভেবে চপেছে
কিন্ডায়ে উদ্ধার পাওয়া যেতে পারে।

‘মারিয়া ‘গোল্ডামেরার?’ আবার হাসল ক্যান্টেন ফ্র্যাঙ্ক।
‘আনফরচুনেট কেস। আমাদের কাছে একটা বোঝা হয়ে
দাঁড়িয়েছিল মহিলা, সরাতে পারছিলাম না। তোমার সঙ্গে
যোগাযোগের ব্যাপারে পরোক্ষ ভাবে তাকে উৎসাহিত করা
হয়। টোপ গেলে সে, কয়েকজন বিজ্ঞানীকে দেশের স্বার্থের
চেয়ে বড় করে দেখে জীবনের শেষ ভুলটা করে। মিটার
ক্রিসের নির্দেশে তাকে স্ট্রটার সঙ্গে দেখা করতে পাঠানো
হয়েছে।’

‘আচ্ছা!’

‘হ্যাঁ। তোমাকেও সেখানেই পাঠানো হবে, মাসুদ রানা।’
এবার হিব্রু ভাষায় পরস্পরের সঙ্গে কথা বলতে শুরু করল
ওরা। মোটামুটি ভালই বোঝে রানা হিব্রু। বক্তব্য বুঝতে
অসুবিধে হলো না। কোন উপায়ে কারও দৃষ্টি আকর্ষণ না করে
মোসাদ চক্রান্ত

রানাকে শেষ করা যায় তা নিয়ে আলাপ চলছে। টাকমাথা যেভাবে গুপি করে মারতে চাইছে তাতে হাতে বেশি মন্থ নেই, বুঝতে পারছে রানা। তবে আপাতত খানিকক্ষণের জন্যে ও নিরাপদ। একটা গ্রাম পাশ কাটাবার সময় গতি কমিয়েছে ট্রেইনটা।

ট্রেইনের কম্পার্টমেন্টটা দেখল রানা, তাবছে কি করা যায়। সরু কম্পার্টমেন্ট, দু'পাশে বার্ষ : নড়াচড়ার তেমন একটা সুযোগ নেই। হাত উঁচু করে আছে ও, ছোরাটা বের করে কোনও লাভ হবে না। হয়তো একজনকে শেষ করতে পারবে ও, রূপান ভাল হলে দু'জনকে, কিন্তু শেষ পর্যন্ত মরতেই হবে। পরিস্থিতিটা মোটেই অনুকূল নয়। বডি বিন্ডারের মত দু'জন দরজার কাছে দাঁড়িয়ে আছে। রকোভিচ গুর সামনে দাঁড়ানো। চার নম্বর লোকটা ডানদিকে, খানিক দূরে।

আলোচনা শেষ হলো। রকোভিচের কথাই থাকছে, কোনও ঝুঁকি নেয়া হবে না, এখানে এই কম্পার্টমেন্টেই গুপি করে মারা হবে ওকে, তারপর লাশটা ফেলে দেয়া হবে। পরবর্তী স্টেশনে নেমে যাবে সবাই।

চট করে জানালার দিকে তাকাল রানা। ট্রেইনের আওয়াজ বদলে গেছে, ফাঁপা শোনাচ্ছে, একটা স্টীলের ব্রিজের ওপর দিয়ে যাচ্ছে এখন ট্রেইন। অনেক নিচে নীল পানি দেখতে পেল রানা। বড় বেশি নিচে। কিন্তু বুঝতে পারছে, এটাই গুর বাঁচার শেষ সুযোগ। রিভলভার তাক করল

রকোভিচ। আন্তে আন্তে হাত আরও ওপরে তুলল রানা, হাতের কাছেই ইমার্জেন্সি ব্রেক কন্ট্রল, টান দিল ওটা ধরে, প্রচণ্ড একটা ঝাঁকি খেয়ে গতি কমে গেল ট্রেনের। রানা ছাড়া আর সবাই কম্পার্টমেন্টের বামদিকে ছিটকে পড়ল। এই সুযোগটির জন্যেই অপেক্ষা করছিল রানা, জানালা লক্ষ্য করে ডাইন্ড দিল ও, মুঠি পাকানো দু'হাত সামনে বাড়ানো :

শূন্যে উড়াল দিল ওর শরীর। ঝনঝন করে ভেঙে গেল জানালার কাঁচ। হাতে আর কপালে কাঁচের টুকরো গেঁদেছে, টের পেল রানা, ব্রিজের ব্রেইলিঙের ওপর দিয়ে ছিটকে পড়ল বাইরে, নামতে শুরু করল আকাশ থেকে ছেঁড়ে দেয়া একটা ভারী পাথরের মত। শরীর খাড়া করার সুযোগ পেল না, চোখের কোণে দেখতে পাচ্ছে থেমে দাঁড়িয়েছে ট্রেন। বাতাসে কাত হয়ে বেকায়দা সজ্জিতে পানিতে আছড়ে পড়ল ওর দেহ। যেন অনেক ওপর থেকে কংক্রিটের ওপর পড়েছে। সারা শরীর প্রচণ্ড একটা ঝাঁকি খেল, মনে হলো একটা হাড়ও আর আস্ত নেই। পানিতে ডুবে গেল ও, হাঁসফাঁস করতে করতে মাথা জাগাল তারপর।

আচ্ছন্ন মনে হলো নিম্নেক। শরীরে তীব্র ব্যথা। হাত আর মুখের কাটাগুলো জ্বলছে। কপাল ভাল, তীর বেশি দূরে নয়, সাঁতার কাটতে শুরু করল ও অবসন্ন দেহে। পাথুরে তীরে উঠে পেছনে তাকাষ একবার, মাথার ঝাপসা ভাবটা কেটে যাওয়ায় ব্যথা কত বেশি সেটা টের পাচ্ছে। হাড়-মাংস আলাদা হয়ে গেছে যেন। শরীর টেনে-টেনে সামনে গাছের

মোসাদ চক্রান্ত

সারির দিকে এগোল রানা। মাত্র কয়েক পা, তারপরই মনে হলো ঐ উন্নত লোহার উত্তপ্ত পেরেক ঢুকিয়ে দিয়েছে কেউ। আচমকা মনে হলো মুণ্ডরের বাড়ি পড়েছে, পাশ ফিরে গেল ও বুনেটের ধাক্কায়। বিস্ফোরণের আওয়াজটা তনতে পেল। দেখল ব্রিজ খেমে থাকা ট্রেন থেকে নেমে এসেছে সেই চারজন, দৌড়ে আসছে ফুটপাথ ধরে, এক্ষুণি নামতে শুরু করবে তীর বেয়ে। তীরে ও যেখানে আছে সেখানে আসতে সময় লাগবে ওদের। রানার পায়েয় কাছে পাথরের কুটি ছিটাল আরেকটা বুনেট। পায়ের দিকে তাকাল রানা। -৪৫ ব্যবহার করছে মোসাদের এজেন্টরা। ফিনকি দিয়ে রক্ত বের হচ্ছে, প্যাঁট স্ফিজে গেছে। একটার পর একটা অসহ্য ব্যথার ঢেউ আছড়ে পড়ছে যেন।

ঘুরে দাঁড়াল রানা, পা টেনে টেনে দৌড় দিল গাছের সারির দিকে, আহত পা-টা মস্তিষ্কের নির্দেশ মানতে চাইছে না, মনে হচ্ছে যেন রাবারের তৈরি, এক্ষুণি ভাঁজ হয়ে যাবে। বুনেটের চেয়ে পানিতে আছড়ে পড়ার আঘাতটাই বেশি অনুভব করছে ও। কেমন যেন ঘোলা হয়ে আসছে মাথা। গা কাঁপিয়ে জ্বর আসছে। আর এগোতে হচ্ছে করছে না। ওরে পড়লে ভাল লাগত। চোখের সামনে কাঁচা-পাকা কুঁচকানো জ্র দেখতে পেল ও। জলদগম্বীর সেই কঠ, যে কঠের নির্দেশে হাসিমুখে মরতে পারে ও, সেটা যেন বলছে, পালাও রানা! পালাও!

হামাগুড়ি দিয়ে বসে পড়ল রানা, চার হাত-পায়ে এগোল

গাছের সারির দিকে, রক্তকরণে জনমেই নিঃশেষ হয়ে আসছে শক্তি। একবার পা-টা দেখল। মনে হলো রক্তলাল একটা কখন। বুঝতে পারছে, রক্তের একটা মোটা রেখা পেছনে ফেলে যাচ্ছে ও, মোসাদের এজেন্টরা সহজেই ওকে খুঁজে বের করে ফেলতে পারবে।

দ্রুত হামাগুড়ি দিচ্ছে রানা, গাছের সারি হঠাৎ করেই শেষ হয়ে গেল, সামনে একটা খেত। কয়েকটা গরু চরছে খেতের পাশে। মাথা উঁচু করে ভাকানোটোও যেন একটা অত্যাচার। সোলা হয়ে আসছে দৃষ্টি। সবুজ খেতের ওপারে একটা ফার্মহাউস আর বার্ন। মনের সমস্ত জোর একত্রিত করে উঠে দাঁড়াল রানা, টলতে টলতে এগোল, বারবার মাথা ঝাঁকিয়ে দৃষ্টি পরিষ্কার করার জন্যে। একবার ওই বার্নে পৌছোতে পারলে হয়তো লুকিয়ে থাকতে পারবে ও। আন্তে করে মাথা নাড়ল রানা, হাসল। লুকানো সম্ভব নয়, রক্তের রেখা ওকে ধরিয়ে দেবে। এভাবেই তাহলে শেষ হয়ে গেল ওর জীবন? গাছের সারির পাশ দিয়ে খুঁড়িয়ে হাঁটছে ও, হঠাৎ গুনতে পেল কচি কঠোর চিৎকার। খুব কাছেই কোথাও আছে বাচ্চাটা, নাকি ভুল গুনছে ও? অনেক দূর থেকে ভেসে এল না আওয়াজটা?

ধপ করে বসে পড়ল রানা, চোখের সামনে দুলছে পৃথিবী। ওয়ে পড়ল। দেখল ওর ওপর ঝুঁকে দাঁড়িয়ে আছে বাচ্চা মেয়েটা, বড় বড় চোখে ভয় নিয়ে ওকে দেখছে। সোনালী চুল, বয়স বড়জোর দশ হবে। চোখের কোণে মেয়েটারই বড় মোসাদ চক্রান্ত

একটা সংস্করণ দেখতে পেল, এগিয়ে আসছে বার্নের দিক থেকে। মাথা তোলার চেষ্টা করল, পারল না। এখনও স্বপ্নান ভাঙে ওর, কিন্তু বারবার আপসা হয়ে যাচ্ছে দৃষ্টি, মাথাটা ঘুরছে বনবন করে। চোখের সামনে ভাসছে সাদা কুয়াশার মেঘ। টের পেল, দুটো হাত ওর কাঁধ ধরে তোলার চেষ্টা করছে। চোখের সামনে মহিলার মুখটা দেখতে পেল। নিম্পাপ, মিষ্টি একটা চেহারা। শুকে দাঁড় করাণোর চেষ্টা করছে মহিলা।

‘না...না...’ মাথা নাড়ল রানা। ‘একটা হইলবারো... হইলবারো আনুন।’

ঘাসে রানার মাথা নামিয়ে রাখল মহিলা, রানা শুনতে পেল মেয়েকে কি বেন নির্দেশ দিচ্ছে।

আর কিছু স্পষ্ট বুঝতে পারছে না রানা। শুধু টের পেল ওকে তোলা হচ্ছে একটা কিছুতে। ঘন-ঘন ঝাঁকি খেল ওর দেহ, মনে হলো মরে যাবে ব্যাখায়। পলকের জন্যে দৃষ্টি পরিষ্কার হলো, দেখল ফার্মহাউসের কাছে ওকে নিয়ে এসেছে মহিলা, বাক্সা মেয়েটির উদ্ভিগ্ন মুখটা দেখতে পেল, ঝুঁকে আছে ওর ওপর।

‘ওরা আসছে,’ ফিসফিস করল রানা। ‘ওরা আমাকে মেয়ে ফেলতে আসছে।’ আর কিছু বলতে পারল না, চোখের সামনে সবকিছু অস্কার হয়ে পেল। জ্ঞান হারিয়েছে রানা।

*

অচেতনতা ঘুমে পরিণত হয়েছিল, কয়েক ঘণ্টা পর ভাঙল

রানার ঘুম, অনুভব করল, শরীরের ব্যথা কমেনি। অন্ধকার
 একটা ঘরে আছে ও। বাতাসে তুমোট একটা জ্বল। বোধহয়
 কোনও সেনারে রাখা হয়েছে ওকে। চুপ করে শুয়ে থেকে
 মাথা পরিষ্কার করার চেষ্টা করল। হাত দিয়ে দেখল, একটা
 সিঁজল খাটে শুয়ে আছে, গায়ে একটা কঙ্কল ছাড়া আর কিছু
 নেই। ট্রেড, করতে গিয়ে ব্যথায় আরেকটু হলে কাতরে
 উঠেছিল। প্রতিটা মাংসপেশি ব্যথা করছে। বাঁ পায়ে একটা
 আলাদা ধরনের ব্যথা। হাত দুটো ছিলে গেছে, ব্যাণ্ডেজ করে
 রাখা হয়েছে।

গভীর করে দম নিল রানা, চুপ করে শুয়ে আছে। বুঝতে
 পারছে ট্রেন থেকে লাফ দেয়ার খাফা সামলে নিতে সমস্ত
 লাগবে ওর। শুনতে পেল একটা দরজা খোলার শব্দ। দরজাটা
 সীলিঙে। দীর্ঘ একটা চৌকো হলদে আলো এসে পড়ল ঘরে,
 দেখা গেল সিঁড়ির ধাপগুলো। সেই মহিলা নামছে সিঁড়ি বেয়ে,
 হাতে একটা জুলন্ত লণ্ঠন। পেছনে সেই ব্যাফা মেয়েটাও
 আছে, পরনে নাইটগাউন।

‘জ্ঞান ফিরেছে তাহলে,’ বলল মহিলা, ইংরেজিতে সামান্য
 সুইস অ্যাকসেন্ট। ‘ভাল।’

জ্ঞান হারানোর আগে ঠিকই দেখেছে, বুঝতে পারল রানা,
 মহিলা সত্যি মিথি দেখতে। চট করে ওর মায়ের ছবিটা
 চোখের সামনে ভেসে উঠেই মিলিয়ে গেল। পরমুহুর্তে রক্তাক্ত
 মা’র ফোকলা হাসি। কোথায় যেন মিল আছে এই ভিনদেশী
 সুইস মহিলার সঙ্গে ওদের। মাতৃহৃৎ হবেও বা।

মোসাদ চক্রান্ত

সোনালী চুল মহিলার, মুকুটের মত করে বেঁধেছে। গোল মুখ, রসাল পুরুই ঠোঁট, পরনে দীর্ঘ কাট আর গাঢ় নীল ব্লাউজ। ব্লাউজটা হালকা নীল মায়াময় চোখের সঙ্গে চমৎকার ম্যাচ করেছে।

‘কেমন লাগছে এখন?’ জিজ্ঞেস করল মহিলা, খাটের পাশে কাঠের একটা টেবিলে লণ্ঠনটা নামিয়ে রেখে ঝুঁকে দেবল ওকে। টেবিলের পাশে একটা চেয়ারও আছে, বসল সেটায়ে।

মৃদু হাসল রানা, বলল, ‘বাখায় মনে হচ্ছে আমি বারো তলা নালানের ছাদ থেকে পড়ে গুছি।’

‘আপনি ঠিক তা-ই করেছেন, মিটার মাসুদ,’ মহিলাও হাসল। ‘তবে পড়ে যাননি, লাফ দিয়ে নেমেছেন।’ গলার স্বরটা এবার দুঃখপ্রকাশের মত শোনাল। ‘আমি আপনার কাগজপত্র ঘেঁটে দেখেছি। ওই লোকগুলো বলল আপনি একজন গলাতক বন্দি, ট্রেইন থেকে ঝাঁপিয়ে পানিতে পড়ে পালিয়ে যাবার চেষ্টা করেছেন।’ শিউরে উঠল মহিলা, হঠাৎ করে মনে হলো অনেক দূরে চলে গেছে তার দৃষ্টি। ‘ভয় লাগে ওদের দেখে। যা হচ্ছে তা-ই করতে পারে। ঠাণ্ডা মাথায় খুন করতেও বাধবে না। আমি জানি ওরা কিরে আসবে।’

‘কি করে শিওর হচ্ছেন?’ জিজ্ঞেস করল রানা।

‘আগেও ওদের মত পতদের সঙ্গে দেখা হওয়ার দুর্ভাগ্য হয়েছে আমার।’ দেয়ালের দিকে তাকাল মহিলা, চোখের কোণে টলটল করছে অশ্রু। ‘আমার স্বামী ইন্টারপোলে ছিল।

একদিন এদের মত একদল লোক এল, ধরে নিয়ে গেল
ওকে। আর কোনও হোজ পাওয়া গেল না ওর। লাশটাও
পাওয়া যায়নি।’

‘আমি দুঃখিত। আপনি ওদের কথা নিশ্চয়ই বিশ্বাস
করেননি?’

‘না। পলাতক বন্দি কখনও আপনার মত পাসপোর্ট আর
পরিচয়পত্র বহন করে না। জানি না ওরা কেন আপনাকে
খুঁজছে, কিন্তু আপনি আর যাই হোন কোনও আসামী নন এটা
আমার মনে হয়েছে।’

‘এই দেখুন কি অভদ্র লোক আমি,’ বলল রানা, ‘আপনার
নামটা পর্যন্ত জিজ্ঞেস করিনি।’

‘ইরিনা গ্রাটস্কা।’ মেয়েটাকে দেখাল। ‘ও বার্থা, আমার
মেয়ে।’ উঠে দাঁড়াল। ‘চলো বার্থা, তোমার ঘুমের সময় হয়ে
গেল।’

মহিলা মেয়েকে নিয়ে চলে যাবার পর চোখ বন্ধ করল
রানা, ঘুমিয়ে পড়ল কয়েক সেকেন্ড পর। আবার ওর ঘুম
ভাঙল ট্রাপ ডোর খোলার আওয়াজে। এবার একাই এসেছে
ইরিনা। পোশাক বদলে এসেছে, ঘুমের আগে একবার
রানাকে দেখে যাবে। ওপক একটা নাইটগাউন তার পরনে,
কাঁধে ঝুলছে একটা শাল। দীর্ঘ এলো চুল পিঠে ছড়িয়ে
আছে। প্রশান্ত, কোমল, স্নেহময়ী, ব্যক্তিত্বপূর্ণ। রানার মনে
হলো ভার্মিয়ার পেইন্টিং থেকে নেমে এসেছে মহিলা।

হাতে একটা পট। হেতর থেকে একটা চামচের লেজ

বেরিয়ে আছে। পটে সুপ। অগূৰ্ব স্বাদ। চেয়ারে বসে রানার
থাওয়া দেখছে ইরিনা। ধীরে-ধীরে যাচ্ছে রানা। গুর সুবিধের
জন্যে পিঠের নিচে আরেকটা বাগিশ রাখল মহিলা।

‘আপনার পোশাক সব নষ্ট হয়ে গেছে,’ বলল। ‘আমার
স্বামী আপনার মতই লম্বা ছিল। মনে হয় ওর পোশাক
আপনার গায়ে হবে।’ অশ্রু এখনিই কোনও কাজে আসবে না
ওগুলো আপনার। সুস্থ হতে বেশ সময় নেবেন আপনি।’ একটু
ধিখা করল ইরিনা, ঠোটে তার বিমাদম্বা মলিন হাসি।
বলল, ‘আশা করি আপনি অপ্রতুষ্ট হননি আমি আপনার
পোশাক খোলায়।’

আন্তে করে মাথা নাড়ল রানা, মুখটা লাল হয়ে উঠেছে।
প্রসঙ্গ পরিবর্তন করল, ‘আপনি একাই ফার্মটা চালান? আর
কোনও লোক তো দেখলাম না।’

‘ছোট ফার্ম। একাই চালাতে পারি। চাষের সময় হলে
লোক ভাড়া করি।’

কেন দায়িত্ব মনে করছে নিজেও বলতে পারবে না রানা,
ও জিজ্ঞেস করল, ‘একটা ব্যক্তিগত প্রশ্ন করব?’

একটু ধিখা করল ইরিনা, তারপর বলল, ‘করুন।’

‘আপনি কি একাই বাকি জীবন কাটিয়ে দেয়ার কথা
ভাবছেন?’

‘কেন?’ হাসল ইরিনা। ‘আমার তো কোনও অসুবিধে
হচ্ছে না। তাম্বাড়া ইউরোপের পুরুষরা বাচ্চা আছে এমন
মেয়েদের বউ হিসেবে পছন্দ করে না। হয়তো কোনও একদিন

বিয়ে করব, যদি পছন্দমত কাউকে পাই, আর সে যদি রাজি হয় ।’

‘নিশ্চয়ই পছন্দ মত কাউকে পাবেন । সে কৃতজ্ঞ হয়ে যাবে আপনাকে পেলে ।’ অস্তর থেকে কথাটা বলেছে রানা । এবার কাজের কণায় এল । ‘ওরা যদি ফিরে আসবে বলে মনে করেন তাহলে এখন থেকে আগেই চলে যাওয়া উচিত আমার ।’

‘যাওয়ার তুলনায় আপনি এখনও অনেক দুর্বল,’ আপত্তির সুরে বলল ইরিনা । ‘তাছাড়া এখানে ওরা আপনাকে খুঁজে পাবে না । আপনি এখানে নিরাপদ ।’

উঠে দাঁড়াল মহিলা । ‘আমি আপনার পায়ের ড্রেসিংটা বদলাব এখন ।’ ঘরের উল্টোপাশে রাখা একটা কাঠের সিঁদুক থেকে পরিষ্কার কাপড়ের টুকরো বের করল, কাজ শুরু করল সাবধানে । তাতেও ব্যথা কম লাগছে না । ড্রেসিং হয়ে যেতে স্বস্তির শ্বাস ফেলে বিছানায় পা এলিয়ে দিল রানা । সাহস দিয়ে হাসল মহিলা, তারপর লণ্ঠনটা তুলে নিয়ে বেরিয়ে গেল সেনার থেকে । চোখ বুজল রানা, ঘুমিয়ে পড়ল দেহতে দেখতে ।

সকালে বেশ বেলা করে ভাঙল ঘুম । আবছা ভাবে তনতে পেল, ওপরের ঘরে কারা যেন কথা বলছে । উঠে বসল ও । শরীরের ব্যথা প্রায় নেই বললেই চলে, কিন্তু পা-টা এখনও আড়ষ্ট । একটু পর কথা খেমে গেল, ট্র্যাপ ডোর খুলে নেমে এল ইরিনা ফটকা, গভীর চেহারা । বলল, ‘আমি বলেছিলাম
৮-মোসাদ চক্রান্ত -

না ওরা ফিরে আসবে? দু'জন বাড়তি লোক নিয়ে এসেছিল। মোট ছ'জন।' আরেকবার ড্রেসিং বদলে দিল রানাকে। রানা দেখল চিন্তিত দেখাচ্ছে মহিলাকে, কিছুটা বেন ভীত। কান্ন করতে করতে বলল, 'সব কয়টা ফার্ম হাউসে গিয়ে খোঁজ নিচ্ছে ওরা।'।

'ওরা জানে আমি বেশি দূর যেতে পারব না,' বলল রানা। 'আমাকে যদি না পায় তাহলে ওরা আপনার কোনও ক্ষতি করবে না। আমার চলে যাওয়া উচিত।'।

'আমাদের জানো চিন্তা করবেন না,' বলল ইরিনা। 'আপনাকে সাহায্য করতে পারছি বলে ভাল লাগছে। ভাবতে ভাল লাগছে যে আমার স্বামীকে বারো মেরেছে তাদের মত একদল পশুর হাত থেকে আপনাকে বাঁচাতে পেরেছি।'। একটু ইতস্তত করল। 'আম্মা, কেন বুঁজছে ওরা আপনাকে? আসলে কে আপনি?'

সত্যি কথাটা জানার অধিকার আছে মহিলার। তাছাড়া বললে কোনও ক্ষতিও নেই, কাজেই সত্যি বলল রানা। নিজের পরিচয় আর অ্যাসাইনমেন্টের কথা জানাল।

'এমন কিছুই হবেন আপনি, ভেবেছিলাম,' রানা থামতে বলল ইরিনা ফ্রটকা। সিঁড়ির ধাপে পা দিয়ে ঘুরে তাকাল। 'ছেনে ভাল লাগল যে ন্যায় প্রতিষ্ঠা করার জন্যে আপনাদের মত লোকরা আজও জীবনের ঝুঁকি নেয়।'।

জবাব দিল না রানা, মৃদু হাসল। চলে গেল ইরিনা ফ্রটকা। আবার বিশ্রামের পালা। বিকেল নাগাদ নিজেকে প্রায়

সুস্থই মনে হলো ওর। পা-টা অবশ্য এখনও সমস্যা করছে।
গোল একটা ফুটো করেছে বুলেট। কপাল ভাল, কোনও শিরা
বা রগ ছিঁড়ে নিজে যায়নি। দপদপ করছে কতস্থান, কিন্তু ও
জ্ঞানে দ্রুত ভরে উঠছে জখম।

বিকলে মহিলা আবার যখন এল দুধ, ক্রটি আর পনির
নিয়ে, রানা লক্ষ করল কেমন মলিন দেখাচ্ছে তাকে। 'ওরা
আবার এসেছিল,' বলল রানা। আন্তে করে মাথা দোলান
ইরিনা গ্রুটকা।

'যেখানে আপনাকে হইলবারোতে হুলেছিলাম সে পৃথক
রক্তের দাগ অনুসরণ করে এসেছে ওরা। ওখানে রক্তের দাগ
শেষ হয়ে যাওয়ায় ওরা সন্দেহ করছে এখানেই কোথাও
লুকিয়ে আছেন আপনি।'

'আপনাকে সন্দেহ করছে ওরা,' বলল রানা। কোনও
জবাব দিল না ইরিনা গ্রুটকা। জবাব দেয়ার কোনও প্রয়োজন
হলো না। রানা স্থির করে ফেলল, এখানে আর থাকবে না ও।
ওর উপস্থিতি এমনভেই মহিলা আর তার মেয়ের জীবনে
বিরাত ঝুঁকি নিয়ে এসেছে, সেই ঝুঁকিকে নিশ্চিত বিপদে
পরিণত করা হবে এখানে থাকলে। সিদ্ধান্ত নিয়ে এসস
পরিবর্তন করল রানা, জানতে চাইল ফার্মের ব্যাপারে।

দুটো জিনিস নিয়ে ইরিনা গ্রুটকা বেশ গর্বিত। একটা
হচ্ছে তার ট্র্যাঙ্করের ফোর ডিক গ্লাউ, অন্যটা ফোব্রওয়াগেন
প্যানেল ট্রাক। কথায় কথায় জানাল, ফার্ম করতে ভাল লাগে
তার। বিশেষ করে গ্লাউটা কেনার পর ফার্ম করা সহজ হয়ে
মোসাদ চক্রান্ত

গিয়েছে। সন্তেরো ফিট চণ্ডা প্লাউ, ক্ষুরধার চারটে ডিঙ্ক ব্রেড; সারাদিন কাজ করলে চাহ দেয়ার পর বড় একটা খেতের মাটি চাক ভেঙে মই দেয়ার কাজও সারা যায়। অনেকক্ষণ রানাকে সঙ্গ দিল মহিলা, তারপর চলে গেল বার্মাকে ঘুম পাড়াতে।

চুপ করে শুয়ে আছে রানা, ভাবছে পরবর্তী পদক্ষেপ কি হতে পারে। এবাড়িতে আর থাকি চলে না। আবার যখন ওরা আসবে তখন হয়তো দুর্ব্যবহার করবে, নিজেরা পুরো সার্চ করতে চাইবে বাড়িটা। রানা এখানে থাকলে ইরিনা আর তার মেয়েকেও মরতে হবে ওর সঙ্গে। মোসাদ কোনও সাক্ষী রাখবে না। কিন্তু পা-টাকে আরও অন্তত একটা দিন বিশ্রাম দেয়া দরকার। বার্নে গিয়ে আশ্রয় নেবে, স্তাবল রানা। সন্দেহ নৈই, আগেই ভাল করে বার্ন খুঁজে দেখেছে রকোভিচের লোকরা। ওখানে আবার সহজে খোঁজার কথা নয়। লোকচক্ষুর আড়ালে থাকা বাবে বার্নে। পরিকল্পনা ঠিক করে চুপ করে শুয়ে থাকল, ঘুমাতে যাবার আগে আরেকবার ওকে দেখতে এল ইরিনা। দুয়েকটা কথা বলে চলে যাচ্ছে, এমন সময়ে মহিলার হাতটা আলতো করে ধরল রানা। 'একটা কথা বলব? নিজের মত করে বলতে চাই।'

'বলুন।'

'আপনাকে ধন্যবাদ। অনেক ধন্যবাদ। সবকিছুর জন্যে।...আর একটা কথা, দেখবেন খুব ভাল কেউ আসবে আপনার জীবনে।'

‘আপনার মতন?’ হাসল ইরিনা, চোখে বিষাদ।

‘না, আমি তো ভবঘুরে। আমার চেয়ে ঢের ভাল কেউ, আন্তরিক কণ্ঠে কথাটা বলল রানা, হাতটা ছেড়ে দিয়ে চোখ বুজল। সিঁড়িতে তনতে পেল ইরিনার পায়ের আওয়াজ, দূরে চলে যাচ্ছে, ট্র্যাপ ডোরটা বন্ধ হয়ে গেল, মিলিয়ে পেল আলোর রেখা। চারপাশ এখন অন্ধকার। তবে রানা এখন ঘুমাবে না।

অপেক্ষা করছে ও, ঘুমিয়ে পড়ুক মা-মেয়ে, তারপর বেরিয়ে যাবে ও নিঃশব্দে। মাঝরাত্ত পেরিয়ে যাবার অনেকক্ষণ পর উঠল রানা, ইরিনার দেয়া পোশাক পরে কাগজপত্র, টাকা-পয়সা আর ছোরাটা টেবিল থেকে তুলে নিয়ে সিঁড়ি বেয়ে উঠে ট্র্যাপ ডোর খুলে বেরিয়ে এল ফার্ম হাউস থেকে। বার্নটা বেশি দূরে নয়, বিশ কদম হেঁটে পৌঁছে গেল ওটার কাছে। দরজা খোলাই আছে। দোতলা বার্ন। ওপরে ঝড় রাবার ব্যবস্থা। একটা কাঠের মই আছে ওপরে ওঠার জন্যে। সাবধানে উঠল রানা, ঝড়ের একটা বেইল খুলে কিছুটা ঝড় ছিটাল ফাঁকা জায়গায় তারপর ওরে পড়ল। দেয়ালের পাশে ছোট একটা জানালা, চাঁদের কোমল আলো স্নান করিয়ে দিল ওকে। এবার রানা ঘুমাবে।

আট

তোর হাতে দেখল ও, পুকের আকাশে ধীরে-ধীরে ফুটে উঠল ধূসর আলোর রেখা। জানালা দিয়ে ফার্ম হাউসটা পরিষ্কার দেখা যাচ্ছে। পাশেই সবুজ মাঠ। এক ধারে গভীর একটা খান, বাক নিয়ে চলে গেছে চোখের আড়ালে। বার্নের ভেতর নজর বুলাল ও। গরুর ষ্টলের উন্টোদিকে চকচক করছে বার্নের কোনায় দাঁড় করানো ফোর ডিক্স প্রাউ। বার্নে বড়, গরু আর যম্বটা ছাড়া আর কিছু নেই। চোখ বুজল রানা। টের পাচ্ছে, ব্যাখা এক ব্রকমের ঘুমের ওষুধ, ভাসিয়ে নিয়ে যাচ্ছে ওকে ঘুমের জগতে।

নিচে নড়াচড়ার আওয়াজ পেয়ে পাটাতনের ফাঁক দিয়ে উঁকি দিল রানা। ইরিনা গরু বাইরে নিয়ে যাচ্ছে চরাতে। জানালা দিয়ে তাকাল, দেখল পিচ্চি বার্থী বাড়ি থেকে বের হয়ে মাঠের দিকে তাকিয়ে আছে। কি খুঁজছে মেয়েটা বুঝতে পারল ও। রানা চলে গেছে সেটা টের পেয়েছে ওরা। ওর চিৎ খুঁজছে।

গরুগুলোকে মাঠে ছেড়ে দিয়ে বাড়ির ভেতরে চলে গেল ইরিনা। চিৎ হয়ে শুলো রানা, যাত্রার আগে আহত পা-টাকে যতটা সম্ভব বিশ্রাম দিতে চাইছে। কয়েক মিনিট পর ভীক্ষ

চিংকারটা শুনে পেল ও, লোক দিয়ে আধবসা হয়ে গেল
খড়ের গানায়। কানালার কিনারায় চোখ রাখল।

ক্যান্টেন রকোভস্কি আর তার লোক, মোট ছয়জন। দু'জন
শক্ত করে ধরে রেখেছে ইরিনা গ্রুটসকে। হাতের উল্টোপিঠে
মহিলার গালে দ্বিতীয়বার চড় মারল রকোভস্কি। আরেকজন
ধরে আছে বার্থাকে। রকোভস্কির অন্য হাতে ধরা রক্তাক্ত
কাপড়গুলো দেখতে পেয়ে বুঝতে পারল রানা, ওর উপস্থিতি
ফাঁস হয়ে গেছে। ধারেকাছে ঘুরঘুর করছিল নিশ্চয়ই, রানার
ব্যাভেজের কাপড়গুলো বুজে পেয়েছে। ইরিনা বোধহয় না
পুড়িয়ে গারবেজ পাইলে রেখেছিল ওগুলো। নিজেকে গাল দিল
রানা, ইরিনাকে সতর্ক করা উচিত ছিল ওর।

‘বল্ ডাইনী, কোথায় ও!’ ভয়ঙ্কর দেখাচ্ছে রকোভস্কির
চেহারা। মুখটা টকটকে লাল। পাশ ফিরে নির্দেশ দিল,
‘ন্যাঙটো করে মামীকে বাঁধো একটা গাছের সঙ্গে।’

ঝটকাঝটকি শুরু করল গ্রুটকা, দু'হাতে পোশাক জড়িয়ে
ধরল, কিন্তু কোনও লাভ হলো না, পড়পড় করে ছিড়ে নেয়া
হলো তার ব্লাউজ আর জার্ট, হিচড়ে টেনে নিয়ে বাঁধা হলো
একটা শুকন পাইন গাছের সঙ্গে। লজ্জায় লাল হয়ে গেছে
ইরিনা গ্রুটসার চেহারা, ফোঁপাচ্ছে অগমানে।

রকোভস্কির নির্দেশে কোমরের চওড়া চামড়ার বেল্টটা
খুলল একজন। দ্বিতীয় নির্দেশে সজোরে হাত ঘুরিয়ে চালান
ওটা গ্রুটসার বুকে। চড়াং করে আওয়াজ হলো। ফর্সা
চামড়ায় লম্বা একটা দাগ পড়ে গেল বুকে। লাল।

‘মাত্র কি আসছে তার নমুনা দিলাম,’ বলল রকোভস্কি
মোসাদ চক্রান্ত

নিরাবেগ কণ্ঠে। 'কোথায় ও? কোথায় লুকিয়ে রেখেছ?'

'চলে গেছে ও. এখানে নেই,' ফোঁপানোর ফাঁকে বলল
গ্রনটকা।

আঙুল তুলে নাড়ল রকোভিচ। আবার নেমে এল চামড়ার
বেল্ট। আবার। আবার। স্পষ্টতই অসহায় মেয়েটাকে মারতে
মজা পাচ্ছে লোকটা।

দাঁতে দাঁত চাপল রানা। গ্রনটকার সাদা চামড়া ফেটে
দরদর করে রক্ত ঝরছে। রকোভিচের নির্দেশে আবার বেল্ট
দিয়ে পেটানো শুরু হলো। এখন এক নাগাড়ে তীব্র কণ্ঠে
আতঁচিকার করছে ইরিনা গ্রনটকা। পেটানো বন্ধ হতেই
মাথাটা বুকের কাছে ঝুলে এল। ধরথর করে কাঁপছে সারা
শরীর।

'কথা বলার ইচ্ছে জাগছে?' চুল ধরে মাথাটা উঁচু করে
শাস্ত স্বরে জ্ঞানভে চাইল রকোভিচ। মেয়ের দিকে তাকাল
ইরিনা। বিস্ময়িত চোখে দেখছে বাচ্চা মেয়েটা, দু'গাল বেয়ে
নামছে অশ্রুবিন্দু।

'কিছু বলবি না এদের,' চেষ্টাচাল ইরিনা। 'এদের মত
লোকরাই তোর বাবাকে খুন করেছিল।'

হঠাৎ করেই ঝটকা দিয়ে হাত ছুটিয়ে নিল বার্থা, সোজা
দৌড় দিল বার্ন লক্ষ্য করে।

'যেতে দাও ওটাকে,' রকোভিচের গলা গুনতে শেল
ক্রোধাক্ত রানা। 'যা জানার ওয় মায়ের কাছ থেকেই জানা
যাবে। কই, কি হলো, শুরু করো!'

ইরিনার আতঁনাদ আর বার্থার ফোঁপানির আওয়াজ

মিলেমিশে এক হয়ে যাচ্ছে। বার্নের ভেতরে এসে থামল বার্থা, রানার ঠিক নিচেই রয়েছে। দু'হাতে কান চেপে ধরে ফুঁপিয়ে কেঁদে উঠল, দু'গাল বেয়ে অশ্রু ঝরছে। কিছু একটা করতে হবে, বুঝতে পারছে রানা, ইচ্ছে হচ্ছে ঝাঁপিয়ে পড়ে অমানুষগুলোর ওপর। কিন্তু তা সম্ভব নয়। আত্মসমর্পণ করতে পারে। তাহলেও বাঁচবে না মা-মেয়ে। এদিকে কিছুতেই মুখ ঝুলবে না গ্রনটকা। আপাত কোমল মহিলার ভেতরে কঠিন আত্মনিয়ন্ত্রণের একটা শক্তি কাজ করছে। শীঘ্রি চামড়া কেটে মাংস ছিঁড়তে শুরু করবে বেন্টের চাবুক। সারাজীবনেও ওই দাণ আর মিলিয়ে যাবে না। নিচু গলায় বার্থাকে ডাক দিল রানা, মইয়ের প্রান্তে এসে দাঁড়িয়েছে। অবাক বিষয় নিয়ে ওপরে তাকাল মেয়েটা।

‘হ্যাঁ, আমি এখানে, বার্থা,’ ফিসফিস করে বলল রানা।
 ‘এখানে চলে এসো, তাড়াতাড়ি!’

মই বেয়ে উঠতে শুরু করল বার্থা, চোখ বিস্ফুরিত।

একটা মাত্র উপায় আছে মা-মেয়েকে বাঁচানোর, সেই সঙ্গে নিজেকে। সম্মল হবার সম্ভাবনা কতটা সেটা নির্ভর করছে বার্থার ওপর। জানালা দিয়ে আরেকবার খাদটা দেখে নিল রানা। দু'পাড় ঝাড়া ওটার। পাড়ের উচ্চতা দশ ফুটের কম হবে না, আন্দাজ করল রানা, চওড়ায় বড়জোর বিশ ফুট। সোজাসুজি চলে গেছে মাঠের শেষ প্রান্তে, দুশো ফুট দূরে। চওড়া যত কম হয় ততই ভাল।

‘আমরা তোমার আশ্রুকে বাঁচাব,’ বাচ্চা মেয়েটাকে বলল রানা। ‘তবে তোমাকে সাহায্য করতে হবে। আমি যা বলব মোসাদ চকনত

ঠিক তাই করবে তুমি. ঠিক আছে।'

আন্তে করে মাথা দোলান বার্থী, নিশ্চাপ চোখ দুটো
রানার ওপর, মনোযোগ দিয়ে কথা শুনেছে।

মই বেয়ে নামল ওরা। এক মুহূর্তের জন্যে আত্মচিহ্নকার
খামিয়েছে ইরিনা। আবার তাকে জিজ্ঞাসাবাদ করা হচ্ছে।
হাঁটাইটি করে পায়ের অবস্থাটা বুঝে নিচ্ছে রানা, শীঘ্র ঘৃণায়
গা রী-রী করছে ওর, পায়ের বাথটাকে আর পাতা দিচ্ছে না।
বার্নের দরজা দিয়ে বোঁকিয়ে এক দৌড়ে বাড়ির দিকে গেল
বার্থী, রানা চড়ে বসল চার মস্ত ব্রেডওয়ালা ট্র্যাঙ্করের ড্রাইভিং
সীটে।

বেন্টটা আবার ওপরে তুলেছে ইসরায়েলী এজেন্ট, 'এমন
সময় দৌড়াতে দৌড়াতে ওদের কাছে পৌঁছে গেল উত্তেজিত
বার্থী। মাঁকে মারতে উঠেছে দেখে চেষ্টা করে উঠল, 'খামুন!
খামুন! আমি বলছি লোকটা কোথায় আছে।' আঙুল তুলে
খাদটা দেখাল। 'ওটায় আছে। ওখানেই লুকিয়েছে।'

একটাক্ষে মুখ কালো করতে দেখে বিজয়ীর হাসি হাসল
রকোভিচ, হাতে অস্ত্র বেরিয়ে এল, মাথার ইশারায় সঙ্গীদের
আসতে বলে পা বাড়াল সে খাদের দিকে। লাফ দিয়ে পাশ
থেকে নামল ওরা খাদের ভেতর। এতক্ষণ অপেক্ষা করছিল
রানা, এবার ট্র্যাঙ্কর স্টার্ট দিয়ে বেরিয়ে এল ও বার্ন থেকে,
সোজা খাদ লক্ষ্য করে ছোটল ভয়াবহ চেহারার যন্ত্রটা।

খাদের মুখটা ঢালু, তারপরও ধপ করে খাদে নামল
ট্র্যাঙ্কর। কাঁচের ভেতর দিয়ে রানা দেখতে গেল চমকে গেছেন
কিরে তাকিয়েছে লোকগুলো। ওর উদ্দেশ্য বুঝতে দেরি হলো

না তাদের। খায় পুরো খাদ জুড়ে আসছে ট্র্যাঙ্কর, সামনে
ঘুরছে মস্ত চারটে ক্ষুরধার ব্রেড। ঘুরেই দৌড় দিল তারা।
বারবার ঘাড় ফিরিয়ে চাইছে। গতি বাড়াল রানা। লোকগুলো
বুকে ফেলল গতিতে হার মানাতে পারবে না। দু'পাশে উঁচু
পাড়, ওপরে ওঠার উপায় নেই।

থ্যাচ!

প্রথম আওয়াজটা গা শুলানো। সামনের লোকটাকে পেয়ে
গেছে ব্রেড, মুহূর্তে টুকরো টুকরো করে ফেলেছে।

ঘুরে দাঁড়াল রকোভিচ আর তার এজেন্টরা, গুলি করতে
শুরু করল। ট্র্যাঙ্করের কাঁচ ভেঙে গেল। মাথা নিচু করল
রানা। ঠং-ঠং করে ঘুরন্ত ব্রেডে লাগল কয়েকটা গুলি।

থ্যাচ! থ্যাচ! থ্যাচ!

কিরকির করে একটা আওয়াজ হলো, টুকরো
মাংসগুলোকে কিমা করছে ব্রেড।

মারা যাওয়ার আগে গলা কাটিয়ে চিংকার করে উঠল
রকোভিচ, পরমুহূর্তে থ্যাচ করে আওয়াজ হলো, ব্রেডের
ভেতর ঢুকে গেল তার দেহ।

আবারও সেই একই আওয়াজ।

শেষ অসুস্থকর আওয়াজটা শুনে তারপর থামল রানা,
ট্র্যাঙ্করটাকে বারকয়েক আঙপিছু করল, অবশিষ্ট হাড়-মাংস
মিশিয়ে দিল মাটিতে, তারপর গিছিয়ে ঢাল বেয়ে উঠে এল
খাদ থেকে। লাফ দিয়ে নামল ট্র্যাঙ্কর থেকে; পায়ের বাধা
অগ্রাহ্য করে চলে এল এন্টকার কাছে, মায়ের বাঁধন খুলে
ফেলেছে বাঁধা, পায়ের শাউ দিয়ে রানা ঢেকে দিল মহিলাকে।

মোসাদ চক্রান্ত

দু'জন ওরা, বার্থী আর রানা, ধরে ধরে আহত গ্রুটস্কাকে নিয়ে ঢুকল ফার্ম হাউসে, বিছানায় শুইয়ে দিল। এখনও কাঁপছে ইরিনার দেহ, থেকে থেকে ফুঁপিয়ে উঠছে ব্যথায়, চোখে আভঙ্কিত দৃষ্টি।

‘আর চিন্তা নেই,’ আশ্বস্ত করল রানা। ‘ওরা আর জ্বালাতে আসবে না। তবে আগামী কয়েকদিন খাদের ধারেকাছে যাবে না তোমরা।’ আর কিছু বলল না ও।

ইরিনার চোখ দুটো স্ফটিক, আরও তরে রানার হাতটা ধরল, ধরে থাকল অনেকক্ষণ। মহিলা। একটু সুস্থির হওয়ার পর তোরঙ্গের আর গরম পানির শব্দ শ্রবণ করল রানা, গ্রুটস্কার শরীর মুছিয়ে দিল যত্নের সঙ্গে। বলল, ‘এবার আমার নার্সিংয়ের পালা।’ সেদিন বার্থী আর রানা মিলে রান্না করল। দুপুরে ষাওয়া-দাওয়ার পর রানা জিজ্ঞেস করল ট্রেইন থেকে ও যেটাতে লাক দিয়েছিল সেটা ছাড়া ধারেকাছে আর কোনও লোক আছে কিনা। গ্রুটস্কা জানাল নদী আছে একটা, দশ মাইল উত্তরে।

মাঝরাতের পর ফোন্সওয়্যাগেন প্যানেল ট্রাকটা নিয়ে খাদের ভেতর নামল রানা, একটা কম্বল আর কোদাল ব্যবহার করে দেহাবশিষ্টগুলো কেচে তুলল মাটি থেকে। কাজটা করতে গিয়ে হেডলাইটের আলোয় দৃশ্যটা দেখে বমি চলে এল ওর। মোসাদের কিম্বা ট্রাকে তুলে নদীতে ফেলে দিয়ে এল ও, ফিরে এল রাত দুটোয়।

অবাক হতে হলো ওর। দ্রুত নিজেকে সামলে নিয়েছে ইরিনা গ্রুটস্কা, বিছানায় বসে আছে, ওর ফেরার অপেক্ষা

করছে। ইরিনার কাছ থেকে জেনে নিয়ে কিচেনে চলে এল ও, কাবার্ড থেকে ব্র্যান্ডি বের করে দু'পেগ পরিমাণ গলায় ঢালল। এতক্ষণে মনে হলো নাকের ভেতর থেকে বজ্রাক্ত লালেশের আঁশটে গন্ধটা গেল।

ও ফিরে আসতে ইরিনা বলল, 'রানা, জানি তুমি দু'একদিন পর চলে যাবে। একটা অনুরোধ করব, রাখবে? শোবে আমার পাশে? তোমার কাছে আর কিছুই আমি চাই না। শুধু একটু সঙ্গ। দেবে না?'

ঘুমন্ত বার্ণাকে একবার দেখে এলো রানা, তারপর ঢুকল ওর মায়ের ঘরে। অপেক্ষা করছে ইরিনা। মহিলার মাথাটা বুকে নিয়ে শুয়ে পড়ল ও পাশে। একটু পরই ওকে জড়িয়ে ধরে বাচ্চা একটা মেয়ের মত ঘুমিয়ে পড়ল ইরিনা, ভারী হয়ে এল শ্বাস-প্রশ্বাস। এক সময় রানার চোখেও নামল ঘুম।

মার সকালে ওদের ঘুম ভাঙল। কৃতজ্ঞ চোখে রানার দিকে চাইল ইরিনা, কোনও আপত্তি শুনল না, একটু পরই ব্যস্ত হয়ে গেল ব্রেকফাস্ট তৈরির কাজে।

সেই রাতে বিদায় নিল রানা, কথা দিল আবার ফিরে আসবে কখনও। ওকে কাছের একটা শহরে পৌছে দিল ফ্রট্‌কা। সেখান থেকে জুরিখের একটা মিড ট্রেন ধরল রানা, এখন ও জানে কাকে খুঁজে বের করতে হবে, কেন এবং কে দায়ী।

কার্ল ক্রিস এখনও বহাল তরিয়তে আছে, ডাবছে সে নিরাপদ। নিষ্ঠুর এক চিলতে হাসি ফুটে উঠল রানার ঠোঁটে। লোকটার ডুল ধারণা জাঙবে।

নয়

ভূমিখ।

রাত নেমেছে। আকাশে জ্বলজ্বল করছে হাজারো নক্ষত্র। রানা তৈরি। ফোন নাচার দেখে টেলিকোন ডিরেক্টরি থেকে কার্ল ক্রিসের বাড়ির ঠিকানা বের করে নিয়েছে ও, ঠিক করেছে আজ রাতে ওখানে যাবে।

হোটেল হিলটন থেকে বেরিয়ে একটা ট্যাক্সি নিল রানা, রাত আটটা। উচ্চ-মধ্যবিত্তদের একটা এলাকায় সুন্দর একটা বাড়িতে থাকে কার্ল ক্রিস। আগের ব্রকের কাছে ট্যাক্সিটা ছেড়ে বাকি পথ হেঁটে এল রানা। আরেকটু হলেই কার্ল ক্রিসের সঙ্গে দেখা হয়ে গিয়েছিল ওর, লোকটা বাইরে কোথায় যেন যাচ্ছে। চট একটা গাছের আড়ালে সরে গেল রানা, ওকে ক্রিস দেখতে পায়নি।

গটপট করে হেঁটে দূরে চলে গেল সুঠামদেহী লোকটা। ভাল পোশাক পরে আছে, পল কোনও রেস্তোরাঁয় ডিনার সারতে যাচ্ছে হয়তো, আবার এমনও হতে পারে যে রাতটা সে বাইরে কোনও বাকবীর বাসায় কাটাবে। দূর দিয়ে বাড়িটা

একপাক ঘুরে এল রানা। একটা জানালাতেও আলো জ্বলছে না। জানালাগুলো নিচুতে, ঢোকার জন্যে ঘেন ঢাকছে কাছে। পেছনের একটা জানালার ওপর হামলে পড়ল রানা।

সাধারণ ছিটকিনি দিয়ে আটকানো। জানালাটা খুলতে পাঁচ মিনিটের বেশি লাগল না ওর। ওপরে উঠে গেল শার্সি। সাবধানে নজর বোলাল রানা। ইলেকট্রিকাল একটা অ্যালার্ম সিস্টেম আছে। ওটা অক করে পনেরো সেকেন্ড পর ঘরের ভেতরে পা রাখল রানা, জানালাটা বন্ধ করে দিল পেছনে।

সৌধিন লোক কার্ল ক্রিস, প্রতিটা ঘরে জ্বলছে নীল ডিম-লাইট। রানার সুবিধে হলো। আলো বেশি নয়, তবে সার্চ করার জন্যে যথেষ্ট। লিভিং রুম, কিচেন আর বেড রুমে অস্বাভাবিক কিছুই গেল না রানা। লিভিং রুমের একটা দরজা দিয়ে ষ্টাডিতে যাওয়া যায়। ঘরে ঢুকে দরজা বন্ধ করে পর্দা টেনে দিল জানালার, তারপর একটা ল্যাম্প জ্বালল। ডেকের ওপর আইএসএসের কাগজপত্র ছাড়া আর ভেয়ান কিছু নেই।

ল্যাম্প নিভিয়ে দিয়ে হলওয়ায়েতে ঝেরিয়ে এল রানা। ওখানে একটা দরজা আছে সিঁড়ির সামনে। সিঁড়িটা নিচের বেসমেন্টের দিকে নেমে গেছে। সিঁড়ির শেষ প্রান্তে দেয়ালের পায়ে একটা বড় সুইচ, ওটা অন করল রানা।

আলোয় ভেসে গেল বিশাল চৌকোনা ঘরটা। দৈর্ঘ্য-একুই চত্বিশ ফুট বাই তিরিশ ফুট হবে। দেয়ালে সাউন্ডপ্রফ ওয়ালবোর্ড। ঘরের মাঝখানে একটা ল্যাব টেবিল। ওটার ওপর এলোমেলো ভাবে দাঁড়িয়ে আছে অসংখ্য টেস্ট টিউব আর বৈজ্ঞানিক যন্ত্রপাতি। রানার নজর কাড়ল আংশিক খোলা

একটা ছোট পিস্তল। ওটার পাশেই পড়ে আছে কিসের যেন
 বু-প্রিন্ট। পিস্তলটা হাই পাওয়ার কম্ব্রেশনড্ এয়ার-পিস্তল,
 আগেও এধরনের জিনিস দেখেছে ও। ইসানীং হাইপডারমিক
 সিরিঞ্জের বদলে ডাক্তাররা এগুলো ব্যবহার করছেন
 ইন্জেকশনের ব্যথা কমাতে। চামড়ার কাছে পিস্তল ধরে ফায়ার
 করা হয়, রোমকূপ দিয়ে বিদ্যুৎবেগে ভেতরে ঢুকে যায় ভরল,
 রোগী শ্রায় কিছুই টের পায় না সামান্য চুলকানি ছাড়া।

টেবিলে যেটা পড়ে আছে সেটা দিঘে বিষ অথবা ভাইরাস
 -যেকোন কিছুই চামড়ার ভেতরে ঢুকিয়ে দেয়া সম্ভব। যার
 ভেতরে চুকছে সে শ্রায় কিছুই টের পাবে না। বু-প্রিন্টে
 মনোযোগ দিল রানা। আরও ছোট এবং শক্তিশালী পিস্তলের
 মডেল কাগজে আঁকা আছে।

ছোট একটা বোতল গর নজর কাড়ল। কাগজের লেবেল
 ওটার গায়ে। হাতে তুলে নিল রানা। পড়ল। ভাইরাস এস
 ২৬-এর অ্যান্টিডোট।

হঠাৎ করেই ঘাড়ের কাছের চুলগুলো দাঁড়িয়ে গেল ওর,
 মনে হলো কেউ ওকে দেখছে। সতর্ক হয়ে উঠল রানা। কেউ
 না কেউ আছে ঘরে ও ছাড়াও। ধীরে ধীরে ঘুরে দাঁড়াল রানা।
 সিঁড়ির গোড়ায় দাঁড়িয়ে আছে কার্ল ক্রিস, হাতে কুৎসিত দর্শন
 একটা নাকবোঁচা রিস্তলভার।

মোজা পরে আছে লোকটা, জুতো নেই। এত নিঃশব্দে
 সেজন্যেই আসতে পেরেছে।

‘বলতেই হয় আমি অবাধ হয়েছি,’ বলল কার্ল ক্রিস।
 ‘মাসুদ রানা। আমার ঘরে? স্বাগতম!’ মুচকি মুচকি হাসছে
 ১২৮

লোকটা, কিন্তু চোখ দুটোর পাখরের মত নীতল দৃষ্টি। 'শত্রু হিসেবে তোমাকে আমি যাথেষ্ট দাম দিই, রানা। তবে আমার সমকক্ষ মনে করি না। আমার সমকক্ষ হলে এতদিনে বিসিআইয়ের চীফ হয়ে যেতে হুমি।' আন্তে আন্তে সামনে বাড়ছে। 'আমার কারিয়ার শেষ করে দিয়েছ হুমি, রানা। আমার দুর্ভাগ্য যে মোসাদেয় ইউরোপিয়ান সেকশনের সমস্ত ফিল্ড এজেন্ট তোমার হাতে মারা গেছে। তবে ক্ষতিটা আমি পুথিয়ে নেব ঠিক করেছি।'

'টের পেনে কিভাবে?' জিজ্ঞেস করল রানা।

'তোমার বোকামিতে,' বলল ক্রিস। 'তুমি চুপেই জানতে পেরেছি। প্রতিটা দরজা-জানালায় একটা করে ইলেকট্রিকাল আই বসিয়ে রেখেছি আমি। ওগুলো একটা সিগন্যাল পাঠায় একটা রিসিভিং সেটে। আমার পকেটে ছোট্ট একটা বাঘার বেজে ওঠে। তবে আমি জানতাম না তুমি আসবে।...কাজের কথায় আসি, কিভাবে মরতে চাও, রানা? বলেছি তোমাকে আমি বেশ বুদ্ধিমান বলে মনে করি। এক গুলিতে তোমাকে শেষ করে দিলে সারাজীবনেও আমার আফসোস যাবে না।'

রানার দৃষ্টি অনুসরণ করে দু-খিটটা দেখল সে। 'ওটা আমার নতুন ক্যালকুলেশন। জিনিসটা ম্যাচের একটা বাস্তব চেষ্টা বড় হবে না।' বাম হাত পকেটে ঢুকিয়ে বের করে আনল। 'দেখতে চাও? এই যে দেখো, তৈরি করেছি একটা।' তালুতে রাখা চৌকোনা ছোট্ট বাক্সটা দেখাল সে।

চট করে মনে পড়ল রানার, শেষদিন সৈকতে প্রফেসরের

কাঁধ চাপড়ে দিয়েছিল কার্ল ক্রিস। ছোট পিস্তল ব্যবহার করেছিল বলেই অটো কাঙ্ক্ষা যেতে হয়েছিল তাকে। 'প্রফেসর ইব্রাহিমকে সৈকতে ইঞ্জেক্ট করো তুমি, তাই না?' জিজ্ঞেস করল।

'ঠিক ধরেছ,' যুহুর্ভের ঘনো চোখ নরু হলো ক্রিসের, রানার চোখে তাকিয়ে আছে, যেন স্তম্ভরটা পড়ছে। 'তবে তোমার ধারণা ঠিক নয়, বানা, ইচ্ছে করলে আমি দূর থেকেও তাকে ইঞ্জেক্ট করতে পারতাম।' আদার ম্যাচ বাস্তুটা দেখাল সে। 'এটাব রেঞ্জ দশ মিটার।'

'এটা অ্যান্টিডোট?' হাতের বাতুলটা দেখাল রানা

'হ্যাঁ,' হাসল ক্রিস। 'কিন্তু তোমার কোনও কাজে আসবে না। ওটা তৈরি কবতেই হলো। হাজার হলেও এক্সপেরিমেন্টের সময় আমার নিজেরও কোনও ক্ষতি হয়ে যেতে পারে দুর্ঘটনাবশত।'

'ক্ষতিগ্রস্ত বিজ্ঞানীদের সুস্থ করে তোলা যায় এটা দিয়ে?'

'যায়, যদি ভাইরাস প্রয়োগের একবছরের মধ্যে অ্যান্টিডোট দেয়া যায়। বললে বিশ্বাস করবে না শতকরা নিরানব্বুই দশমিক নয়-নয় ভাগ সুস্থতা ফিরে আসে।' হাসল ক্রিস। 'আমার আবিষ্কার জিনিসটা। পিস্তলটাও। পিস্তলের প্রয়োগটা তোমাকে দেখাব আমি। কিন্তু দুঃখিত, অ্যান্টিডোটের প্রয়োগ দেখতে পাবে না তুমি এ-জীবনে।'

থসস পান্টাল রানা, সময় চাইছে। 'ওধু মুসলিম বিজ্ঞানীদের কেন?'

'কারণ মুসলিমরা চাকরের জাত। চাকর হয়েছেই থাকতে

হবে ওদের। তোমাদের আমরা পাঁচশো সত্তর সালে ফেরত পাঠাব। প্রথমে আমার পরিকল্পনা নিয়ে স্থিতি ছিল মোসাদ, কিন্তু টুইন টাওয়ার আক্রমণের পর সিদ্ধান্ত নেয়া হয় মুসলমানদের মেরুদণ্ড ভেঙে দেয়া হবে।’

‘সিআইএ-ও জড়িত? ওরা জানে সব?’

‘মোসাদের এজেন্ট যারা, যারা সিআইএ-র ডবল এজেন্ট, তারা জানে। করো, রানা, আরও কোনও প্রশ্ন থাকলে করো। আমি চাই না মনে কোনও প্রশ্ন নিয়ে ভেজিটেবল হও তুমি।’

‘জিনিসটা কি, ক্রিস, যেটা ব্রেইনের অমন ক্ষতি করে?’

‘একটা শাইরাস। বিশ ঘণ্টার মধ্যে এমন একটা ফাংগাস তৈরি করে যেটা ব্রেইন টিস্যুকে আক্রমণ করে, ব্রেইন সেলের অক্সিজেন সাপ্লাই প্রায় বন্ধ করে দেয়।’

কথার ফাঁকে আস্তে আস্তে সামনে বাড়ছে ক্রিস, রানাকে মিস করতে রাজি নয়।

‘আমি তোমাকে বাঁচার একটা সুযোগ দেব, রানা। তবে সেই বাঁচা হবে মৃত্যুর চেয়েও করুণ। বাকি জীবন অধৰ্ব হয়ে থাকতে হবে তোমাকে। অন্যের গলগ্রহ হয়ে বাঁচতে হবে।’

মাথার ওপর হাত তুলল রানা, মুহূর্তে হাতের ঝাঁকিতে ছোরাটা চলে এল ওর হাতের মুঠোয়, পরক্ষণেই থো করল ও। শেষ মুহূর্তে সরে যাওয়ার চেষ্টা করল ক্রিস। ঘ্যাচ করে তার ডান হাতের কজিতে বিধল ছোরাটা। হাত থেকে রিভলভারটা পড়ে গেল। ব্যথায় আর্তনাদ করে উঠল কার্ল ক্রিস, এক হাতে চেপে ধরল আরেক হাত। ঘ্যাচ বক্সটাও হাত থেকে পড়ে গেছে। লাফ দিয়ে সামনে বাড়ল রানা, ঝাঁপ

মোসাদ চক্রান্ত

দিল ক্রিসের রিভলভার লক্ষ্য করে। শেষ মুহূর্তে শরীর গড়িয়ে
সরে যেতে হলো ওকে। প্রথম লাগিতে রিভলভারটা টেবিলের
তলায় পাঠিয়ে দিয়েছে ক্রিস, দ্বিতীয়বার পা তুলেছে রানার
মুখে লাগি মারার জন্যে।

গড়ান দিয়ে সরে গিয়েই উঠে দাঁড়াল রানা, ক্রিস উবু
হয়ে মাচ বক্স তুলছে, লাগি মারল তার পেট লক্ষ্য করে।

লাগল না লাগিটা।

শিছিয়ে গেছে ক্রিস, ঘুরেই দৌড় দিল সিঁড়ির দিকে,
একেক লাফে চারটে করে ধাপ টপকাচ্ছে।

ধাওয়া করল রানা, কিছু ধরতে পারল না। ও সিঁড়ির
মাঝামাঝি পর্যন্ত পৌছোতেই বন্ধ হয়ে গেল ওপরের
দরজাটা। ক্লিক করে আওয়াজ হলো। তালা আটকে দেয়া
হয়েছে। ভারী ওক কাঠের পুরু দরজা, খালি হাতে ভাঙার
প্রশ্নই ওঠে না।

রিভলভার দিয়ে তালা উড়িয়ে বের হতে হবে।

দ্রুত সিঁড়ি বেয়ে নামতে শুরু করল রানা। দাঁতে দাঁত
চেপে রেখেছে। কার্ল ক্রিসের মুক্তি নেই। ল্যাবে নেমে এল
ও, ওনতে পেল হিসহিস আওয়াজ। সাদা গ্যাস ঢুকছে
দেয়ালের লুকোনো ফুটো দিয়ে। শ্বাস নিতে কষ্ট হলো ওর।
দম আটকে উবু হয়ে রিভলভারটা টেবিলের তলা থেকে বের
করল রানা, সিঁড়ির দিকে পা বাড়াল। সিঁড়ির ধাপ পর্যন্ত
পৌছোতে পারল না, তার আগেই দম শেষ হয়ে গেল। দম
নিল ও, মাথার ভেতর জ্বলে উঠল রক্তচাপে শত শত ব্যতি।

আর কিছু ওর মনে নেই।

দশ

গ্যাসের প্রভাব দূর হয়ে যাচ্ছে। চোখ দিয়ে অনবরত পানি ঝরছে রানার, কাজেই ধারণা নেই কোথায় আছে। তবে ঠাণ্ডা। অসহ্য ঠাণ্ডা। দাঁতে দাঁত বাড়ি যাচ্ছে; শিউরে শিউরে উঠছে শরীর। হাতের উল্টোপিঠে চোখ মুছল রানা। চোখের সামনে শুধু কালো আর সাদা পর্দা। তারপর আন্তে আন্তে পরিষ্কার হলো দৃষ্টি। হ-হ বাতাস বইছে। অনেক ওপরে আছে ও। জনমেই উঠছে আরও ওপরে। নিচের দিকে ভাকাল। আবছা অন্ধকার আর ধূসর ভূষার ছাড়া আর কিছু চোখে পড়ল না। কি করার ঢালের ওপর দিয়ে যাচ্ছে ও একটা চেয়ার লিফটে চড়ে। বাম দিকে ভাকাল রানা, ফুট পঙ্কশেক নিচে দেখতে পেল কার্ল ক্রিসকে, কেবল অপারেটিং মেকানিজমের সামনে দাঁড়িয়ে আছে। তার পেছনে একটা অন্ধকার কি সাপ্রাই কেন্দ্র। লোকটার গলা স্তনতে পেল ওপর থেকে।

‘কপাল ভাল তোমার, রানা, আমার এয়ারপিগুলটা আছাড় খেয়ে নষ্ট হয়ে গেছে, নইলে তোমাকে আমি বাঁচিয়ে রাখতাম। এখন কিইং অধরিটিকে ঘোষণা করতে হবে যে

মোসাদ চক্রান্ত

বোকা এক কিয়ার ট্রেসপাসিং করতে গিয়ে মারা পড়েছে।
চকিতে মরবে তুমি, রানা, সত্যিই তুমি ভাগ্যবান।'

দ্রুত ওপরে উঠছে চেয়ার লিফট, ছোট হয়ে যাচ্ছে কার্ল
ক্রিসের দেহ। চাঁদের আলোয় তার হাতে একটা কুঠার
দেখতে পেল রানা। বুঝতে দেরি হলো না ওকে ওপরে তুলে
কেবল কেটে দেবে লোকটা। অনেক নিচে আর দূরে জুরিখের
আলো মিটমিট করতে দেখল রানা। শহরের বাইরের উঁচু
একটা পাহাড়ে ওকে নিয়ে এসেছে লোকটা, চেয়ার লিফটে
উঠিয়ে মেশিন চালু করে ওপরে তুলছে। জ্ঞান না ফিরলে ও
জ্ঞানতেও পারত না কখন কিভাবে মারা গেল। বুঝতে পারল
না ক্রিস দেরি করেছে কেন, যথেষ্ট ওপরে ওকে তোলা হয়ে
গেছে।

আরও ওপরে উঠছে লিফট। মাথা ওপরে তুলে কেবলটা
দেখল রানা। ওটা ছিঁড়ে গেলে চেয়ার সমেত নিচে ঝসে
পড়বে ও। তবে কেবলটার পুরুত্ব দেখে বোকা যায় টিলেটাল
ভাবে ঝসে পড়বে ওটা। তবে ওর যদি ভুল না হয় তাহলে
পতনের আগে মুহূর্তের জন্যে কেবলটা চেয়ার সহ ধমকে
দাঁড়াবে।

সাবধানে উঁচু হলো রানা, উঠে দাঁড়ালে ট্র্যাপে পা
বাধিয়ে। দুলে উঠল চেয়ারটা।

পটাং করে একটা আওয়াজ শুনতে পেল, পরমুহূর্তেই ডিল
পড়ল কেবলে। তারটা কেটে দিয়েছে কার্ল ক্রিস!।

লাফ দিল রানা, হাত দুটো ওপরের দিকে। কেবলটা ধরে

কেবল । নিচু হয়ে যাচ্ছে কেবল, সেই সঙ্গে সামনের পাহাড়ের দিকে চলেছে । বাতাস কেটে সামনে আর নিচে ছুটছে রানার দেহ । ভোঁতা একটা আওয়াজ ওনতে পেল । চেয়ারটা বরফের ওপর আছড়ে পড়েছে ।

হাতের তালু জ্বলছে রানার, মনে হচ্ছে আগুন ধরে গেছে । তারটা দুলে দুলে নামছে, দু'পা দিয়ে নিচের কেবল জড়িয়ে ধরল ও, নিজেকে রানার মনে হচ্ছে মস্ত একটা পেড়লামের শেষ শ্রান্ত । কার্ল ক্রিস এখন অনেক দূরে, তাকে নিয়ে দৃষ্টিভ্রম কিছু নেই । সম্পূর্ণ মনোযোগ নিচের দিকে দিল রানা । আর বিশ ফিট বড়ো জোর, তারপরই কেবল আর ও শক্ত বরফের ভেতর ঢুকে যাবে চিরতরে । কেবলের ওজনই ওর কাল হবে, যদি গতি আর পতনে ক্ষুদ্র না হয় ।

দশ ফুট ওপরে থাকতে হাতটা ছেড়ে দিল রানা, ধপ করে ঝসে পড়ল নিচে । কপাল ভাল নিচের বরফ জমাট নয়, পুরু তুষারে পড়ছে ও । গলা পর্যন্ত ঢুকে গেল ভেতরে । বাধা লাগেনি বললেই চলে, তবে আহত পা-টা শরীর থেকে খুলে গেছে মনে হলো । ওর ফুট দশেক সামনে পড়ল কেবলটা, ওজনের কারণে পড়েই তুষারের তলায় হারিয়ে গেল ।

দাঁতে-দাঁত খটাখট বাড়ি ঝাওয়া শুরু করেছে ঠাণ্ডায়, জানে না ও পাহাড়ের ঠিক কোথায় আছে এখন । তুষার সরিয়ে উঠে এল ও, নামতে শুরু করল ঢাল বেয়ে, ভাবছে কোথাও না কোথাও ঢাল শেষ হবে ।

চাঁদ উঠেছে আকাশে । বরফে পিছলে প্রচুর আলো মোসাদ চক্রান্ত

ছড়াচ্ছে। দশ মিনিটও পার হয়নি, রানার মনে হলো পা দুটো জমে যাচ্ছে ওর। ক্লান্ত ও, হতাশ লাগছে, মনে হচ্ছে শেষ পর্যন্ত কার্ণা ট্রিসই জিতে গেল। শীতের উপযুক্ত কাপড় থাকলেও তুষারে জমে মৃত্যু হতে পারে মানুষের, আর ওর পরনে সাধারণ পোশাক। পায়ে চাপড় মারল রানা, বুঝতে পারল দ্রুত অনুভূতি হারানো শুরু। এখন আর হাঁটছে না ও, পা টেনে টেনে এগিয়ে চলেছে।

হঠাৎ করেই সামনে একটা কালো আকৃতি দেখতে পেল। চৌকো কালো আকৃতি। কাছে যেতে বোঝা গেল ছোট একটা কেবিন, ফিয়ারদের বিশ্রাম নেবার জন্যে।

খুবই ছোট কেবিন। ভেতরে ফায়ার প্রেস নেই। তবে তীক্ষ্ণ দাঁত বসানো হিমেল হাওয়া আর তুষারের কবল থেকে বাঁচা যাচ্ছে। একদিকের দেয়ালে চার জোড়া কি দেখতে পেল ও। রিপ্রেসমেন্ট। কোনও ফিয়ারের কি ভেঙে গেলে বা স্ট্র্যাপ ছিঁড়ে গেলে এখান থেকে বদলে নিতে পারবে।

ব্যস্ত হাতে এক জোড়া কি তুলে নিল রানা, মনে হলো নতুন জীবন ফিরে পেয়েছে। চালের শেষ মাথার পৌঁছে শহরের ধারেকাছে যেতে হলে কিগুলো অনেক সাহায্য আসবে। চাপড় মেরে-মেরে পায়ে সাড় ফিরিয়ে আনল রানা, মো ভয় নেই, জুতোয় সঙ্গে যতটা ভাল ভাবে সম্ভব বাঁধল কি, তারপর বেরিয়ে এল বাইরে। সাবধানে ভাল বেয়ে নামতে শুরু করল। উপযুক্ত জুতো না থাকার কারণে বাক নিতে গেলে সম্ভব হাকতে হচ্ছে, নইলে কি ছুটে যাবে জুতো

থেকে। ওর কাছে কি পোল নেই, কাজেই গতি বড় ধীর।
কিইং করায় পায়ে কামড় বসান্ধে বাতাস, যেন হচ্ছে বর্ণা
দিয়ে খোঁচা মারছে কেউ। তবে বুঝতে পারছে রানা, ঢালের
শেষ মাথা পর্যন্ত ঠিকই টিকে থাকতে পারবে ও। পারতে
হবে।

বাতাসের ফিসফিসানি ছাপিয়ে চাপা হিসহিস আওয়াজটা
ঠিক পেছন থেকে আসছে। দ্রুত আসছে। দূর থেকে কাছে
চলে আসছে। ঘাড় ফেরাল রানা, দেখল পেছনে দ্রুত এগিয়ে
আসছে একজন ভিয়ার। যেই বাক নিচ্ছে, নরম ভূমারে ঘষা
লেগে হিসহিস আওয়াজ করছে তার কি। মৈত্রিক আকৃতিটা
চিনতে অসুবিধে হলো না রানার। কার্ল ক্রিস আসছে তার
অসমাপ্ত কাজ শেষ করতে।

লোকটার কাছে কোনও খুঁত নেই। ও যারা গেছে কিনা
পরীক্ষা করে দেখতে গিয়েছিল নিশ্চয়ই, শুধু চেয়ারটা দেখে
বুঝেছে বেঁচে আছে ও, তারপর তড়া করেছে। গতি বাড়াল
রানা। যদিও বুঝতে পারছে গতিতে হারাতে পারবে না ও
ক্রিসকে। কি পোলের খোঁচায় দ্রুত ছুটে আসছে লোকটা।
কাঁধের ওপর দিয়ে তাকাল রানা। বিশ ফিট...দশ ফিট...পাঁচ
ফিট। একটা চোখা কি পোল বর্ণার যত উঁচু করল ক্রিস,
গেঁথে ফেলবে রানাকে।

দ্রুত বাক নিল রানা কি যাতে জুতো থেকে ছুটে না যায়
সেদিকে লক্ষ রেখে। ছুটে গেলেই সর্বনাশ। হিমশিম খান্ধে
রানা। ফুট খানেক দূর দিয়ে পাশ কাটাল কার্ল ক্রিসের কি
মোসাদ চক্রান্ত

পোল ।

তালের শেষ প্রান্তে চলে এসেছে ওরা প্রায় । গাছের ঘনত্ব এখানে আগের চেয়ে বেশি । লোকটাকে গাছের আড়ালে চলে যেতে দেখল রানা । আধ মিনিট পরেই আবার সে উদয় হলো পেছনে । এবার পাশ থেকে আসছে । শেষ মুহূর্তে সরে যাবার চেষ্টা করল রানা । রানার কোমের কাছে দাঁচ করে ঢুকল জোরাল মত হীক্স কি পোল । অটকা নিয়ে কোট ছুটিয়ে নিল ও । সোজা হুটল নিচের দিকে । একটা অম্বুও রচনা করে আবার ছুটে এল ক্রিস, কি পোল নামনে বাড়িয়ে রেখেছে লোকটা কাছে চলে আসতে এবার সরল ন্য রানা, মাথা নিচু করে কাঁধ দিয়ে ধাক্কা মেরে বসল ক্রিসের পেটে । ওর মাথার ওপর দিয়ে ধরিয়ে গেল কি পোল । ধাক্কা ধোয়ে দু'জনই পেছনে ছিটকে পড়েছে । কি বলে গেছে রানার জুতো থেকে ।

প্রায় একই সঙ্গে বরাফ ছেড়ে উঠে দাড়াল দু'জন । কি পোলটা দিয়ে লাঠির মত ঘুরিয়ে বাড়ি মারার চেষ্টা করল ক্রিস, তালের ওপরে আছে সে রানা দেখল ওর জোরাল ঘায়ে আহত কভিতে কাঁড়জ বঁধে রেখেছে লোকটা । রানার চোয়ালে আছড়ে পড়ল ক্রিসের কি পোল । বিশেষ বাধা লাগল না অবশ্য চোয়ালে, কিন্তু চিং হয়ে পেছনে পড়ে গেল ও ।

ভারী কি বুট দিয়ে রানার মাথায় লাথি মারল ক্রিস । ক্রিসের গেড়ালি আঁকড়ে ধরল রানা, মোচড় মারল গায়ের জোরে । বাধায় গুড়িয়ে উঠল কার্ল ক্রিস, ভায়সামা হারিয়ে পড়ে গেল বরাফে । ওঠার আগেই রানার একটা ডান হাতি

ঘুসি খেল চোয়ালে। ঘুসি মারতে গিয়ে পা পিছলে রানাও পড়ে গেল উপুড় হয়ে। পাশাচ্ছে ক্রিস। লাফ দিয়ে উঠে ধাওয়া করল রানা, ডান হাতটি আরেকটা ঘুসি বসিয়ে দিল কার্ল ক্রিসের চোয়ালে। পরমুহর্তে লাফিয়ে পিছিয়ে আসতে হলো ওকে। পায়ের নিচে ধরধর করে কঁপে উঠেছে বরফ। আরেক লাফ আরও তিন হাত পেছনে সবল ও। কড় কড় করে একটা কানফাটা আওয়াজ হলো। চোখের সামনে দশাটা ঘটেছে, অথচ বিশ্বাস করতে কষ্ট হলো রানার। নরফে লম্বা একটা ফাটল দেখা দিয়েছে। ওর মাত্র দু'ফিট সামনে পাহাড়ের গায়ে গভীর একটা খাদ দেখা দিল। গড়িয়ে খাদের ভেতর পড়ে যাচ্ছে কার্ল ক্রিস, শেষ মুহূর্তে সরে যাওয়ার চেষ্টা করল, কিন্তু পারল না। ভয়াবহ চিৎকার ছাড়ল ক্রিস, মনে হলো কুকুর কাঁদছে। ঢালের ওপর থেকে হড়হড় করে নেমে এলো কয়েক টন ভূষার ও বরফ, খাদটা ঢেকে দিল দেখতে দেখতে। চিৎকারটা মাঝপথে থেমে গেল। রানাও বুক পর্যন্ত চাপা পড়ল খসে পড়া ভূষারে।

হাঁচড়ে-পাঁচড়ে বেরিয়ে এল ও, কার্ল ক্রিসের অবস্থা বোঝার জন্যে কাছে যাওয়ার সাহস হলো না। থাকুক লোকটা খাদের ভেতর টনকে-টন বরফ চাপা পড়ে, আগামী ঐশ্ব্য তার অবিকৃত লাশটা পাবে পাহাড়ে পিকনিক করতে আসা স্মৃতিবাক্ত দম্পতিরা।

কি পরে নিয়ে ধীর গতিতে রওনা হয়ে গেল ও ঢালের নিচের অংশের দিকে। আর বেশি দূরে নেই ঢালের শেষ।

মোসাদ চক্রান্ত

এখনও অনেক কাজ বাকি। মোসাদ এত সহজে হার য়ানবে না, পাল্টা ছোবল দিতে চাইবে। তার আগেই উদ্ধার করতে হবে অ্যান্টিডোট, ধ্বংস করতে হবে গ্রিনসের ল্যাবরেটরি, তারপর পুরো রিপোর্ট পাঠাতে হবে মেজর জেনারেলকে। সম্ভবত গা ঢাকা দিতে বলবেন তিনি। সেক্ষেত্রে, ঠিক করে ফেলল রানা, ভক্টর ইব্রাহীম আর অন্যান্য বিক্কানীদের সুস্থ করে তোলার পর সোজা ইতালির ক্যামিভ্রিয়াটে যাবে ও এর কাছে কিছু কৈফিয়ত পাওনা আছে অ্যাঞ্জেলিয়া আর তার ভাই-বোদাদারের। ওদের বোঝাতে পারলে পাহাড়ে ছুটিটা আনন্দে কাটবে তাতে কোনও সন্দেহ নেই।
